

Nwàk Fàak Ngàa Ntum Jisòs

Tu ncèp nè ghaŋ nè n̄wàk ènə sə cèep nə, a m̄m̄vè'nə Yòŋsə nè Rəreŋ nə à gù b̄m̄ sè wo à be'lòto Jisòs wèŋ fana wo tsoho sesə lo Ntirè nè Bèboŋ nə mvwe' lak Jòrosalèm bə Jùdiyà bə Sàmariyà nə ye mvwe' sè nzeŋgòŋ nə kè lèsə pwe'fo' (taŋ 1:8).

Yumòk nè guŋguŋ bə n̄wàk ènə a fàak Yòŋsə nè Rəreŋ nə. Nà' à vè n̄mbu Pentekòs bohòb̄m̄ sè wo à dzəm Jisòs sə mvwe' lak Jòrosalèm. Ye jəŋ n̄mbu ànə yi à sə guŋsə cos nə.

Aco wo gapsə n̄wàk ènə bòp te': Bwìŋ à yèto n̄gòtsòho Ntirè Nè Bèboŋ nə m̄ Jòrosalèm (taŋ mb̄p 2:1-8:3), Ntirè Nè Bèboŋ nə à sèhe lòm̄vwe' lak Jùdiyà bə Sàmariyà wèŋ (taŋ mb̄p 8:4-12:25), Pol à yèto n̄gòtsòho lòm̄vwe' lak mok zəzok tè kə dzeŋ mvwe' lak Rumà (taŋ mb̄p 13-28). M̄m̄vè'nə Ntirè Nè Bèboŋ nə à kè dzèŋ bohòb̄m̄ lakm̄vum wèŋ sè' fana yà' rəreŋ də nà' ànə ka n̄gòye mègù nè b̄m̄ Jus wèŋ yeŋ.

¹ Nge' àm Tiyofilò, n̄wàk nè mù à còm to fa wu mantombi nà'a, mù à còm tsè' fa wu nja bum sè Jisòs ànə yeto n̄gòḡm̄, nə sə yə'rə fa bwìŋ,

² tètè kə dzeŋ n̄mbu nè yi à lòm̄abu. Yi à sə lòo n̄ga Yòŋsə nè Rəreŋ nə à gù yi, yi tsok non̄sə fa b̄m̄ ye sè yi à cokfis yà' n̄gòye n̄gàa ntum ye sə, bum sè wo nə sə gu.

³ Mvəsè yi à lòkok mvwe' kpɛ, yi à nìŋtsè' nì' ye bohòbùu ye sə wèŋ mənə nùumbu hum kwè. Yi à nitsè' nì' ye nə kè' ŋkùuŋntèn nsàp nè co məmərè kà ye də yi lòkok laŋ mok ye fe'lè. Wo à yə yi, bə yà'wèŋ cep cù, nə sə taanŋ nzak ganŋ kum Nwì.

⁴ Bə yà'wèŋ à cu bəbɛ' fana, yi tsok fa wo duk də, <<Kà də wèŋ me'rə Jòrosalèm fɛŋ duk, wèŋ cum tək tse' yusè Tè' à kà' fa wəŋ. A zəŋ sè mù a tsè' wəŋ yà'a.

⁵ Jon à bàptesə bwɪŋ bə ndzəp, fana a nə kà nùumbu ŋkùuŋ dzeŋ fe'lə ŋga wo bàptesə wəŋ mok bə Yòŋsè nè Rərəŋ nə.>>

Jisòs LòMubu

(Mat. 27:3-10; Mak 16:19-20; Luk 24:50-53)

⁶ Ghà nè bùu ye sə à kè be'lə bə Jisòs mvwe' mò'fis, fana wo fek yi duk də, <<Tà, wu nə fa fəsə ŋàaŋ sə ghà nè'nə bohòbùu Izùre ya vès tse' lak sə ves à?>>

⁷ Jisòs cep fəsə fa wo də, <<Yà'sə ka nzak njàwèŋ ŋgòrì bə zəŋ yəŋ. Tè' nə tse' ŋàaŋ yà' sə yi. Yi nòŋsəgè mvək yi yiŋyi.

⁸ Yusə də wèŋ nə tse' ŋàŋ ghà nè Yòŋsè nè Rərəŋ nə və bohòwèŋ, fana wèŋ nə ye ŋgàa təŋ ma nè njàm, nə sə tsoho lo ncèp àm mvwe' lak Jòrosalèm, nə ye Jùdiyà bə Sàmàriyà pwe', nə kə dzeŋ mvwe' sè nzeŋgòn nə lèsə.>>

⁹ Yi ànə cep mesə vɛ'nə fana, yi lo mubu ŋga wo sə yə yi, fana mbàk kə lok yi, wo kà yi mok yə fe'lè.

10 Mvəsè wo à sè kùk gèsè lòmali mǎbu mvəsè yi lòbisè, fana bùu sémok bwìŋ ba, sè wo à nitse' cèək sè fəfop à kè tesè təəŋ ŋɔ ni'ì wo.

11 Bùu yè'sə fek wo duk də, <<Wèŋ bùu Galili, njo nè wèŋ tə fɛɛŋ, nə sè kùk gèsè lo mǎbu vɛ'nə yà? Jisòs nè yi me'rə wɛŋ, nə lònə mǎbu nè'nə, yi nè kè bwìŋ vè sè' mvəsè wèŋ yə yi lòyà'sə.>>

12 Anə ye vɛ'nə, fana wo me'rə mvwe' nda Olip nə, nə bwi lo Jòrosalèm. Aco kilometa mò'fis.

13 A kè dzèŋ Jòrosalèm, wo ca kok lo mǎmvwe' rum ndap nè wo cugè mbwa nə. A sè cu fo' Pità bə Jon, Jem bə Andrù, Filip bə Tomos, Bətòlomì bə Màtiyò, Jem mo Afòs bə Saimù nè wo togè yi də Zilò, nə ye Judàs mo Jem.

14 Ghà yà lòŋ wo sè tse' tsətsərè nè mò'fis, nə fa ntəm awo ŋgòsə gùhù pìriyà. Wo à ye fo' bə bəba wèŋ sè', mòk à ye Mèri ma Jisòs bə bwema Jisòs sè mbəmbam wèŋ.

Màtiyàs Jə Kùu Judàs

15 Nùumbu mok à càa, ŋga wo sè cu kwe' fana bùu sè wo à dzəm Jisòs à ye fo' co ŋkù mò'fis bə bwìŋ hum ba. Fana Pità lokok təəŋ mǎtsè, nə cep duk də,

16 <<Bwema am wèŋ, ŋwàk Nwii nə ye tsoŋ zìnə mvəsè Yòŋsè nè Rəɛŋ ànə cep casə mǎ cùhù David, sè kum liŋ Judàs, nè yi à nì tsè' fa bùu sè wo à ko Jisòs mandzè nà'a.

17 Yi Judàs à ye ŋwè àvès mòk nè wo ànə swekfis yi, nə fa yi fàk mǎŋgorè vès anə.>>

18 (Yi à kə ywi nze bə mbàam sè yi à gù bup, nə tse' yà'. Nə lɛŋ kpɛ ye bə zɛŋ, nə gbɛ vehe, nto ye tesə.

19 Bùu sè mvwe' lak Jòrosalèm à yuk bə zɛŋ pwe', nə to mɛmvwe' nə də Akèdamà. A yà'a bə ncèep lak awo də, nze ndɛəm.)

20 <<Yà'a yəyərè bə yusè wo à còm yà' ndzənə ŋwàk Sàam də,

<Wèeŋ me'rə ndap ye nooŋ to, ŋwè nəmòok kà mbwa cu.>

Wo à còm sè' də,

<Ŋwè nəmòk nə jəŋ fàak sè yi à sə gùu sə.>

21 Nə yeè nə də mòok nə ye tsoŋ mò'fis nè yi nə be'lə vesùwèŋ. Ŋwè ènə nə ye ŋwè nè yi a sə yegè vesiwèŋ ghà yà lònŋ nè Tà Jisòs à sə gihi kɛ' tsətsəŋ bə kəkək mɛtsətsə'rè vès,

22 ye jəŋ ghà nè Jon à bàptesə yi, nə kə dzeŋ nùmbu nè yi à mè'rə ves, nə lo mɛbu. Vesiwèeŋ nə sə tsoho kɛ' fa bwìŋ mvəsè yi a lokok mvwe' kpɛ.>>

23 Fana wo cokfis bwìŋ ba, Jòsep nè liŋ yee mok à ye Bàsabà. Wo sə to yi sè' də Jostòs. Yi ye bə Màtiyàs.

24 Wo gɛ piriyà duk də, <<O Tà, wù rì ntum bwìŋ lònŋ wù. Niŋ tsok fa-a ves mɛtsətsə'rè bùu sè ba yè'e nè wù cokfis

25 ŋgòjə fàak yè'e co masinjà yo sè Judàs à mè'rə màk, nə lo mvwe' sè yà'a kəkərè bohòyi ŋgòcu fo' sə.>>

26 Fana wo təm bèŋ ya wo riŋ ŋwè nè wo jəŋ nə. Wo à màk bèŋ ko Màtiyàs, fana yi ye ŋga'a mòk nè yi be'lə ŋgàa ntum Jisòs sè hum-ncòp-mò'fis sə.

2

Mvəsə Yònsə Nə Rəreŋ A Vəə

¹ Nùmbu nè ŋkàha sè wo togè yà' də Pentekòs à dzèeŋ fana yà' ye ŋga bùu yè'sə wèŋ cu mvwe' mò'fis. *

² Wo yuk ntèŋ nà, ŋga sə cwì vè mabu co fèfè nè bup sə vè yi ve'ε, nə kə ci'lə təeŋ munə ndap nè wo cu mbwa nə dak.

³ Fana wo ye yumok co lum mis ve'ε, yà' ga'a naaŋ lo bùu sè mu nda'à anə mu tuhù lòoŋfo'.

⁴ Wo pwe'fo' rwiŋ bə Yònsə nè Rəreŋ nə, nə ye ŋga'a ŋgòcèp ncèep lak bwiŋ zəzok mvəsə Yònsə nə à fa wo ŋaŋ ŋgòcèp.

⁵ Mvək ànə à ye ŋga bùu Jus sè wo wərgè Nwì à ye mvwe' lak Jòrosalèm sə. Wo à vè mvwe' bòop lak zəzok sè yà'a sənə nzeŋgònə pwe'fo'.

⁶ Wo ànə yuk mvəsə yà' sə cwì vè, fana wo kə caŋ baŋ mvwe' mò'fis. Wo à mərə cèbùè bùusè wo à yuk ŋga bùu sè wo à dzəm Jisòs sə pwe' à sə cèp ncèep lak awo mò'fis mò'fis.

⁷ Wo à sèeŋ, nə sə duk də, <<Yè'e ka pwe'fo' bùu Galili yeŋ nè?

⁸ A yè'sə nsàp nè fò, ves yuk ŋga wo sə cep ncèep lak avès pwe' ε.

⁹ Vèes fəeŋ bùu Patiyà, Midiyà, nə ye Elàm. Mok vè Mèsòpòtemiyà nə ye Kàpàdosiyà, mok Poŋtòs bə Esiyà,

¹⁰ Frijiyà bə Pàmfiliyà, Ijip nə ye mvwe' nzeŋgòn Libiyà nè nà' kuəp Sìrini. Mok fəeŋ

* **2:1 2:1** Pentekòs ànə ye nùmbu nè bùu Jus wèŋ à sə bəŋsəgè bum.

ηκùιη sè wo vè mvwe' lak Rumà, bùu Jus nè ye sè wo à be' lòmandzè Nwì bùu Jus be'lè.

11 Bùu Krit nè ye bùu Àràb sè'. Mvəsè vès vè mvwe' sè zəzok vε'nə, fana ves yuk ηga wo sə tsòho bum maηgəηgèη sè Nwì à gù bè ncèep lak avès.>>

12 Bum yè'sə ànə ghak, nè jipsə tes wo vε'nə, fana wo sə fe'rə kε'ca ni' awo duk də, <<Yè'sə nsàp nè fòvε'nə ε?>>

13 Bùu mok à jə bùsə yàwo yà' bum ywì'lə nzòn. Wo sə ywì'lə wo də yà'wèη no jùhù rùk.

14 À ye vε'nə, fana Pità bè ηgàa ntum Jisòs mok sè hum-ncòp-mò'fis sə à lòkok təηη mʉtsè, nè sə cep gugəη də, <<Wèη bùu Jùdiyà nè ye bùu sè wèη cu mvwe' lak Jòrosalèm pwe', wèηη yu'rə nè riη tse' duk də,

15 bùu yè'sə ka rùk mvəsè wèη sə tsərə yà'sə no jùhù. Wèη yə yàwèη sè' də cu ntòzəzòn bohòηwè ηgòjùhù rùk.

16 Yè'sə yumok sè ηgà tsòhòbum Nwì nè liη ye à ye də Joè nà'a ànə cep noηsə lo taη ntèη laη.

17 Yi à còm də,

<Nwì à duk də,

<<Nùumbu sè yà'a nè sə ləsə lo fana, mʉ nè fa Yòηsè àm bohòndàaηwè pwe'.

Wàhaηgwèη bè wàhantzùum awèηη nè tsoho fa bwìη bum Nwì.

Bù ηkwàha bwìη bè wàhabwìη wèηη nè ye zìnə bum Nwì ndzənə lo.

18 Mʉ nè fa yòηsè àm nè bohòηgàa fàak am sè mbəmbam bè sè bèba sè'.

Mvèk ànə dzèηη fana, wo sə tsoho fa bwìη bum Nwì.

19 Mu nè gu bum mok sè yà' gu vè'ε maŋgəŋgèŋ yà' yəəŋ mubu bə sə nze.

Bwìiŋ nè ye nduəm bə mis nè ye ndindi nè nà' sə lokok bə ñàŋ.

20 Nùum nè seŋ, ñwə baŋ buŋ co nduəm ñkuŋ fana nùmbu nè ghaŋ nè Tà nè nà'a nè ye maŋgəŋgèŋ nè dzeŋ.

21 Fana ndàaŋwè pwe' nè yi leŋ to Tà munə nùumbu yà'sə fana ñgèŋgàaŋ nè luŋ.>>
>

22 <<Wèeŋ yu'rə na ncèp nè'e è, bu Izùre wèŋ. Jisòs nè mvwe' lak Nazàre ñwə nè Nwì à cokfis, nè niŋtsok fa weŋ nsàp fàk ye bə maŋgəŋgèeŋ bum mok sè yà' gha' bwìŋ. Nwì à sə gu càsə yà' ndzə bohòyi. Wèŋ rì yàwèŋ yu yè'sə sè', busə yi ànə gu yà' mutsətsə'rə wèŋ.

23 Nwì bə tsətsə'rə ye nè ye bə ñkərè nè nje à dzəm kok yi də wo nè fa Jisòs ndzə bohòwèŋ, fana wèŋ fa yi bohòbu sè bup wo tɛ'lə yi mu ntəəŋ. Yà'a mvəsə wèŋ à zə yi wèŋ.

24 Fana Nwì lokoksə yi mvwe' ku sè', nè fiŋ me'rə fis yi mvwe' ñgə' ku. Mandzə ànə ka nè co ku kotse' mamgeŋ yi yeŋ.

25 Devid ànə cəp, nè sə kum liŋ ye duk də, <Mu yə də Tàa yegè venə ghà yà lòoŋ fo'.

Yi tə mu bo mamàk ya ñga ñgə' kà mu gha'.

26 Nà'a njo nè ntum àm tse' kwəkwa, ncèep cù am sə ye ləlum.

Fana mù cum sè' bəbəŋ, nè sə naaŋ tu.

27 A busə wùu Nwì, kaco wu me'rə mak noŋsə mu mvwe' nzeŋgòŋ yòŋsəə bu kuku yeŋ.

Kaco wu nè me'rø ngùpni' ngà fàk yònè zìnø
ngòbì yeŋ.

²⁸ Wù a nì tsè' fa mɔ mandzè nè ngòkè cu ncu
nè ngòtse' yòŋsè laŋ.

Mɔ nè kwa bùusè wu vesù.>

²⁹ <<Bwema am wèŋ, mù riŋ bèboŋni də aco
mù cèp yumok sè zìnø bè liŋ tàcici àvès Devid.
Mvəsè yi ànə cèp bum yè'sə, fana yi ànə kpɔ lo
yuye laŋ, wo tuuŋ yi, sèe ye sə nòmali yè' fo' tè
ntinə.

³⁰ Yi à ye ngà tsòhòbum Nwì, nè riŋ tse' yusè
Nwì ànə keŋ də yi nè fa yi. Nwì ànə kak də yi nè
kè gù ŋwəə nà' mòk ngòkok gaŋ ŋkum Devid.

³¹ Tàcici àvès Devid ànə riŋ yusè Nwì ànə tse'
ngògù fana, mvəsè yi à duk də <Wo à ka yi
mvwe' nzeŋgòŋ yòŋsəə bù kpɔkpɔ me'rø nonəsə,
ngùpni' ye à ka sè' bi> yà'a, yi à sə kà yè'sə bè
ni' ye cèp. Yi à sə cèp bè Ŋkum ngà gèm bwìŋ
nè Nwì à duk də yi nè tum vesə nə.

³² Nwì à lòkoksə Jisòs nè mvwe' kpɔ, fana vès
bwe ye pwe' à yə, nè riŋ bè zeŋ də a zìnø.

³³ Yi a lòkok cu lòbo ma màk bohòNwì, nè
jəŋ Yòŋsè nè Rəreŋ bohònà' mvəsè tè' ànə kak
nonəsə, fana yusè wèŋ yə, nè yu'ù nə, sə gù yà'
yòŋsè ànə nè Jisòs sə fa nà' yi.

³⁴ Devid à ka ye mɔbu lo fana, à ye yi nè yi à
cèp duk də,

<Tà Nwì à duk bohòTà àm də,

<<Cum bo ma mà'a mɔ fəeŋ,

³⁵ ya mɔ nonəsə bùu sè wo bèŋgè wu sə nze ya
wu nəŋ tes kù mɔ ni'ì wo.>> >

36 <<Bùu Izùre pwe' tse' ngòrì tse' pap də Jisòs nè wèŋ à te'lə yi m̄ ntəəŋ nə, Nwì a gù yi ngòye Tà, nə ye fe'lə Nkum ngà gè m̄ bwiŋ nə sè'.>>

37 Bùu sè à yuk ve'nə fana ntum saha wo nèbup. Wo fek Pità bə ngàa ntum Jisòs mok sè wèŋ də, <<Aco vès gù yè'sə va, bwema avès wèŋ?>>

38 Pità tsok wo də, <<Wèeŋ kupsə, nə bwi fa bup awèŋ ŋkwèŋ, wèŋ lònŋ, nə baptesə m̄nə liŋ Jisòs Krèst ya ŋga wèeŋ tse' sèswifa bə bup awèŋ, ya wèeŋ tse' Yòŋsè nè Rərəŋ nè nà'a fəfa nè Nwì.

39 Wèŋ rì də kəkək ènə nà'a nè njàwèŋ, nə ye bwe awèŋ, nə ye nè bùu sè wo cu yàwo səsap bohòNwì sè'. A yà'sə də nà'a bohòndàaŋwè pwe' nè Tà Nwì a to yi sè'.>>

40 Pità ànə cep bohòwo ve'nə, nə cep bum mok wùriŋ. Yi sè leŋ wo də, yà'wèeŋ lap mandzè nè ngòca gesə mvwe' nsàp ŋgə' nè bù ngàa ŋkàì' wèeŋ nè kè yə nə.

41 Bwiŋ ŋkùuŋntèn à yuk ncèp ye nə, nə dzəm nà', nə baptesə sè'. Fana bùu sè wo à be'lə kwe' àwo nùmbu ànə à ye co bwiŋ ncùhù te'.

Bùu Sè Wo à Dzəm Jisòs

A Ye Cù Mò'fis

42 Wo à jə gha' mvèk awo ngòyu'rə yusè ngàa ntum Jisòs sè à sè yə'rə wo, nə sè be'lə mvwe' mò'fis. Wo sè zə beŋ Nwì mvwe' mò'fis, nə sè leŋ piriya.

43 Ngàa ntum Jisòs sè wèŋ à sè gù bum sè yà' à sè gha' bwiŋ m̄tuhù wùriŋ fana, wəə à ko bwiŋ pwe'fo'.

44 Bùu sè wo à dzəm sə pwe' à sə cu mvwe' mò'fis, nə sə be'lə bum awo sè wo à tse' mvwe' mò'fis sè'.

45 Wo à sèŋ bum yà'sə nə sə gapsə mbàam sə mvəsè wo yə də ŋəŋgàŋ ka tse'.

46 Nùumbu pwe' wo sə kə be'lə mvwe' kwe' nè mò'fis mənə ndap Nwì nè ghaŋ nè nà' à ye Jòrosalèm anə. Wo à sə zə beŋ awo nda'à wo mvwe' mò'fis bə kwəkwa nə ye ntəm nè mò'fis.

47 Wo sə kuksə Nwì fana bwiŋ pwe'fo' à sə dzəm wo. Tà Nwì à sə jònaan fa wo bùu sè wo à sə tse' lùŋ nùumbu pwe'.

3

Pità Bə Jon Tesə

Nwè Nè Yì A Bù'rə

1 Nùumbu mòk à ye, ŋga nùm càsə maràŋ fana Pità bə Jon sə lo mɛ ndap Nwì nè ghaŋ nə. A ye ghà nè wo gùgè pìriyà.

2 A kè dzèŋ mvwe' ncùu ŋka' mok sè wo togè yà' də Ncù sè Bèboŋ fana wo tseŋ ŋgà' nəmòk fo' ŋga yi cu fo' nze. Woo kè bəhə nòŋsəgè yi fo' də nà'a sə ləŋ mbàm bohòbùu sè wo sə lòmɛ nda'à Nwì anə. Busè mvə'nè wo à dzə yi dzəə, yi à ka gi yuk.

3 Yi ànə ye Pità bə Jon ŋga wo sə də wo ni lo mɛ ndap Nwì nè ghaŋ nə fana, yi ləŋ də yà'a fa yi mbàm.

4 Wo kuk nà' bə lis rap rap fana Pità duk fa nà' duk də, <<Kuk ves.>>

5 Yi kuk wo, nə sə tsərə ye də yà'a nə fa yi yumok ŋga'a.

⁶ Pità duk fa yi də, <<Mù ka mbàm ngòfa wu tse', mɔ nə fa wu yusè mù tse'.>> Fana yi duk fa nà' də, <<Mɔnə nàan liŋ Jisòs Krest nè mvwe' lak Nazàre, lòkok, nə gi.>>

⁷ Fana Pità fa gesə nà' bo mazɔ, nə ko lokoksə nà' mɔtsè ntən, fana lis kuu ye bə kuu ye sə pwe'fo' gɔŋ co yi təəŋ.

⁸ Yi li mɔtsè, nə təəŋ bə tu ye, nə sə gihi ke' ca. Bə yà'wèn lo kə ni mɔ ndap Nwì nè ghan nə mok bəbɛ'. Yi sə gi, nə sə li, nə sə kwasə Nwì.

⁹ Bwìŋ pwe'fo' à yə yi mvəsə yi à sə gi, nə sə kwasə Nwì.

¹⁰ Wo ànə gɛŋ də wo riŋ də a yi nè yi cugè mvwe' ncù ŋka' nè bəboŋ nə, nə sə lɛŋ bum nə fana wo mərə nsàp yu nè nà' gù yi nà'nə nèbɔp.

¹¹ Mvəsə wo à sə tesə tsoŋ fana ngà' nə kotse' Pità bə Jon cùk fana bwìŋ mərə, nə carə və mvwe' sə wo tə sə sè'. A ye yè'sə sə mbi mvwe' sə wo togè fo' də mbàndap nè Sòlomù.

¹² Pità à yə bùu sə wo à sə vè fo', fana yi duk fa yà'wèn duk də, <<Bùu Izùre wèn, wèn sə mərə yè'sə bùu yà? Wèn sə kùk sɛŋ ves co də vès lòkoksə yi bə nàan yàvès, də vès tse' ntum sə rərəŋ yè'sə bùu yà?

¹³ Yusə də, Nwì Abràham, Azik nə ye Jàkop, yi nè yi Nwì tàcici avès à fa nàan sə mɔbu bohòmo ye Jisòs. Wèn jəŋ yi, nə fa bohòbù ŋkwàha bùu Jus, nə bɛŋ yi mantombi Palè, ŋga Palè nə duk laŋ də wo me'rə yi lo.

¹⁴ Yi nè yi à ye rərəŋ nə ye bəboŋ, wèn bɛŋ yi, nə duk fa Palè də yi me'rə lɛ ngà zə bwìŋ.

¹⁵ Fana wèn zə yi nè yi mantombi ngòjə lòbwìŋ

mvwe' lùŋ. Fana Nwì nə lòkokəsə yi mvwe' kpɛ.
Vès ye bə lis avès, nə sə tsə' fa-à nə bwìŋ.

¹⁶ Nàaŋ sè yà' cu ndzənə liŋ Jisòs sə gù ngà' nè wèŋ sə yə yi, nə riŋ yi nè'e zəŋ ŋkuŋ yi gɔŋ. Njo nè vès a fa ntum avès bohòliŋ yà'sə fana yà' gɔŋsə yi mvə'nè wèŋ sə yə yi yè'sə.

¹⁷ Fana nə ŋga'a nè'e bwema am wèŋ, mɛ riŋ tse' duk də yusè wèŋ bə bù ŋkwàha bùu awèŋ à gù bohòjisòs, à ye ŋga wèŋ sə kà rì.

¹⁸ Nwì ànə tsok casə cùhu ngàa tsòhòbum Nwì pwe'fo' taan̄ntəŋ duk də, Nkum ngà gəm bwìŋ nə nə ye ŋgə'. Fana yi a gù yà' ye zìnə bə nsap mandzè ènə.

¹⁹ Wèŋ kupse-a ŋga'a, nə bùu lo bohòTà Nwì ya yi yisə gesə fa wəŋ bɔp awèŋ sə fo'.

²⁰ Ya ŋga mvək nè ngòcu yòŋsə nə və bohòTà Nwì. Ya ŋga yi tumsə fa wəŋ Jisòs, nə yi à kàk nòŋsə ngòtumsə fa wəŋ nə.

²¹ Yi nə cum tsoŋ tse' mabu tè mvək kə dzeŋ nè Nwì nə gɔhɔ tsə'rə fəsə bum pwe'. Yè'e mvəsè Nwì ànə tsok taan̄ ntəŋ cùhu bùu ye sè rərəŋ sè ngàa tsòhòbum Nwì.

²² Musì ànə duk də,
<Tà Nwì àwèŋ nə tumsə fa wəŋ ngà tsòhòbum
Nwì mòk sè' mvəsè yi à tumsə mɛu Musì.
Yi nə tesə mɛtsətsə'rə bòp bù àwèŋ.
Wèŋ nə sə yuk tse' yusè yi nə sə tsok fa wəŋ
cùk.

²³ Nwè nè yi duk-a də yi kà yusè ngà tsòhòbum
Nwì nə sə cèp yuk,
Ye də wo nə fis gesə yi mɔŋgorè bùu Nwì nè
mvèsè.>

24 Ngàa tsòhòbum Nwì sè wo à tse' ncèp ngòcèep à cèp càsə bə bum sè yà'a nə sə ye nùumbu yè'sə sè'. Ye jəŋ mə ni'i Samwè nə ye bə sè wo à ye maŋkwèeŋ yi pwe', sə cep ve'nə.

25 Wèeŋ ngwì bù ngàa tsòhòbum Nwì sə, nə ye fe'lə sè' də wèŋ tse' bo sənə rək nè Nwì à zə bə tàcici awèŋ sè'. Yi à duk fa Abrahàm də, <Mə nə se bùu sè sənə nzeŋgònə pwe' bùu ngwì bù yò.>

26 Nà'a njo nè Nwì à fis ngà fàk ye Jisòs, nə fa to nà' mantombi bohòwèŋ ngòkə sè weŋ. Yi à sè weŋ bə mandzè nè ngògù weeŋ bùuŋ gesə mvwe' mandzè jòoŋ awèŋ.>>

4

Wo Somsə Pità Bə Jon

Mə Kaŋsurù

1 Pità à sə cèp mali bohòbùu sè fo', nga Jon sè' fo' fana ngàa fa satikà' nə ye ŋkum ngàa ntək məmvwe' ndap Nwì nè ghaŋ nə bə bùu Sadusi wèŋ və kə tseŋ wo.

2 Wo à jòk və də Pità wèŋ à sə yə'rə fa bwìŋ də Jisòs a lòkok mvwe' kpə. Wo yə'rə ve'nə, yà' sə niŋ tsok də ŋwèe kpə-a yi nə lokok fe'lə sèmok.

3 Fana wo ko wo, nə kə lok noŋsə wo. Wo à nòoŋ nòoŋ mə ndapndzəmè anə tè tsok reŋ bùusè à ye nga mvək lònəbup.

4 Anə ye na sè' ve'nə fana bwìŋ ŋkùuŋ sè wo à yuk ncèp nə à dzəm tse' bə zeŋ. Bùu sè wo à dzəm sə lòoŋ fo' à ye pwe' co bwìŋ ncùhù tàŋ.

5 Tsok à reŋ fana, bù ŋkwàha bùu Jus wèŋ à baŋ və mvwe' lak Jòrosalèm duk də wo kə sak

yà'wèŋ. Wo à ye bùu Jus sè mantombi bə ngàa yə'rè bwìŋ lùk.

⁶ Wo ye fo' bə Anàs, ŋkum ngàa fa satikà' wèŋ, nə ye fe'lə Kayofàs bə Jon bə Àlèsandà nə ye fe'lə bùu mok sè' sè wo njàŋ bə ŋkum ngà fa satikà' nə.

⁷ Wo jəŋ və bùu sè ba sə mantombii wo, fana wo sə fek yà'wèŋ duk də, <<Wèŋ tse' nsàp nàŋ nè fòŋgògù ve'nə-ε? Wèŋ sə gù ve'nə yè'sə bə liŋ ndà?>>

⁸ Pità à rwìŋ bə Yòŋsè nè Rəreŋ nə fana, yi cep fəsə fa wo də, <<Wèŋ bùu sè mantombi nə ye bù ŋkwàha bwìŋ wèŋ,

⁹ wèŋ sə fek ves yè'sə yusə bəboŋ sè vès a gùu də ŋwè ènə gi sə à? Wèŋ dzəm ŋgòrìŋ də vès a gù yi vale ŋkuŋ yi gi à?

¹⁰ Fana wèŋ bə bùu Izùre pwe' riŋ sè' də ŋwè ènə a gù, nə təəŋ nə mantombii wèŋ fəeŋ bə nàaŋ liŋ Jisòs Krèst nè mvwe' lak Nazàre. A yi nè wèŋ ànə te'lə yi mɔ ntəəŋ, fana Nwì lòkoksə yi mvwe' kpɔ nə.

¹¹ A sè' Jisòs nè'nə nè ŋwàk Nwì sə duk də, <Lìs nè ngàa ci ndap à dzèeŋ màk də nà'a bɔp, kə tse' ghak fe'lə fàk sè' zeŋ nə.>

¹² Mandzə nè ŋgòtse' lùŋ megu bə liŋ ye yìyi. Sənə nzeŋgònə pwe', ŋwènəmòok mok bùè nè Nwì a fa bwìŋ də aco a tse' lùŋ bohòyi.>>

¹³ Bùu sè mɔ kaŋsurù sə pwe' à yə nsàp ntum nè Pità bə Jon à bàa ŋga wo rì sè' də yà'wèŋ bùu sè wà sè wo à ka ŋwàk sè' riŋ, fana wo mərə nèbɔp. Yà'a mvwe' sè wo à rì duk də bùu yè'sə à ye bə Jisòs wèŋ laŋ nè zìnə.

14 Yusè co wo cep, à ka sè' yen, bùusè ñwè nè wo à lùñsə yi nè à tə kok sè' fo' ñgu ni'ì Pità bə Jon anə, bwìñ sə ye yi.

15 Fana wo à duk fa yà'wèñ də yà'wèñ tesə mụ kañsurù anə. Wo à tesə lo fana wo sə cep mok woòwo.

16 Wo sə dũhũ də <<A gu bùu yè'sə va? Busè bùu sè wo cu Jòrosalèm fəɛɛ pwe' riñ tse' də à gù nsàp yu nè nà' gu càsə ñaṅ nè'nə bùu yè'sə. Mandzè nè co vesùwèñ dzèen yà' ka yè'sə yen.

17 Fana megu də vesùwèñ jwa sa'rə wo də wo kà bohòñwè nəmòk mənə liñ Jisòs mok cèp yuk fe'lè, ñgògù də yu yè'sə kà mantombi mok sə yuhù lo'.>>

18 Fana wo to fəsə vesə wo mụ ndapè anə, nè tsok wo də, ñgòcèp kènə ñgòyər'rə bwìñ mənə liñ Jisòs nè kà mok ye yuk fe'lè.

19 Pità bə Jon duk fa fe'lə wo də wo kək ja'a na yàwo sè' də, a yəyərè bohòNwì də wo yuk yà'wèñ nè nonşə Nwì àlɛ.

20 <<Kaco vès tənşə ñgòcèp yusè vès a yə, nè yuk yen.>>

21 Bùu sè mụ kañsurù sə à jwa sa'rə malì wo gugun, nè me'rə wo lo. Wo lap njo nè co wo fa yà'wèñ ñgə' bùu zen bùè, bùusè bwìñ pwe' à sə kùksə Nwì bə nsàp yu nè nà' ye nà'nə.

22 Ñwè nè wo à gù guñsə yi nè à càsə lùumñgòn hum kwè.

Bwe Jisòs Lɛɲ Pìriyà Də Wo Kà Wụə Tse'

23 Mvəsè wo à mè'rə wo ntèn, Pità bə Jon bwi lo mvwe' kwe' àwo, nè tsoho fa yà'wèñ yusè

ɲkum ɲgàa fa satikà' sè ghaɲ bə bù ɲkwàha
bwìɲ wèɲ duk sə.

24 Wo à yuk wes yà' fana wo pwe' be'lə, nə
gɹ pìriyà bohòNwì duk də, <<O Tà Nwì, ɲgà gù
ntòbu bə nzeɲgòn nə ye ndzəp bə bum sè yà' cu
ca lòoɲ.

25 A ye wù nè wù à gù tàcici àvès Devid ɲgòcèp
bum yè'e. Yi à ye mo fàk yo, fana Yòɲsè nè Rəreɲ
nə à gù yi ɲgòcèp də,

<Bù lakmvum sə jok bùu yà?

Bùu sə sə tsərə bum sè yà'a nə kà fàk yè'sə bùu
yà?

26 Bù ɲkəɲkum nzeɲgòn fuhɹ ni' awo mvwe'
mò'fis ɲgòlù Tà Nwì bə ɲkum ɲgà gèm
bwìɲ nè Nwì à cokfis nòɲsə nə.>

27 A zìnə də Heròbə Poɲtiyòs Palè nə ye bùu
Izùrɛ bə bù lakmvum wèɲ à cu kwe' nè bɹp mɹ
tùhù Jisòs mɹ ntòlak fɛn. Wo à kè cu kwe' mɹ
tuhù Jisòs mo yònè rərəɲ, nè wù à cokfis nòɲsə
nə.

28 Wo kə be'lə ɲgògù bum sè wù ànə dzəm wu.
Wù ànə fuhɹ noɲsə yà' laɲ, nə fa ɲàɲ də bum
yè'sə nə ye vɛ'nə.

29 Fana nè ɲga'a nè'e, Tà, kək ja'a na bə nsàp
ɲgə' nè wo sə duk də wo nə fa ves, ya ɲga wu
gɹ ves ɲgàa fàak yo baɲ ntəm ɲgòtsòho ncèp
yònə.

30 Niɲ-a ɲàaɲ yo sə bə mandzè nè ɲgògù bwìɲ
gɹɲ nə lokok mvwe' yiyaɲ awo. Gù sè' də vèes
sə gɹ bum bə liɲ Jisòs, mofàk yònè rərəɲ nə co
yà'a sə ghak bwìɲ mɹ tuhù.>>

31 Wo ànə lɛŋ mesə fana mvwe' sè wo à ye fo' sə tsoho. Wo pwe'fo' à rwiŋ bə Yòŋsè nè Rərəŋ nə. Wo yeto ngòtsòho ncèp Nwì nə kà wəp.

Wo Sə Gàpsə Yak Bum Awo Kəkərè

32 Bùu sè wo ànə dzəm bohòJisòs sə pwe' sə tse' ntum nè mò'fis. Nwè nəmòk nè mò'fis kà duk də yusə yi tse' gù sè ye yiŋyi duk. Wo à sə benə bum awo sè wo à tse' pwe' mvwe' mò'fis.

33 Ngàa ntum yè'sə à sə tsòho bum sè wo à yə, mvəsè Tà Jisòs à lòkok mvwe' kpə bə nàŋ fana Nwì sə se wo pwe'fo'.

34 Nwè nəmòk nè də yi à sə jamə də yi ka yumok tse' à ka mʉtsətsə'rə wo anə yeŋ. Bùu sè wo à tse' nzum bə ndap wèŋ à sèŋ yà', nə jəŋ və mbàam sè wo sèŋ yà' bə zəŋ sə,

35 nə fa noŋsə yà' bohòŋgàa ntum sə wèŋ. Fana wo jəŋ mbàam sə, nə sə fa nwè nè fòlòŋ mvəsè wo yə də nà' ka tse'.

36 Yà'a mvəsè nwè nəmòk nè liŋ ye də Jòsep à gù sè' vɛ'nə. Yi à ye nwèə bòp bù Levi, fana wo dzə yi dzəə mvwe' lak Sɛprò. Ngàa ntum Jisòs à to fa yi liŋ nzum də Bànabà. Yà'a dè: Nwè nè yi rì ngòcèp fa bwìŋ ncèp kontum.

37 Yi à sèŋ nzum ye, nə jəŋ və mbàam sə, nə kə fa noŋsə yà' bohòŋgàa ntum sə sè'.

5

Anàniyàs Bə Sàferiyà

1 Nwè nəmòk à ye sè' nè liŋ ye à ye də Anàniyàs. Liŋ ngwe à ye Sàferiyà. Wo à sèŋ bum awo mok,

² nə swihi nonşə mbàm mamòk, nə jəŋ bwées sə fa lo ngàa ntum sə. Ngwe ye à rì də nà' swihi mbàam mok sè'.

³ Fana yi ànə jəŋ və mbàam sə, Pità fek yi duk də, <<Anàniyàs, wù mè'rə Satà də yi ni sə ntuù wù ngògè wu də wu kə borə Yòŋsè nè Rəreŋ nə, nə swihi mbàam sə wù à sèŋ bum sə mamòk bùu yà?

⁴ Mvèk nè wù ànə ka bum yà'sə ntòseŋ, yà' à ye sè yò. Wù à sèŋ yà', mbàam sə ye mali sè' sè yò. Njo nè wù kə tsərə fe'lə sə ntuù wù də wu gu nsàp yu ènə yè'sə bùu yà? Wù ka nsàp mvwès nè'nə bohòbwiŋ ci' fa, wù ci' fa nà' bohòNwi bə tu ye.>>

⁵ Anàniyàs ànə yuk vè'nə ntèn, yi coho gbù sə nze, nə kpə. Wəə à ko bùu sè wo à yuk yu yè'sə pwe'fo'.

⁶ Wàhabwiŋ wèŋ à vè, nə kə lim fis lo vèŋ ni' ye nə sə mbiŋ, nə kə tuuŋ.

⁷ A cà awà tɛ' fana ngwe ye və sè', nə kà rì də yumok gè ndu ye rì.

⁸ Yi à kè dzèeŋ, Pità fek yi də, <<Tsòk fa mɛ-ɛ, yè'e mbàam sə wèŋ ndu yòà sèŋ bum sə vè'nə pwe'fo' à?>> Ngweŋ nə də, <<Ŋ, yà'a mbàam sə pwe'.>>

⁹ Fana Pità duk fa yi də, <<Wèŋ ndu yòswi' cù də wèeŋ kə mumsə ja'a Yòŋsè Nwi bùu yà? Sə nèrə vè kù kə ncùhù yà'a bùu sè wo kə tuuŋ vè ndu yò. Wo nə bək fis lo wu yòsè' ca.>>

¹⁰ Yi à coho gbù nòŋ tsə mantombii Pità vè'nə ntèn, nə kpə. Wàha bùu sə à ni ko' vèə, nə kə dzeŋ nga yi kpə laŋ. Wo à bək jə fis nà', nə kə

tuuŋ yi ŋɔ sèe ndu ye nɔ.

¹¹ Bùu cos nɔ ye bùu mok sè wo à yuk bum yè'sə, nsàp wuə mòk à ko wo pwe' nè pwe'.

Bum Maŋgəŋgəŋ Nə Ye Məmərə

¹² Anə gèŋ ŋgàa ntum sə à sə gəhɔ bum maŋgəŋgəŋ nɔ ye bum sè bwɪŋ sə mərə wùrɪŋ. Bùu sè wo à dzəm Jisòs sə pwe' à sə cu kwe' à wo mvwe' mò'fis mvwe' ntòmbi Sòlomù.

¹³ Bùu mok sè wà sə à ka ni' awo co də wo kəkərè ŋgòbè'lə yà'wèŋ jəŋ lok. Wo à sə kà-a bə yà'wèŋ sè' sə tòrè kɛ' fana wo sə kək ja'a yà'wèŋ co nsàp bùu mok sè wo bontəm wùrɪŋ.

¹⁴ Bùu sè wo à dzəm bohòTà Jisòs à sə tuhu vè, bəba bə mbəmbam wèŋ nduk, nɔ sə kə be'lə wo.

¹⁵ Mvəsè bwɪŋ à yə nsàp yu nè wo à sə gəu fana, wo bəhə fis və ŋgàa yiyaŋ, nɔ nɔŋsə lo wo ŋɔ mandzə mənə kəà bə kè wèŋ də ya Pità gi càa, tsətsèŋ ye ca mɔ ni'ì mok.

¹⁶ Bwɪŋ à kwəŋ tesə və mvwe' bòop lak sè yà'a ŋɔ Jòrosalèm ŋgòjə vè bùu awo sè wo sə yaya bə bùu sè wo tse' yòŋsəə ze' ndzə ni'ì wo. Wo à gɔ wes pwe'fo'.

Wo Fa Ngàa Ntum Jisòs Ngə'

¹⁷ A ye vɛ'nə fana ŋkum ŋgàa fa satikà' bə bùu ye sè wo mvwe' kwe' bùu Sadusi wèŋ yeto ŋgòwa yusè ŋgàa ntum sə sə gəu sə, nɔ jok wà anə.

¹⁸ Wo ko ŋgàa ntum sə, nɔ kə nisə wo ndapndzəm.

¹⁹ Numbu ànə à ye, nè ndzəmè fana masinjà Tà Nwì və, nɔ kə muk noonŋ ncùu ndapndzəm sə, nɔ fis wo. Yi tsok fa yà'wèŋ duk də,

20 <<Dù lo, nè kə təŋ mɯ ndap Nwì nè ghaŋ nè, nè tsoho fa bwìŋ ncèp nè bə lùŋ nè fi ènə.>>

21 Wo à yuk mvəsə yi à cep sə. Tsok à rɛŋ wo lo mɯ ndap Nwì nè ghaŋ nè, nè sə yə'rə bwìŋ.

Ghà ànə à ye fana ŋkum ŋgà fa satikà' nè bə bùu ye wèŋ à to benə bù ŋkwàha bùu Jus pwe' mvwe' mò'fis də wo cum kaŋsurù. Wo à vè wes, wo duk gesə lo mvwe' ndapndzəm nè də wo jəŋ və fa wo ngàa ntum sə.

22 Ngàa kək ngàa ndapndzəm sə à kə dzèŋ fana wo kà ngàa ntum sə mɯ ndapndzəmè anə yə. Wo bwi lo, nè kə tsok fa bùu sè mɯ kaŋsurù sə də,

23 <<Vès kə wès fo', vès ye ŋga ncùu sə tə ləlok mpaŋ. Ŋga bùu sè wo kək nòŋgè ndapndzəm nè ndzəmè tə fo' sè' bəboŋni. Vès də vès muk-a kə ncùu sə fana vès kà ŋwè nè mò'fis mbwa yə.>>

24 Ŋkum ngàa tək ndap Nwì nè ghaŋ nè bə ŋkum ngàa fa satikà' sè ghaŋ wèŋ à yuk vɛ'nə fana wo mərə yusè yà'a nè kə ye mantombi sə bùè.

25 Fana ŋwè nəmòk ni kok və, nè tsok wo də, <<Wèŋ yuk-à, bùu sè wèŋ a nisə wo ndapndzəm sə, wo cu mɯ ndap Nwì nè ghaŋ nè. Wo sə yə'rə bwìŋ mbwa!>>

26 Fana ŋkum nè bə ŋgà tək ndap Nwì nè ghaŋ bə bùu ye wèŋ à lòkè jə fəsə vè ngàa ntum sə maŋkwèŋ. Wo à ka yà' bə top sè ko bùusè wo à sə wəp də bwìŋ tərə wo ŋga'a bə līs.

27 Wo à jə vè ngàa ntum sə, nè duk wo təŋ mɯ kaŋsurù anə. Fana ŋkum ŋgà fa satikà' nè

sə cəp bohòwo də,

28 <<Vès a cèp bohòwèŋ, nə soŋ weŋ ntu' bəp bəp də wèeŋ kà bwìŋ yumok bə liŋ ɲwə ènə mok yə'rə yuk fa fe'lè, fana ja'a na yàwèeŋ yusè wèŋ gùu. Wèŋ gù tətè bùu sè mvwe' lak Jòrosalèm fəeŋ lòoŋ yuk wes nsàp yəyə'rè àwèŋ ànə lòoŋ fo'. Wèŋ sə ləp mandzè ɲgògù də vès à duk vès ɲkuŋ wo zə ɲwə ènə!>>

29 Pità bə ɲgàa ntum mok sə wèŋ à cèp fəsə yàwo duk də, <<Vès tse' ɲgòyuk ɛ duk nè Nwì, nə me'rə nè bwìŋ.

30 Nwì tàcici avès à lòkoksə Jisòs mvwe' kpə mvəsè wèŋ ànə te'lə yi mɛ ntəeŋ, nə zə yi.

31 Nwì à lòkoksə yi, nə cumsə yi bo ma mà'a yi co ɲwə nè mantombi nə ye ɲgà lùŋsə bwìŋ sè'. Yi à gù ve'nə ɲgòfa mandzè bohòbwe Izùre ɲgòkupsə, nə bwi fa bəp awo ɲkwèŋ ya wo tse' səsɥifa bə bəp awo sə.

32 Vès à yə bum yè'sə bə lis avès fana vès tse' ɲgòtsòho fa bwìŋ yà' sè'. Yòŋsè nè Rəreŋ nə sə tsə' fa bwìŋ sè' də bum yè'sə zinə.>>

33 Bùu kaŋsurù sə à yuk ve'nə fana wo jok nèbəp, nə duk də wo nə zə yà'wèŋ.

34 Mòk ànə ye fo' mɛɲwəè Farasi, wo to yi də Gàmalijà. Yi à tse' fàak sè ɲgòyə'rə fa bwìŋ lùk. Yi lokok təeŋ mɛ kaŋsurù anə mɛtsè ɲga yi à ye sè' nsàp ɲwə nè bwìŋ wəpgè yi maŋgəŋgèŋ, fana yi duk də wo jəŋ fis gesə lo ɲgàa ntum sə sə mbiŋ mvək momjo.

35 Yi yeto ɲgòduk fa bùu sè mɛ kaŋsurù anə duk də, <<Wèŋ bùu Izùre, wèeŋ jəŋ ɲkərə bə

nsàp yu nè wèŋ sə duk də wèeŋ gu bùu yè'e bèboŋ.

³⁶ Mvèk mòk à ye fa' nè Tiodàs à vèə, nə sə duk ke'ca də yi ŋwè nəmòk nè ŋkùuŋ. Bùu sè wo à kpəeŋ yù yi à ye co bwìŋ ŋkù kwè. Wo à zə yi fana bùu sə caŋ sam bisə ke' zəzok, yusè wo à sə duk də wo gu sə kpə bisə sè'.

³⁷ A ye fe'lə maŋkwèŋ, ghà nè wo à sə ta bwìŋ fa' nà'a, Judàs mŋwəə Galili à vè ye sè'. Bwìŋ à yù yi sè' wùriŋ. Wo à zə yi fana bùu ye sə wèŋ carə sam sè'.

³⁸ Fana nè ŋga'a nè'e, mù sə duk də wèeŋ kà bùu yè'sə yumok gu. Wèeŋ me'rə wo vè'nə, bùusè a ye-a duk də nsàap yusè wo sə tsòho ke' yà'sə ye-a yumok sè ŋwè a tsərə kok yà' yi, fana ye də yà'a nə bisə.

³⁹ A ye-a də a yu Nwì, fana mandzè nè co wèŋ ghak wo nə kà ye. Aco yà' ye də wèŋ sə lù wèŋ Nwì wèŋ.>>

⁴⁰ Gàmaliyà nə à duk wes vè'nə fana kaŋsurù nə pwe' à dzəm ncèp ye nə. Wo to nisə vesə ŋgàa ntum sə wèŋ mŋ nda'à anə, nə jəŋ ŋkwès, nə ləp wo bə zəŋ, nə duk fa wo də yà'wèeŋ kà yumok bə liŋ Jisòs mok cep yuk fe'lə, nə me'rə wo lo.

⁴¹ Ngàa ntum sə wèŋ à sə lo gesə mvwe' kaŋsurù nə bə kwəkwa sə ntùu wo nèbup. Wo à sə kwa də Nwì yə wo də wo yəyərè ŋgòkè yə ŋgə' bə marè'tu bùu liŋ Jisòs.

⁴² Fana à sə ye nùumbu pwe' wo sə yə'rə bwìŋ mŋ ndap Nwì nè ghaŋ nə bə nda'à bwìŋ wèŋ, nə sə tsoho fa mali bwìŋ Ntirè nè Bèboŋ nə də

Jisòs Nkum ngà gèm bwìŋ nè wo sè kùk nè.

6

Wo Cokfis Ndigàp Wèŋ Sàmba

¹ Mvèk à sè lòo, bùu sè wo à sè yù mandzè Jisòs sè yam yàwo sè'. A kè dzèŋ nùmbu mòk fana bùu Jus sè wo à sè cu gù yàwo la'à bə sè wo à kè dzə vè wo lakmvum wèŋ kəəm. Sè wo à dzə wo yàwo lakmvum sè wèŋ à sè cèp ŋwəm kɛ'cà dɛɛ, wo sè kà bàa yepmfə awo zuzuu sè wo gəpgè səsə yà'a fa.

² A ye vɛ'nə fana ngàa ntum sè hum-ncòp-ba sè to benə bùu Jisòs sè pwe'fo' mvwe' mò'fis. Nə tsok fa yà'wèŋ də, <<Ka bəboŋ bohòvès də vès me'rə ŋgòtsòho ncèp Nwì, nə cum ŋgòkùk lis mvwe' nzak zuzú yeŋ.>>

³ Nə duk mali duk də, <<Bwema am wèŋ, wèŋ kùk mʉtsətsə'rə wèŋ, nə cokfis bwìŋ sàmba. A ye wo sè bwìŋ jəgè wo co bùu sè kəkərè, sè wo tse' ŋkərè, nə tse' Yòŋsè nè Rərəŋ sè ntuu wo ya vès fa wo nsàp fàk ènə.

⁴ Ya vès jəŋ wes mvèk njàvès ŋgògù piriya nè ye ŋgòtsòho ncèp Nwì.>>

⁵ Bùu sè pwe' à kwa bə ncèp nè ngàa ntum sè tsərə fa wo ènə. Fana wo cokfis ŋga'a Stefè, yi ŋwè nè yi naaŋgè tu bohòNwì bəboŋni, nə tse' Yòŋsè nè Rərəŋ nè sè'. Mok wèŋ à ye Filip, Pokoròs, Nikanò, Timò, Pàraminà, nə ye Nèkolà nè yi à ye ye ŋwəə Antiyòk, nə bùuŋ ŋwè Jus.

⁶ Wo à jə vè bùu yè'sə, nə kə fa bohòŋgàa ntum sè wèŋ. Ngàa ntum sè à naaŋ fa wo bo mə tuhù, nə gə piriya.

7 Fana ncèp Nwì à sè kùk lòmantombì. Bùu sè wo à sè yù mandzè Jisòs mvwe' lak Jòrosalèm sè à sè yam lòsè' mantombì. Ngàa fa satikà' wèṅ à ye ṅkùṅntèn sè wo à yuk nè dzəm sè'.

Mvəsè Wo À Ko Stefè

8 Stefè à ye ṅwè nəmòk nè Nwì à fa yi ntum nè bèboṅ wùriṅ. Yi à tse' ṅàṅ fana yi gù maṅṅèṅ nè ye bum sè co bwìṅ sè mərə mətsetsə'rə bùu sè wèṅ.

9 Bùu mok wèṅ à yè ṅògù də bə yà'wèṅ kuəm. Wo à ye bòp bù nè wo à sè nigè ndap pìriyà nè wo à sè to nà' də: Bùu sè wo cu bə tu awo. Bùu Jus sè wo à ye mbwa à tesə vè mvwe' lak Sirinì bə lak Alèsandà. Wo yà'sə nè ye bùu Jus mok sè wo à vè yàwo mvwe' nzeṅgòṅ Sìlisiyà bə nzeṅgòṅ Èsiyà wèṅ à yè ṅòkùəm bə Stefè wèṅ.

10 Fana Yòṅsè nè à fa Stefè nsàp ṅkərə mòk vɛ'ɛ co wù kà fùk. Mvəsè yi ànə sè cep fana wo kà yusè co wo cep fəsə fa yi tse'.

11 Fana wo lo kə ywìṅ bùu səmok cù də yà'wèṅ duk də wo yuk ṅga Stefè sè bəpsə liṅ Musì nè ye liṅ Nwì.

12 Nà'a ṅkərə nè wo à gù fana ntum yaan bwìṅ wo jok. Bùu sè à jòk wes pwe'fo', nè ye bə bù ṅkwàha bùu sè fo', nè ye ṅàa yə'rè bwìṅ lùk wèṅ sè'. Wo à vèə, nè kə ko lo Stefè mə kaṅsurù.

13 Wo jəṅ və bùu mok sè wo kə ci' mvwès mə tuhù nà'. Wo duk də Stefè togè liṅ mvwe' sè rərəṅ sè wo kùksəgè Nwì fo' sè bəp riṅ riṅ, nè sè cep bəp bə lùk Musì sè'.

14 Də wo à yuk nga yi sə duk də Jisòs nè'e nè mvwe' lak Nazàre nè kəəmsə mak ndap Nwì, nè kupsə bum lak sè Musi à fa wo pwe'fo'.

15 Bùu sè wo à ye mü kaşsurù anə lònŋfo' à bùuŋ kùk Stefè bə lis rap rap. Mvəsè wo à sə kùk yi ve'nə fana wo ye nga si Stefè sə gù co si masinjà Nwì.

7

Yusè Stefè A Cèep

1 Nkum ngàa fa satikà' nè à fek Stefè də, yu yè'sə zìnə àlɛ.

2 Stefè ye ngòcèp fəsə də, <<Bwema nè ye tɛ' am wèŋ, wèŋ yu'rə fa-a mü-ɛ. Ghà nè tàcici àvès Abràham à ye mvwe' nzeŋgòn Mèsòpòtemiyà ŋkuŋ yi sə ye'e lo ngòkə cu mvwe' lak Harà, Nwì nè yi tse' fòwùriŋ nè à kè yəəŋ bohòyi.

3 Yi tsok fa nà' də, <Mè'rə bùu yo, nè ye lak yo yè'e, nè lokok lo mvwe' nze mòk nè zok nè mü nè niŋ tsok fa wu.>

4 Fana yi ye'e me'rə Càdiyà, nè lo kə cum Harà. Ghà nè tɛ'ɛ Abràham à kpə, fana Nwì gə yi coho və mvwe' lak sè wèŋ cu nga'a fo' yè'e.

5 Nwì à ka Abràham mūmvwe' mòk fo' də a nè nà' fa lok, à ka yeŋ koo momjo. Nə ye də Nwì ànə kak laŋ də yi nè fa fo' bohònà' nè ye bə ŋgwì bùu ye sè wo nè sə və maŋkwèŋ. Mvək nè Nwì à sə kàk ve'nə, à ye nga Abràham ka mweŋ ntòtse'.

6 Yusè Nwì à cèp sə à ye də, <Ngwì bù yòo nè kə cu mvwe' lak mok sè yà' ka yàwo yeŋ. Wo nè

cum ηkwèη fo', wo sə fa wo ηgə' wùriη mənə lùumηgòn ηkù kwè.

⁷ Mɛ nə sak bùu sə wo nə sə fak fo' bohòyà'wèη sə sə', fana wo nə me'rə lak yà'sə, nə tesə və, nə sə kuksə mu məmvwe' nè'e.>

⁸ Anə geη, Nwì bə Abràham à zɛ rùk də yi nə sə riη tse' nà' bə nsàp mandzè nè wo komgè tu mbəmbam nà'a. Fana Abràham dzə Azìk, à dzèη nteη mò'fis, yi kom fa nà' tu. Azìk kom bwi fa mo ye Jàkop, fana Jàkop kom bwi fa bwe ye sə hum-ncòp-ba sə wo tàcicii avès.

⁹ <<Tàcicii avès sə wèη à kùk moma awo Jòsep bə lis sə bɛp jì njo. Wo ko seη gesə lo yi də nà'a kə ye ηkwèη mvwe' nzeηgòn Ijìp. Anə ye-a sə vɛ'nə fana, Nwì à ye yo,

¹⁰ nə sə tesə Jòsep nə bə nsàp ηgə' nè yi à sə yə lònfo'. Ghà nè Jòsep à kè dzèη bohòηkum Ferònè mvwe' nzeηgòn Ijìp nə, Nwì à fa yi cùu sə bəboη, nə fa yi ηkərè. Feròanə ye vɛ'nə fana yi gɛ nà' ηwè nè ghaη mvwe' nzeηgòn Ijìp nə pwe'. Yi à gù nà' ηwè nè ghaη məmvwe' nto' ye sə'.

¹¹ Fana mvək nəmòk à ye, nje ko mvwe' nzeηgòn Ijìp bə nzeηgòn Kanà pwe'. Nje nə à fa bwiη ηgə' vɛ'ε wùriη. Tàcici avès wèη à ka beη mok sə tse'.

¹² Jàkop ànə geη də yi yuk də wo tse' zɛzɛ mvwe' nzeηgòn Ijìp yo fana yi tumsə gesə bwe ye sə wo tàcicii avès sə fo'. Nà'a ghà nè mantombì nè wo à lòto fo'.

¹³ Wo à vè nè kè' ba, fana Jòsep gɛ bwema ye sə wèη rì də yi moma yà'wèη fana, nə gɛ Feròrì də yà'wèη bùu lak ye.

14 Jòsep tirə gesə fa tè' ye də nà' bə bwe nà' pwe' coho və mvwe' nzenḡon̄ Ijìp nə. Wo à ye pwe'fo' bwiṅ hum sàmba-ncòp-tàṅ.

15 Fana Jàkop coho tsoon̄ lo sə Ijìp anə. Yà'a mvwe' sè yi nə ye bwe ye, sè wo tàcicii avès, à kpɛ wes mok fo'.

16 Mvè'nè bwe awo à foho lòKanà wo bəhə lo vèeṅ ni' yà'wèṅ sə ṅḡòtuun̄ mvwe' sè wo togè fo' də Sekəm. Wo à kè tuun̄ wo fo' sənə sèe sè Abrahàm à ywiṅ yà' bohòbwe Hamò.

17 <<Mvèk à sə kurə vè də ya Nwii gu yusè yi ànə kak fa Abrahàm sə, fana ṅga bùu avès yam mvwe' nzenḡon̄ Ijìp mok manḡeṅḡeṅ,

18 tèe ṅkum nəmòk nè yi à ka Jòsep rì yuk, kə kok dzè' ṅkum mvwe' nzenḡon̄ Ijìp anə mok yi.

19 Yi sə borə bùu avès bə ṅkərè, nə sə gu tàcici avès wèṅ ṅḡə' nèbɛp. Yi gu də wo kà bwe awo sè lɛə mɛ nda'à nisè, də wo me'rə non̄sə bwe sə sə mbiṅ də ya ṅga yà'wèeṅ kpɛ.

20 Yà'a sè' mvèk nè wo à dzə Musi, mwe bon̄. Yi à cu mɛ nda'à tè' ye ṅwə tɛ'.

21 Mvèk nè wo à kè non̄sə yi sə mbiṅ fana mo Feròmok nè wà'ṅgwèṅ à kè te' jə nà' yuye. Yi sə tək nà' co mo ye.

22 Wo à yə'rə yi, yi riṅ ṅkərèə sè yà' cu mvwe' nzenḡon̄ Ijìp anə pwe' nè pwe'. Yi bùuṅ ṅwè nè ghaṅ bə nsàp mandzè nè yi cèp cù, nə sə gu bum ye.

23 <<Ghà nè Musi à dzèṅ lùumḡon̄ hum kwè, fana yi duk də yi kə kɛ' ye bùu ye wèṅ bwe Izùre.

24 Yi lo, nə kə tseṅ ṅwè ye mòk ṅga ṅwèə Ijìp mòk sə lèp nà', fana yi geṅ də yi kə tesə nà'.

Musì à lèp zə ɲwə̀ə Ijìp nə.

²⁵ Yi à sə tsə̀rə̀ də bùu ye wè̀ɛɲ nə rɛɛɲ də Nwì tum yi ɲgòkə̀ tɛsə̀ fis wo sənə̀ ɲgə̀' awo, fana wo kà sè' rɛɛɲ.

²⁶ Tsok à rɛɲ, yi ye bwe Izùrɛ̀ bwìɲ ba ɲga wo sə̀ lùlù. Yi gɛɲ fo', nə sə̀ gɹ mandzè̀ nè co wo kà lù. Yi fek yà' də, <Wè̀ɲ sə̀ də wè̀ɛɲ lɹ yè'sə̀ bùu yà, ɲgə̀' am wè̀ɲ? Mù də wè̀ɛɲ bwema mvwe' mò'fis àlaa?>

²⁷ Fana nè yi à sə̀ fa mòk ɲgə̀' yi nə bwi' gɛsə̀ Musì fo', nə duk fa nà' də, <ɲwə̀ nè yi duk wu də wu kə̀ kok ɲkum bohòvès nə sak vèes ndà?>

²⁸ Wù də wu zə̀ mɹ mvəsè̀ wù a zə̀ ɲwə̀ə Ijìp ɲkwìs yà'a nà?>

²⁹ Musì ànə̀ yuk mvəsè̀ nà' cèp vɛ'nə̀, fana yi caɲ lo, nə kə̀ cum bisə̀ mvwe' lak Midiyà. Yi à cu fo' tɛ̀ yi dzə̀ bwe mbə̀mbam ba.

³⁰ <<A cà lùumɲgò̀ɲ hum kwè̀, fana Musì ye masinjà Nwì mòk bə̀ lis. Nà' à yə̀əɲ bohòyi ndzənə̀ mis ɲga nà' sə̀ kɹə̀ mɹ tuhù nə̀ kà liɲ. Mis è̀nə̀ à kɹə̀ ɲgə̀à, mvwe' ɲgɹ nda nəmòk nè wo togè̀ nà' də Sinà.

³¹ Musì à yə̀ vɛ'nə̀, nə mərə̀ mɹɲgə̀ɲgè̀ɲ, fana nə sə̀ gi soonɲ gɛɲ fo' də yi ye tsə̀'rə̀ yà' bə̀bɔɲ. Yi yuk ɲga ɲgì Tà sə̀ cèp də,

³² <A mùu Nwì tàcicii awè̀ɲ. Nwì Abràham, Azik bə̀ Jàkop.> Musì à yuk vɛ'nə̀, yi sə̀ jik bə̀ wuə̀ vɛ'ɛ̀ kɹək kɹək, nə̀ kà lis mok kək.

³³ Tà à tsè' yi də nà'a cokfis kùuɲgùp nà', bùusè̀ mvwe' sè̀ nà' tə̀ yà'sə̀, a fo' nze nè rərə̀ɲ.

³⁴ Nə̀ duk fe'lə̀ sè̀ duk də, <Mù kək ja'a, nə̀ ye ɲgə̀' nè bùu am wè̀ɲ sə̀ yə̀ mvwe' nzenɲgò̀ɲ Ijìp.

Mù a yuk wan awo sè' lan, fana mù nè vèə nè də mü kə tēsə wo. Vèə, ya mü tum gesə wu Ijìp anə.>

³⁵ <<A ye Musi nè bwe Izùre à dzèen yi, nè fek yi də, <Nwè nè yi duk wu də wu kə ye mantombi bohòvès, nè sak vèes ndà lɛ?> nè. A yi nè Nwi tumsə co ɲwè nè mantombi nè ye ɲwè nè yi fis wo sənə ɲgə'. Nwi à fa cāsə yi fàak sə bohòmasinjà Nwi, nè nà' à yəəɲ bohòyi ndzə misè nà'a.

³⁶ Yi à təəɲ mantombi ɲgòjə fis bùu sə mvwe' nzenɡòn Ijìp yi. Yi à gù manɡəɲɡèn nè ye bum sè co bwiɲ mərə mvwe' nzenɡòn Ijìp nè ye mvwe' ndzəp nè wo togè nà' də Ndzəp nè Bèbaɲ nà'a sè'. Mvəsə wo à sə lòo, yi sə gùhu lo mali manɡəɲɡèn mvwe' nze nè ɲgəà mənə luumɲɡòn hum kwè sè'.

³⁷ <<Gù sə Musi ènə nè yi à tsè' bwe Izùre də, Nwi nè tumsə fa yà'wèɲ ɲgà tsòhòbum Nwi sè' mvəsə nà' a tum vèsə yi Musi nè. Nwè ànə nè ye mo nè njàwèɲ.

³⁸ A yi Musi nè bwe Izùre à baan mvwe' nzenɡòn ɲgəà fana yi ye bə yà'wèɲ nè. Yi à ye fo' bə tàcicii avès nè ye bə masinjà Nwi nè nà' à cèp bohòyi mənə nda Sinà. Yi à jə ncèp Nwi nè nà' tse' yòɲsə nja nè fa'nə ɲgòcàsə fa vesùwèɲ.

³⁹ Tàcicii avès wèɲ à ka ɲgòyuk yusè Musi nè à sə cèep dzəm. Wo me'rə nonşə yi, nè sə duk sə ntùu wo də bòco wo bwi foho lo fe'lə Ijìp anə sèmk.

⁴⁰ Fana wo duk fa Aròn də nà'a gù fa wo yumok sè yà'a ye mantombii wo. Də wo ka yusè yà' gù

ɲwè nè yi a jè fis vè ves mvwe' nzenḡòn Ijip, nè wo to fa ves yi dè Musi ànè riḡ.

⁴¹ Nà'a ḡa'a mvèk nè wo à ḡù yumok co nwì awo nà' səsè mo mbòn. Wo à sʷə nsùḡḡaḡ, nè tɛḡ vəpsə nà', nè kaḡ dzeḡ ḡḡòkùksə yusè wo à ḡù wo bə bo awo.

⁴² Nwì à mè'rə wo fana wo sə kùksə ke' ca lo ḡkəḡkàaḡ sè mʷbu. Yà'a mvəsè wo à còm ndzənə ḡwàk ḡḡà tsòhòbum Nwì də,

<Wèḡ bùu Izùɛ, nàam sè wèḡ à sə səhə, nè sə ḡuḡu satikà' bə zeḡ ḡḡəà yà'a à ka bohòmè yeḡ.

Wèḡ à ḡù vɛ'nə mʷnə lùumḡḡòn hum kwè.

⁴³ Wèḡ à sə bəhə tse' ke'cà tàap nwì àwèḡ nè liḡ yee dè Molòk,

bə mòk nè yi tse' nsəsè ḡkəḡkàḡ nè liḡ yee Refàḡ.

Yà'a nwì sè wèḡ à ḡù bə bo awèḡ dè wèḡ kùksə wo.

Mʷ nè me'rə weḡ wo jəḡ casə lo weḡ sə Babilòn.>

⁴⁴ <<Mvəsè tàcicii avès à ye ḡḡəà yà'a, fana wo à tse' tàap sè yà' à sə nì tsè' fa wo dè Nwì fɛḡ bə yà'wèḡ. Wo à ḡù yà' mvəsè Nwì à dʷk Musii ḡu yà', mvè'nè yi nìḡ tsòho fa nà' sə. ⁴⁵ A cu fana, tè'ɛ tàcici avès wèḡ sə fa casə lo nà' bohòbwe awo wèḡ. Ghà nè Josuwà à sə jə lòwo bə ghà nè wo à sə fep jə nze nè bohòbùu sè Nwì à sə be' ḡesə wo, wo sə bək tse' nà'. Nà' à cu mali fo' tètè Devid à kè tsèḡ nà'.

46 Ntum Nwì à ye bèbon bohòDevìd, fana yi fek Nwì dè nà'a fa yi mandzè ya yi ci fa Nwì Jàkop ndap.

47 Anə geŋ, kə ci fa yi ndap nə mo ye, Sòlomù.

48 <<Yusə də, Nwì nè yi yam càsə yi, nə kà mənə ndap nè bwìŋ gu nà' bə bo cugè. A mvəsè ngà tsòhòbum Nwì à cèp də,

49 Tà Nwì duk də,

<Ntòbu mvwe' dzè' ŋkum àm cu, nzeŋgòn ye ye mvwe' sè mɛ nèŋ tesgè kùu am.

Aco wèŋ ci fa mɛ yàwèeŋ nsàp ndap nè fò?

Mvwe' sè co wèŋ fa mɛ, mɛ cum fo' fò?

50 Mù à ka bum yè'e pwe' mù gu à?> Yè'e yusè Tà Nwì cèep.

51 <<A nsàp gu tu nè fòbohòwèŋ ve'nə ε? Ntum awèŋ gu tsə gù co bùu sè wo à loho ntu', nə kà ncèp Nwì yuk yuk. Weŋ gù co tàcicii awèŋ. Wèeŋ dzèeŋgè yusè Yòŋsè nè Rəreŋ nə cèpgè yà'.

52 Ngà tsòhòbum Nwì mòok yo nè tàcicii awèŋ à ka yi ngə' fa yuk à? Wo zə ngàa gè ntum Nwì wèŋ sè wo ànə ye taan ntèn, sè wo à sə cep tsè' fa bwìŋ də, mo fàk Nwì nè yi nə sə gu yusè Nwì dzəm sə nə və. Nè nga'a nè'e, wèŋ a sèŋ yi, nə zə yi.

53 A wèŋ sè masinjàa Nwì à jə vè fa weŋ lùuk Nwì, wèŋ kà yà' yù lò.>>

Kpɛ Stefè

54 Bùu sè mɛ kaŋsurù sə wèŋ à yu'rə yusè Stefè à cèp sə, fana wo jok, nə zə kpɛ nèbɛp.

⁵⁵ Stefè à rwiŋ bə Yòŋsè nè Rəreŋ nə cèbùè, fana yi kək gesə lo mabu, nə ye mareŋ nè Nwiŋ nga nà' sə reŋ nèbup. Yi ye Jisòs nga nà' tə Nwi bo ma zə.

⁵⁶ Fana yi cep duk də, <<Hawèŋ, ntòbu mùhu nòto fana mù yə mo ŋwè nga yi tə bo ma zə Nwi.>>

⁵⁷ Bùu sə wèŋ à gham, nə sop tse'e ntu'u awo bə nduŋ bo awo. Wo caŋ be'lə və mvwe' mò'fis ŋu ni'i yi,

⁵⁸ nə bək fis mak gesə lo yi mə ntòlak anə fo', nə sə təprə yi bə lis. Bùu sə wo à sə cì' fa Stefè mvwès sə à fweŋ nòŋsə cèək awo bohòwà'nzùm nəmòk, wo togè yi də Sol, də nà'a sə kək fa tse' wo. ⁵⁹ Stefè sə waŋ to Tà duk də, <<O Tà Jisòs, yòŋsè am nè', jəŋ mə.>> Wo sə təprə gu yi vè'nə.

⁶⁰ Yi təŋ bə tumfərə, nə sə waŋ torə fis də, <<Tà, swifa wo bup nè wo gù ènə.>> Yi à duk wes vè'nə ntèŋ, fana yòŋsè ye me.

8

¹ Sol à dzəm sè' də a bəboŋ mvəsè wo zə Stefè vè'nə. A yè jəŋ sè' nùmbu ànə wo yè ŋgòyeŋsə bùu cos ŋgə' nè bə ŋgwap mvwe' lak Jòrosalèm pwe'. Bùu sə wo à dzəm sə à ca sam wes mè vè'è pwe' nè pwe'. A bwehe cu mēgù mok ŋgàa ntum sə wèŋ, nga bwìŋ carə lòwes mvwe' nzeŋgòn Jùdiyà nə ye Sàmàriyà.

² Bùu mok sə wo à rì Nwi à kè tuŋ Stefè, nə waŋ kpə ye maŋgəŋgèŋ.

³ Sol à làp mandzè də yi ləsə cos nə kè' mò'fis. Yi à sə fi lònçùu bwìŋ mò'fis, mò'fis, nə sə ko

sooŋ fis lo bèba bə mbəmbam sè wo à dzəm bohòJisòs, nə sə kə nisə wo ndapndzəm.

Ncèp Jisòs Yuhu

Mvwe' Nzenḡòn Sàmàriyà

⁴ Mvəsè bùu sè wo à dzəm sə à ca sam, fana mvwe' sè wo à sə lòpwe' wo sə tsoho lo ncèp nè Jisòs nə fo' sè'.

⁵ Filip à lòye mvwe' nzenḡòn Sàmàriyà, nə sə tsoho fa bùu lak sə fo' sə liŋ Nkum ŋgà gèm bwìŋ nə.

⁶ Bùu sè fo' sə à yu'rə bònḡsə ncèp nə wù kà fùk. Wo à yu'rə, nə sə ye maŋḡeŋḡeŋ sè yi à sə ḡùh.

⁷ Yònḡsə sè bap à tesə ndzə ni'i bwìŋ ŋkùuŋntèn, nə sə waŋ sa'rə bə ḡàŋ. Yi à ḡuŋsə bùu sè wo à sə kà ni' awo te' búsè lok, bə bùu sè wo à sə ka bèboŋ gi wèŋ maŋḡeŋḡeŋ.

⁸ Bùu sè mvwe' nzenḡòn Sàmàriyà sə wèŋ à tse' kwəkwa wùriŋ.

⁹ Nwè nəmòk à ye mvwe' lak yà'sə nè liŋ ye à ye də Saimù. Yi à cu fo' mweè sèsap ntèn, nə sə mənḡsə bùu sè mvwe' lak yà'sə bə nsàp mfim nje nè yi à sə ḡù. Yi à sə tsòho fa bwìŋ də yi ŋwè nəmòk nè ŋkùuŋ wùriŋ.

¹⁰ Bùu sè wo à ye mvwe' lak yà'sə pwe'fo', bə ŋkwàha bwìŋ pwe' à sə kùk ḡù lis mok bohòyi. Wo duk də ḡàaŋ ye sə niŋ də yi ŋwè nè wo togè yi də Nwì nè ḡaŋ nə, də yi a vè ḡòkè' yə wo, nə yəəŋ bohòwo co Saimù.

¹¹ Yi à mənḡsə wo bə mfim ye sə tètè wo sə kùk ḡù lis mok bohòyi.

12 Anə geŋ wo yuk, nə dzəm Ntirè nè Bèbon nè Filip à sə tsòho, mvəsè gaŋ Nwii fàkgèè, nə ye də Jisòs Nkum ngà gèm bwìŋ nə. Fana wo bàptesə. Bèba bə mbəmbam wèŋ à sə bàptesə pwe'.

13 Saimù bə tu ye à dzəm, nə baptesə sè'. Yi à sə gihì mègù mok bə Filip mvwe' mò'fis. Yi à sə yə nsàap maŋgəŋgèeŋ sè ghaŋ sè Filip à sə gù, fana yà' mən̄sə yi nèbup.

14 Mvèk ànə à ye fana ngàa ntum sè mvwe' lak Jòrosalèm à yuk də bùu sè mvwe' nzeŋgòŋ Sàmàriyà a yuk ncèp Nwì, nə dzəm, fana wo tumsə gesə fa wo Pità bə Jon.

15 Wo à kè dzèŋ fo', fana wo gu fa bùu sè wo a dzəm sə wèŋ piriya də ya wo tse' Yòŋsè nè Rərəŋ nə.

16 A ye ve'nə bùusè à ye nga wo ka Yòŋsè nè Rərəŋ nə ntòtse'. A ye nga wo à bàptesə gù manə liŋ Tà Jisòs.

17 Pità bə Jon à naaŋ fa wo bo fana Yòŋsè nè Rərəŋ nə vè bohòwo.

18 Saimù à yə də ngàa ntum naaŋ fa yà'wèŋ bo ŋkuŋ wo tse' Yòŋsè nè Rərəŋ nə, fana yi duk də yi fa wo mbàm,

19 də ya yà'wèeŋ fa yi nsàp nàŋ nè ngòjwèŋ bwìŋ ŋkuŋ wo tse' Yòŋsè nè Rərəŋ nà'nə sè'.

20 Pità à duk fa nà' də, <<Wu kpə lo bisə bə mbàam yo sə pwe', bə nsàp nè wù tsərə də aco wù ywiŋ nàaŋ sè Nwii fagè yà' yi bə mbàm yà'sə.

21 Yè'e ka fàak yòyeŋ, wù ka bo sənə fàak yà'sə tse' bùusè ntum yòka rərəŋ m̄ lisè Nwì yeŋ.

22 Kupsə ntum yòbə tsətsərè yònè bup nè wù tse' nà'nə, nə lɛŋ Tà də yi swi fa wu búusè wù tse' nsàp tsətsərè ànə.

23 Búsè mù yə də wu ŋà sɛə nè bup fana bup kítse' wu cùk.>>

24 Saimù duk fa Pità bə Jon də, <<Kwəkwè', wèŋ lɛŋ fa mù Tà də nsàp yu nè wèŋ cèp nè'nə kà bohòmù vè.>>

25 Anə geŋ ghà nè wo à tsòho wes fa bwìŋ yusè wo rì bə lɛŋ Tà Jisòs, nə tsoho ncèp nè Jisòs nə sè', fana Pità bə Jon bwi foho lo fe'lə Jòrosalèm. Mvəsè wo à sè lòmandzè, wo sè tsoho lo ke' Ntirè nè Bèboŋ nə mvwe' buhu lak zəzok sè yà'a mvwe' nzeŋgòn Sàmàriyà.

Filip Bàptesə Nwèə Itopiyà

26 Masinjà Tà Nwì à tsè' fa Filip də nà'a fùhɛ, nə yuŋ tsoŋ lo mandzè nè wu təəŋ Jòrosalèm nə sè kùk lo ma ntonùm, fana wu ga'a lo bo mamàk ŋgòlòGazà nà'a. Wo à màk mandzè ànə laŋ.

27-28 Filip à fùhɛ, nə tsooŋ lo. Anə ye ŋga ŋwèə Itopiyà mòk nè yi ŋwè nè ghaŋ sə bwi foho lòla'à yi. Yi à sè lòksə fagè ŋkum nè mvwe' nzeŋgòn Itopiyà, nè yi à ye ŋwàŋwè nà'a, mbàam nà' pwe' yi. Bùu Itopiyà wèŋ togè ŋkuum bəba awo sə də Kandàs. Nwè ènə ànə lo Jòrosalèm ŋgòkùksə Nwì, nə sə bwi foho lo sənə makarè ye. Mvəsè nà' à sə dzərə lòo, fana yi sə taŋ ŋwàk nè ŋgà tsòhòbum Nwì Izayà à còm.

29 Yòŋsè nè Rərəŋ nə à tsè' Filip də nà'a gi soon kɛəp geŋ ŋɛ makarè nə.

³⁰ Filip à ca gè fo', nè yuk nga nà' sè ta fis ndzənə ɲwàk nè. Fana yi fek nà' də, nà' sè rɛɛɲ yusè nà' sè ta sè àlɛ?

³¹ Ʋwè nè ɲkùɲɲ nè à duk də, <<Hai', aco mù rɛɛɲ va nga ɲwè nəmòk ka mu tsok rɛɲsə fa-ɛ? >> Fana yi to Filip də nà'a və bə nà'a kok cum mənə makarè nè bəbɛ'. ³² Mvwe' sè yi à sè ta ndzənə ɲwàk Nwì sè à ye də, <Yi à ye co nsùɲgaɲ nè wo jəɲ lòɲgòsɬə sɬə, kè məmò nsùɲgaɲ nè wo sè ci'lə fis nwèes ye, yi kà cù mùk àlɛ'.

³³ Wo à gù fa yi bum marè'tu, nè bɛɲ ɲgògù fa yi yusè yà'a zìnə.

Ʋwè nè co yi nə riɲ yumok bə ɲgwì bùu ye bùè, bùusè yi à ka sè nze fɛɛɲ tètè cum.>

³⁴ Ʋwè nè ghaɲ nè à fek Filip də nà'a tsok fa yi də ɲgà tsòhòbum Nwì à sè cɛp yè'sə bə liɲ ndà lɛ. A bə tu nà', kè ɲwè nəmòk nè zok ɛ?

³⁵ Filip à yèto ɲgòcɛɛp, yi à yèto bə mvwe' sè wo nə taɲ sə, fana yi tsoho fa nà' Ntirè nè Bèbon nè bə liɲ Jisòs nè.

³⁶ Mvəsè wo à sè tsə lòo, fana wo kə dzeɲ mvwe' ndzəp nəmòk, fana ɲwè nè ghaɲ nè fek Filip duk də, <<Ndzəp nè'.>> Nə duk fe'lə də <<Kaco mù baptesə fɛɛɲ yeɲ bùu yà?>> (

³⁷ Filip duk fa nà' də, aco nà' bàptesə sè' ntèn, nga a ye-a də nà' dzəm yusè yi tsè' fa nà' sè bə ntəm nà' pwe'fo' na. Yi duk də yi dzəm bə ntəm ye pwe'fo' də Jisòs Krɛest mo Nwì.)

³⁸ Ʋwè nè ghaɲ nè à duk də wo gu ya makarè nè nà'a təəɲ. Fana wo ba fo' Filip bə ɲwè nè ɲkùɲɲ nè à tsə lo sè ndzəpè. Filip bàptesə yi.

³⁹ Wo à sè tesə kok sə ndzəpə anə, fana Yòηsə Tà Jisòs jəη bisə lo Filip nə. Nwè nè ηkùuη nə à ka nà' mok ye fe'lə. Yi sə lo mali yuye, nə sə kwaha lo wùriη.

⁴⁰ Filip à də yi kək ηga yi yè' mvwe' lak Azotò. Yi gihi lo ke' mvwe' lak sè fo' sə, nə sə tsoho lo Ntirè nè Bəboη tətè yi à kè dzèη mvwe' lak sè wo togè fo' də Sìsàriyà.

9

Sol A Bùuη, Nə Dzəm Jisòs

¹ Ghà nè bum yè'sə à sə ye ve'nə fana Sol sə wəpsə mali bùu sè wo à sə yù mandzè Tà Jisòs sə də yi nə zə yà'wèη. Yi à ye'e lòkə ye ηkum ηgà fa satikà',

² nə fek nà' də nà'a fa yi ηwàk mòk nè ηgòfa yi ηàη ηgòko bwìη mɛ Dàmaskù. Yi də yi jəη nà', nə lo bə zəη mvwe' ndaap pìriyàa bùu Jus sè mɛ Dàmaskù, də yi kə dzeη-a mbwa, nə ye ηga ηwè nəmòk sə be' mandzè nè Tà Jisòs, fana yi ko wo pwe', bəba kè mbəmbam àɛ, nə jəη və wo Jòrosalèm anə.

³ Yi à sè lòDàmaskù anə, ηga yi sə kuəp lòηgu ntòlak nə ntèη, yi ye ηga mareη mòk ba'a tsə mɛbu co mbùη ve'ε, nə rəη mvwe' sè yi tə sə ve'ε paamm.

⁴ Yi gbɛ sə nze, fana nə yuk ηga ηgì ηwè nəmòk sə cèp də, <<Sol, Sol, wù sə fa mɛ ηgə' bùu yà?>>

⁵ Yi fek də, <<A wùu ndà Tà?>> Ngi ηgèηgàη duk fe'lə də, <<A mùu Jisòs nè wù sə fa mɛ ηgə' nə.

⁶ Lòkok mʉtsè, nè lo mʉ ntòlak anə. A kə dzeŋ fo' ŋkuŋ wo tsok wu yusè wu nè gu tsoŋ yà'.>>

⁷ Bùu sè wo à sè gi bə Sol wèŋ à təəŋ fo', nè kà yusè co wo cep tse'. Wo à yuk ŋgi nè, nè kà ŋwè nəmòk yə.

⁸ Sol à lòkok sə nze, nè də yi muk lis ye, fana yi kà bum yə. Wo à dəsə nisə løyi Dàmaskù mok bə bo.

⁹ Yi à cu fis nùumbu tɛ' ŋga yi sə kà yə. Mʉnə nùumbu sè tɛ' yà'sə pwe' bo bə cùu ye kà kùrè, yi kà ndzəp sè' no lok.

¹⁰ Ngà yù mandzè Jisòs mòk à ye Dàmaskù anə nè wo to liŋ ye də Anàniyàs. Yi ye yumok co yi yə lo vɛ'ɛ, fana Tà Jisòs to yi nja duk də, <<Anàniyàs.>> Yi dzəm də, <<Tà, mʉ nè'e.>>

¹¹ Tà nè duk fa yi də, <<Fùhu, nè yuŋ lo mandzè nè wo togè nà' də Rərəŋ nà'a. Wu kə dzeŋ mʉwe' ndap Judàs, fana wù fek fo' də wù dzəm ŋgòyə Sol nè yi mo nze mʉwe' lak Tasò. Yi sə gu piriya,

¹² nè sə ye co lo vɛ'ɛ də yi yə ŋwè nəmòk nè wo to yi də Anàniyàs vèə, nè kə naaŋ fa yi bo də ya yi ye fe'lə bum səmok.>>

¹³ Anàniyàs duk də, <<Tà, a bwìŋ ŋkùuŋntèŋ sè wo a tsè' mʉ nsàap ŋgwap sè ŋwè ènə sə gu bohòbùu yo sè mʉwe' lak Jòrosalèm pwe'.

¹⁴ Yi nè vè nè Dàmaskù bə ŋaaŋ sè yi a jə bohòŋkum ŋgà fa satikà' də yi ko ndàaŋwè pwe' nè nà' to liŋ yò.>>

¹⁵ Tà à duk də, <<Gèŋ ntèŋ, bùusè yi ŋwè nè mʉ a swekfis yi ya bù lakmʉvum, ŋkəkum nè ye bùu Izùrɛ wèŋ nè riŋ liŋ am.

16 Fana mù bè tu am nè niŋ fa yi nsàp ηγḡ' nè yi nè ye bùu mù ηγògù dḡ ya bwìŋ riŋ mḡ.>>

17 Anàniyàs à lò, nè kḡ ni kok mḡ nda'à anḡ, nè naaŋ fa Sol bo. Nḡ sḡ duk dḡ, <<Moma am Sol, Tà Jisòs tum vèsḡ mḡ yi, yi nè yi a yḡḡ bohòwù mandzè ηga wù sḡ vè fḡḡ nà'a. Yi tum mḡ ya wu ye fe'lḡ bum sḡmok, nè rwiŋ bè Yòŋsè nè Rḡḡḡ nè.>>

18 Yi ànḡ duk wes vḡ'nḡ ntḡḡ, fana yumok ye'e gbḡ tsooŋ mḡ lisè Sol anḡ co bap, fana yi ye fe'lḡ bum sḡmok. Yi à lòkok, fana wo bàptesḡ yi.

19 Yi a zḡ wes beŋ, fana yi tse' fe'lḡ ηàŋ sḡmok.

Sol Tsòho Ncèp Jisòs Mvwe' Lak Dàmaskù

Sol à cu nùumbu mok bè bùu sè wo à sḡ yù mandzè Jisòs mvwe' lak Dàmaskù anḡ.

20 Mvèsḡ yi à ye fo', yi à lòmvwe' ndap pìriyà bùu Jus, nè ye ηγòtsòho liŋ Jisòs sḡ ntḡḡ. Yi duk dḡ, Jisòs nè mo Nwì.

21 Bùu sè wo à yuk yusḡ yi à sḡ cèp sḡ à mḡḡ lòoŋ. Wo sḡ fek dḡ, <<Nè'e ka ηgà' nè yi à ye Jòrosalèm, nè sḡ zḡ ndàaŋwè pwe' nè nà' to liŋ yè'sḡ nè yeŋ à? Yi a vè fḡḡ ka sḡ' dḡ yi kḡ ko bwìŋ dḡ ηga yi jḡḡ lo yà' ηγòfa ηkum ηgà fa satikà' nè yeŋ à?>>

22 Fana Sol tsoho gḡŋsḡ ghaha lo wesḡ mantombì mvèsḡ yi à sḡ nì tsḡ' dḡ Jisòs Nkum ηgà gèḡ bwìŋ nè. Yusḡ yi à sḡ cèp sḡ à rḡḡ nòoŋ vḡ'ḡ jḡja nsàp nè bùu Jus sè wo cu Dàmaskù anḡ jip, nè kḡ yusḡ ηγòcèp fḡsḡ fa yi tse'.

23 A kḡ dzḡḡ nùumbu mok fa'nḡ, fana bùu Jus wèŋ kḡ cum kwe' dḡ wo zḡ Sol nè.

24 Anə geŋ Sol riŋ bə kwe' nè wo à cu nə. Nè marəŋ bə ndzəmè pwe' wo sə so Sol mvwe' ncùu ŋka' sè mvwe' ntòlak nà'nə.

25 A ye nùmbu mòk ŋga ndzəm seŋ, fana bùu Sol mok kə le' casə yi mvwe' tətoo ŋka' sə ŋkò'o.

Sol Kε' Və Jòrosalèm

26 Sol à lòjòrosalèm, nə lap mandzè də bə bùu Jisòs wèeŋ ye mvwe' mò'fis. Wo pwe' à sə wəp yi wəpə, nə kà pap də yi mòk nè yi sə yù mandzè Jisòs dzəm.

27 Fana Bànabà və ŋgòtesə nà'. Yi jəŋ nà', nə jəŋ lo fa bohòŋgàa ntum sə wèŋ. Yi tsoho rəŋsə fa yà'wèŋ mvəsè Sol à yə Tà Jisòs mɛ mandzè Dàmaskù, nə ye mvəsè Tà à cèp bohònà' sə. Yi à tsè' fa yà'wèŋ də Sol a tsòho liŋ Jisòs mɛ Dàmaskù bə ŋəŋ, nə kà ŋwè nəmòk sè' wəp.

28 A ye vɛ'nə fana Sol à ye mok bə yà'wèŋ mok mvwe' mò'fis, nə sə gihi lo Jòrosalèm, nə sə tsoho kε' ca liŋ Tà Jisòs. Yi à sə tsoho, nə kà ŋwè nəmòk wəp lok.

29 Yi à cèep, nə sə bwinə ncèp bə bùu Jus sè wo à sə cèp ncèep lak Gris, fana wo sə lap mandzè də wo zə yi.

30 Bùu Jisòs sə wèŋ à rì vɛ'nə, fana wo jəŋ tsoŋ lo nà' sə Sisàriyà, nə tum gesə lo yi ma Tasò.

31 Anə ye vɛ'nə, fana bùu cos sè mvwe' nzeŋgòn Jùdiyà bə Galili nə ye Sàmàriyà à tse' mok fifi. Coos yè'sə à sə gɛ lòmantombi, nə sə kuk bə bwìŋ sè'. Yè'sə à sə ye vɛ'nə bùusè Yòŋsè nè Rərəŋ nə à sə tesə wo yi mvəsè wo à sə cu,

nə sə gu bum sè yà' sə niŋ tsok də wo sə wəp Tà.

Pità, Aniyàs Bə Dokàs

³² Pità à sə ke' gi nəbɔp. A ye numbu mòk, fana yi ke' lo ngòkè cəpsə bɛu Jisòs sè wo cu mvwe' lak səmək, wo to fo' də Lidà.

³³ A kè dzɛŋ fo', yi ye ɲwè nəmòk nè liŋ nà'a Aniyàs. ɲwè ènə à sə kà ni' ye te' bəsəgè, nə sə noon mam mə kèhe luumŋgòn fwame'.

³⁴ Pità à to yi də Aniyàs, nə duk fa nà' də, <<Jisòs Krɛst gɛŋsə wu laŋ. Lòkok mɛtsè, nə lim kəà yò.>> Aniyàs lokok ca gu mɛtsè sè' kè' mò'fis.

³⁵ Bɛu Lidà bə sè wo à sə cu mvwe' mbo' Saròn wɛŋ pwe' à yə, nə kupsə, nə dzəm Tà.

³⁶ ɲwà nəmòk à ye mvwe' lak Jopà nè liŋ ye də Tàbità. Yi à ye sè' ɲwà nè yi à sə yù mandzè Jisòs. Bɛu Gris wɛn togè yi yàwo də Dokàs. Liŋ ye sə yà'a də ɲgar. Yi à sə gù bəboŋ, nə sə tɛsə ɲgàa jìŋ, nə kà wò.

³⁷ A ye ghà ànə, yiyaŋ à ko yi, yi kpɛ. Wo à cùk wes yi, wo kə nonɣə yi mvwe' rum mòk mɛtùhù co ma mɛzok vɛ'ɛ.

³⁸ Jopà bə Lidà ka səsap yeŋ, fana ɲgàa yù mandzè Jisòs sè wo à ye Jopà yuk də Pità cu sə Lidà. Wo tumsə gesə bwɛŋ ba də wo kə caŋ to Pità də kwəkwe' nà'a caŋ və wàp.

³⁹ Pità à fàhu, nə lo bə yà'wɛŋ. Yi à kè dzɛn, fana wo jəŋ lo yi mvwe' rum nè ma məbu nə. Bàa yepmfə sè wo à ye fo' lònfo', à vè, nə sə warə ɲgu ni'ì Pità, nə sə niŋ tsoho fa yi cèək sè Tàbità à gù fa wo ghà nè yi à cu ntòŋwəm sə.

⁴⁰ Pità à fis bùu sè mu nda'à anə sə mbiŋ pwe', nə təŋ bə tumfərə, nə sə ləŋ Nwì. Yi à ləŋ wes, fana yi bùuŋ kək vèŋ ni' Tàbità nə, nə duk də, <<Tàbità, lòkok mʉtsə!>> Tàbità muk lis. Mvəsə yi à yə Pità, fana yi lokok cum mʉtsə.

⁴¹ Pità ko nà' bo, nə lokoksə nà' mʉtsə. Yi to bùu sè wo à dzəm, nə ye bàa yepmfə sə wèŋ, nə fa yà'wèŋ Tàbità nə ŋga yi mok ŋwəm.

⁴² Bùu sè mvwe' lak Jopà pwe' à yuk yu yè'sə, fana bwìŋ ŋkùuŋntèŋ dzəm bohòTà Jisòs.

⁴³ Pità à cu malì Jopà anə mənə nùumbu səmok. Yi à sə cu bə ŋà' nəmòk nè yi sèeŋgè ŋgùp, liŋ yee də Saimù.

10

Pità Bə Kònilòs

¹ Nkum sojà nə mvwe' lak Rumà mòk à ye mvwe' lak Sisàriyà, liŋ yee də Kònilòs. Yi à tse' bòp sojàa sè mvwe' lak Italì yi.

² Yi à sə wəp Nwì nèbap. Yi à sə kùksə Nwì bə bùu sè mu nda'à yi pwe'. Yi à sə fa bùu Jus wèŋ mbo wùriŋ, nə sə ləŋ Nwì sè' nùumbu pwe'.

³ A ye nùumbu mòk ŋga nùm càsə maràŋ, fana yi ye yumok co lo vɛ'ɛ. Yi ye masinjà Nwì jəja vɛ'. Nà' to yi bə liŋ də Kònilòs.

⁴ Wwə ko yi, fana yi kək sɛɛŋ tse' nà', nə fek nà' də, <<A yà Tà?>> Masinjà Nwì nə duk fa nà' də, <<Nwì a yuk piriyaà yo, nə ye fa mbo yòsə', nə tsərə nè wu.

⁵ Fana nè ŋga'a nè'e, wu tumsə gesə bùu mok mvwe' lak Jopà ŋgòkè to ŋà' nəmòk fo' nè liŋ yee Saimù Pità.

⁶ Yi nòmü nda'à Saimù nè yi no ηγυ ndzəp nè ghaη, nè yi sèηgè ηgùp nà'a.>>

⁷ Anə ye ve'nə fana, masinjà Nwì nè yi à tsòho fa Kònilòs bum yè'sə, nə lo gesə lo yuye. Kònilòs to ηgàa fàak ye sè mü nda'à yi bwiη ba. Yi to sojà ye mòk sè' nè nà'a wəpgè Nwì.

⁸ Yi à tsòho fa yà'wèη yusè yi anə ye sə pwe'fo', nə duk fa wo də yà'wèη lo mvwe' lak Jopà anə.

⁹ Tsok à rēη ηga wo sə kəəp lòJopà anə, fana Pità sə kok lo ye mü tu ndap ηgòkè lēη pìriyà mbwa. A ye ηga nùum co maràη.

¹⁰ Njè à ya yi, fana yi sə dzəm də yi zə yumok. Wo ànə ka zuzü sè nto gū wes, fana yi sə ye yumok co lo ve'ε.

¹¹ Yi ye ηga ntòbu mùhu nòto, fana yumok sə tsoη tesə mbwa. Yà' səsə co làba' nè ghaη ve' ηga wo kotse' tsə vè nà' bə ηgəηgəη sè kwè sə pwe'.

¹² Yusè yà' à ye mənə làba' nə à ye nàamηgòn pwe' bə nsàap bum sè jì nès co no bə swi wèη pwe'fo'.

¹³ Yi yuk ηga ηgì ηwè nəmòk duk vèsə fa yi duk də, <<Pità, lòkok, nə sūə zə nàam yè'sə.>>

¹⁴ Fana Pità cep fəsə gesə ye duk də, <<Tà, anə kà ve'nə ye yuk, mü ka yàm yu səmok sè lùuk yo dzègè yà' dzèə zə yuk.>>*

¹⁵ Ngì ηwè nə cep səmok də, <<Yusè Nwì a gù bònşə yà' mok laη fana wù kà də wu dzə yà' duk.>>

* **10:14 10:14** Nwèə Jus kum-a nsàap nàam mok sè Nwì à dzèsə yà' fana yi nə kà mətsetsərə bwiη ηga wo sə kùksə Nwì vè, tse'ηga yi fa satikà' nè ηgòrēşə ni' ye nà'a ηkuη.

16 Yu yè'sə à gù fis ve'nə kè' tɛ', fana wo jəŋ fəsə lo yu sə mɔbu anə sɛmɔk.

17 Pità à sə mərə duk də nsàp lo nè yi yə nè'nə sə nì tsə' fa yi yè'sə də yà ɛ, fana ŋga bùu sè Kònilòs tumsə sə kè dzèŋ kè ncùhù yi sè laŋ. A ye ŋga wo à fe'rə mvwe' ndap Saimù nè, nè riŋ nà'.

18 Fana wo to fek gesə duk də, <<Ŋwè nəmòok fənə ŋkùŋ nè liŋ yee də Saimù Pità àɛ-ò?>>

19 Wo à sə fek gèsə lòve'nə ŋga Pità sə tsərə mali də yi rɛɛŋ nsàp lo nè nà' kè tàsə yi ènə ŋkuŋ. Yòŋsè Nwì à to yi, nè tsok fa yi də, <<Bùu sɛmɔk sə lap wu fənə bwìŋ tɛ'.

20 Lòkok mɔtsə, nè tsoŋ lo kə tseŋ wo. Wu gùə wù kà də wu dzeŋ ŋgòyù lòwo duk bùusè mù duk wo mɔ də wo və.>>

21 Fana Pità suhu lo, nè kə tseŋ wo. Yi duk fa yà'wèŋ duk də, <<Ŋwè nè wèŋ sə làap nè mɔ. Wèŋ vè da?>>

22 Bùu sə wèŋ duk də, <<Kònilòs nè yi ŋkum sojà tum ves yi. Yi ŋwè nè bèboŋ. Yi kùksəgè Nwì, fana bùu Jus pwe' rì yi bè lak lòŋ də yi ŋwè nè bèboŋ. Masinjà Nwì mòk nè rərəŋ a tsè' yi də yi to və wu nda' à yi ya yi yuk-a yusè wu nè tsok fa yi.>>

23 Wo à cèp wes, Pità to nisə wo mɔ nda' à yi, bè yà'wèŋ noonŋnoon mbwa tsok rɛŋ. Tsok ànə rɛŋ, fana yi lokok, nè be' mandzè bè yà'wèŋ lo. Bùu mòk sè mvwe' lak Jopà sè wo à dzəm Jisòs à yù lòyi sè'.

24 Wo à gì tsok kə rɛŋ sɛmɔk ŋkuŋ fana wo kə dzeŋ mvwe' lak Sisàriyà anə.

A kè dzèŋ fo', wo ye Kònilòs bə njənjàaŋ ye nə ye ŋge' ntəm ye sè yi to yà'wèŋ, ŋga wo cu sè tək Pità.

²⁵ Pità à sə nikok, fana bə Kònilòs kūrə. Kònilòs gbə cum tsoŋ kù mantombii nà' sə nze, nə zəm tu ŋòkùksə nà'.

²⁶ Pità lòkoksə nà' mʉtsè, nə duk fa nà' duk də, <<Lokok mʉtsè, mʉ mègù sè' ŋwè co wù.>>

²⁷ Mvəsè yi à sə cèp mali bohònà' ntòfo', fana yi ni lo mʉ nda'à, nə ye bwìŋ ŋga wo rwìŋ cu mbwa wùriŋ.

²⁸ Yi duk fa yà'wèŋ duk də, <<Wèŋ rì yàwèŋ sè' duk də, wu kək ja'a na bə nsàp mandzè nè bùu Jus wèŋ kùksəgè Nwì, fana ye də kaco ŋwè Jus kə kə' ye ŋwè lakmvum ŋkə' yeŋ. Kaco bə nà' sə tòrə kə' ca nduk sè' yeŋ. Mègù duk də Nwì a rɛɛŋsə fa mʉ yi duk də kà də mʉ tsərə də ŋwè nəmòok nè co mʉ dzeen yi dzèen duk.

²⁹ Nà'a njo nè wo to mʉ, mʉ nə vè nə, nə kà dzèèŋ.>> Fana yi duk mok duk də, <<Mù vè laŋ, wèŋ to mʉ da?>>

³⁰ Yi à fek vɛ'nə, Kònilòs cep də, <<Bə nùm nè ntinə pwe' a nùumbu kwè, nè à ye maràŋ sè' mvèk nè ŋga'a vɛ' ŋga mʉ cu mʉ nda'à mʉ ŋgòlɛŋ pìriyà nè wo lɛŋgè nà' ŋga nùm càsə maràŋ nà'a. Mù kək à, ŋwè nəmòk tə kok nè' mantombii mʉ. Yi ni tse' cèək mok yà' sə ba'a nèbʉp.

³¹ Yi to mʉ bə liŋ də, <Kònilòs.> Nə duk fa mʉ duk də, <Nwì a yuk pìriyàa yo, nə tsərə fa mbo yòlaŋ.

³² Ye də tumsə gesə lo ŋwè nəmòk mvwe' lak

Jopà yi to fa wu ηwè nəmòk fo' nè wo togè liη ye pwe' dè Saimù Pità. Yi ηkùìη. Yi nòmü nda'à Saimù nè yi fàkgè bè ηgùp, nè ndap ye ηgü ndzəp nè ghan.>

³³ Yà'a yusè mü a tum gù bwìη sè' ntèη dè wu vè sè. Wù nè gù nè bèbòη, nè vè nè sè'. Vès cu ηga'a fεεη mantombii Tà Nwì pwe'. Vès sè tək wù dè wu tsoho fa ves yà pwe' sè Nwì a tsè' fa wu dè wu cep.>>

Yusè Pità A Cèep

³⁴ Fana Pità ye ηgòcèp duk dè, <<Mù rì tse' ηga'a mok bè nè zìnə duk dè Nwìi jəgè bwìη pwe' yəyərè.>>

³⁵ Yi duk dè, <<A ye-a sè' ndà lòoη nè lak ηgèηgàaη sè' fòlòoη ηga yi wəp-a Nwì, nè sè gü yusè yà'a kəkürè, fana ye dè Nwì dzəm ηgèηgàη.

³⁶ Nwì à tsè' fa bùü Izùre ncèp nè nje nè laη. Ncèp ye nè à ye Ntirè nè Bèbòη dè Jisòs Krest nè yi Tà bohòbwìη pwe' a jə vè fifi.

³⁷ Wèη rì nsàap bum sè yà' a ye mwwe' nzenğòη bùü Izùre wèη pwe' yà'a laη. Ghà nè Jon à sè tsòho nzak bàpte à càa fana Jisòs yeto fàak ye mwwe' nzenğòη Galili.

³⁸ Yà' à ye bè liη Jisòs nè mwwe' lak Nazàre nè, mvəsè Nwì à fa yi Yònsè nè Rərəη nè ye ηàη fana yi à ke'ke' càa, nè sè gü bèbòη, nè sè gūηsə lo bùü sè wo à cu ndzə bohòηkum ze', bùüsè Nwì ànə ye bè nà'.

39 Bum sè yi à gù mvwe' laak bùu Jus, nè ye Jòrosalèm pwe'fo', vès à yə yà' bə lis avès. Wo à tɛ'lə yi mɛ ntəəŋ, nè zə yi.

40 Fana nùmbu nè tɛ' à dzèeŋ, Nwì gɛ yi lokok mvwe' kpɛ. Nwì à gù də yi niŋ fa bwìŋ ni' ye.

41 Yi à ka bohòbwìŋ lòoŋ sè' yəəŋ. Yi à yəəŋ mègù bohòvès sè Nwì ànə swék fis ŋgòyə bum yè'sə bə lis avès. Ghà nè yi a lòkok mvwe' kpɛ nè, vesiwèŋ à zɛ zɛzɛ, nè no nəno mvwe' mò'fis.

42 Fana yi Jisòs nè à duk ves duk də vèes tsoho lo fa bwìŋ Ntirè nè Bèboŋ nè sè'. Nə sə rɛŋsə fa bwìŋ duk də a yi nè Nwì a fa yi ñaəŋ də yi sak bùu sè wo à kpɛ lòlaŋ, nè ye sè wo cu ntòŋwəm pwe'fo'.

43 Bù ŋgàa tsòhòbum Nwì sè wo à ye njamòk tsòho nè sə kum liŋ ye. Wo à duk də ŋwè nè nà'a dzəm-a bohònà' pwe', Nwii nè swifa ŋgèŋgàŋ bɛp ye bə ñaəŋ sè yà' cu ndzənə liŋ ye sə.>>

Yòŋsè Nwì Vè BohòBù Lakmvum Sè'

44 Mvəsè Pità à sə cèp vɛ'nə, fana Yòŋsè nè Rərəŋ nè və bohòbùu sè wo à sə yu'rə ncèp nè Pità à sə cèp nè pwe'.

45 Bùu Jus sè wo à dzəm bohòJisòs sè wo à vè bə Pità wèŋ mvwe' lak Jopà à mərə nəbɛp. Wo à sə mərə də Nwì fa bù lakmvum wèŋ Yòŋsè nè Rərəŋ nè sè'.

46 Njə nè wo à yuk mvəsè yà'wèŋ à sə cèp ncèp lak mok sè wo kà yà' yukgè nè sə kùksə Nwì. Fana Pità cɛp duk də,

47 <<Bù yè'e wèŋ tse' Yòŋsè nè Røreŋ nè sè' co vesùwèŋ à tse'. Acò ñwè nèmòk dzeen də wo kà wo bæ ndzəp bàptesə à?>>

48 Fana yi fa ñàŋ də wo bàptesə yà'wèŋ bæ liŋ Jisòs Krest. Anə geŋ, wo duk fa Pità də bæ yà'wèŋ cum mənə nùumbu mok ŋkuŋ.

11

Pità Tsè' Rensə Fa Bùu Cos Wèŋ Yusè Yà' A Ye

1 Yà' à yuhu lòbohòŋgàa ntum Jisòs bæ bùu sè wo à dzəm Jisòs sə mvwe' nze Jùdiyà pwe' də bù lakmvum wèŋ a dzəm ncèp Nwì nè sè'.

2 Fana mvəsè Pità à lo mɔ Jòrosalèm, bùu mok sə cep də yi ka bəboŋ gɔ. A ye bùu sè wo à sə dzəm də tse'ŋga wo kom fa bù lakmvum wèŋ tu mbəmbam ŋkuŋ wo bɔŋ bùu cos yà'a.

3 Wo sə duk də, yi a kè nòŋ nda' à nsàap bùu yè'sə, nè zɔ be'lə zuzɔ bæ yà'wèŋ.

4 Pità ye ŋga'a ŋgòtsòho fa wo mvəsè yà' a yèto bæ yusè yà' a ye pwe'fo'.

5 Yi tsok duk də, <<Mù à cu ŋgògù piriya mvwe' ntum lak Jopà, fana mù ye lo. Mù ye ŋga yumok sə tsə mɔbu yà' səsə co làba' nè ghaŋ vè'ε ŋga wo kotse' tsə yà' bæ ŋgɔŋgɔŋ sè kwè sə. Yà' à kè təəŋ kɔəp ŋgɔ ni'ì mù.

6 Mù kək bɔrə yà' bəboŋni. Mù ye ŋga nsàap nàamŋgòŋ pwe' bæ nsàap bum sè jì nès co no bæ swiŋ wèŋ pwe'fo' cu ca.

7 Fana mù yuk ŋga ŋgì ñwè nèmòk duk vèsə fa mɔ duk də, <Pità, lòkok nè sɔ zɔ nàam yè'sə.>

⁸ Mù cep fəsə gesə lo duk də, <Tà, anə kà vɛ'nə ye yuk. Yumok sè vès rì də wo dzəgè yà' dzəə ka mɛ cùhu mù yàm ni yuk.>

⁹ Ngì ɲwè nə cep vesə fe'lə mɛbu anə səmok duk də, kà də mɛ dzə yusè Nwì a gù bònɲsə yà' laɲ duk.

¹⁰ Yà' à gù fis vɛ'nə kè' tɛ' fana wo jəɲ fəsə lo yà' mɛbu anə səmok.

¹¹ <<A ye sè' ghà nà'nə, bwìɲ kə dzeɲ mvwe' ndap àm nè mù cugè fo'. Wo à ye tu awo bwìɲ tɛ'. Wo ànə tumsə vesə bùu yè'sə mvwe' lak Sìsàriyà.

¹² Yònɲsè nə tsok fa mɛ duk də, kà də mɛ tse' məmərè ɲgòyù lòwo duk. Bwema sè mvwe' lak Jopà sè wo ntɲɲfu yè'e à yù lòmɛ Sìsàriyà anə. Vesiwèɲ à lònɔa' à Kònìlòs vès pwe'.

¹³ Yi tsoho fa ves mvəsè yi a yə masinjà Nwì ɲga nà' tɛ mɛ nda' à yi, nə duk fa yi duk də, <Tumsə gesə lo ɲwè nəmòk mvwe' lak Jopà yi kə to fa wu ɲwè nəmòk fo' nè liɲ ye pwe' də Saimù Pità.

¹⁴ Yi nə kə tsok fa wu ntirè nè wu nə tse' lùɲ wɛɲ ndap yòlòɲ.>

¹⁵ Fana mù anə sə yeto ɲgòcèp jo ntèɲ, Yònɲsè nè Rərəɲ nə və bohòwo sè' mvəsè nà' à vè bohòvesùwèɲ taɲ yà'a.

¹⁶ Fana mù tsərə fəsə yusè Tà à cèp duk də, <Jon à bàptəsə bwìɲ bə ndzəp, fana wo nə bəptəsə wɛɲ bə Yònɲsè nè Rərəɲ nə.>

¹⁷ Nòjəja də Nwì à fa bùu sè wo ka bùu Jus yɛɲ yè'sə wèɲ sè' nsàp fəfa nè vesùwèɲ ànə dzəm Tà Jisòs Krɛst yi fa ves nà'a. Anə ye-a vɛ'nə, mù ye

yàm yè'sə ndà nè co mù gu də Nwii kà yuye gù ε?>>

¹⁸ Bùu cos sə ànə yuk wes yu yè'sə, fana wo teŋsə ɲgòcèp də Pità a gù bɔp. Wo kuksə Nwì də, <<Ye də Nwì a fa bù lakmvum mandzè ɲgòkupsə ntum, nə luŋ.>>

Cos Yèto Mvwe' Lak Antiyòk

¹⁹ Bùu sè wo à dzəm Jisòs à carə sam bùu ɲgə' nè nà' à lòkok ghà nè wo à zə Stefè nà'a. Mok à ca lòm̀vwe' səsap co mvwe' nzenɲòŋ Fònisiyà bə Sɛprònə ye Antiyòk. Wo sə tsoho fa lo gu ncèp nè Jisòs nə bohòbùu Jus wèŋ woòwo.

²⁰ Fana bùu mok mʉtsətse'rə wo sè mvwe' lak Sɛpròbə Sírini à lòm̀vwe' lak Antiyòk, nə kə tsoho fa bù lakmvum wèŋ Ntirè nè Bèboŋ nè nà' sə kùm liŋ Tà Jisòs.

²¹ Nàaŋ Tà à ye bə yà'wèŋ, fana bùu sè wo ànə dzəm Ntirè nə, nə bùuŋ və bohòTà, à yam wùriŋ.

²² Bum yè'sə à yuhu lòm̀vwe' cos nè Jòrosalèm, fana wo tumsə lo ɲwè nəmòk nè wo to yi də Bànabà mvwe' lak Antiyòk anə.

²³ Yi à kè dzèŋ fo', nə ye mvəsè Nwì a nì bònèm ye bohòyà'wèŋ, fana yi kwa, nə tipsə guŋsə wo də yà'wèeŋ təeŋ mali guguŋ nə ye zìnə bohòTà Jisòs bə ntum yà' pwe'.

²⁴ Bànabà à ye ɲwè nè bèboŋ. Yi à rwiŋ bə Yòŋsè nè Rəreŋ nə, nə nə sə naaŋ tu bohòJisòs ɲkùuŋ sè'. Bwiŋ ɲkùuŋntèŋ à kupsə, nə dzəm bohòTà Jisòs.

²⁵ Anə geŋ Bànabà ye'e lo mvwe' lak Tasòŋgòkè ləp Sol.

26 Yi à kè yə nà', yi jəŋ fəsə və nà' Antiyòk anə. Bùu sè ba yè'sə à sə cu bə bùu sè mɔ cos sə, nə sə yə'rə wo ŋkà'ŋgòŋ mò'fis bə tu. Kwe' bù nè wo à sə yə'rə nə à ye nè ghaŋ. Wo à yèto ŋgòto fa ngàa yù mandzè Jisòs wèŋ liŋ sè də Krètèŋ yè'e mvwe' lak Antiyòk anə.

27 A ye sè' co mvək ànə fana ngàa tsòhòbum Nwì mòk nè wo sə cèp bum sè Nwì a tsè' fa wo à ye'e Jòrosalèm, nə tsoŋ lo sə Antiyòk anə.

28 Mòk à ye fo' nè liŋ ye Agabòs. Yi à cèp bə ñaŋ sè à fa yi Yòŋsè nə duk də, njè nè bup sə vèə. Nà'a nə ko nzeŋgòŋ nə lònfo'. (Njè nə à ko ghà nè Kladiyòs à ye ŋkum yi nà'a.)

29 Ngàa yù mandzè Jisòs à cu, nə dzəm mvwe' mò'fis də, ndaaŋwè pwe' jəŋ və yu ye mvəsè yi tse' ŋga wo təsə gesə lo bwema awo sè wo Krètèŋ sè yà'wèŋ cu Jùdiyà.

30 Wo ànə gɔ vɛ'nə, nə tumsə Bànabà bə Sol də yà'wèŋ jəŋ lo fa bù ŋkwàha bùu sè mɔ cos mbàam sə.

12

Ngə' Sə Yam Ghaha Ghaha

1 A ye sè' co mɔnə mvək nà'nə, fana Herònè yi à ye ŋkum mvwe' lak Izùre yeto ŋgòfa bùu sè mɔ cos sə wèŋ ŋgə'.

2 Yi à gwè' cok tu Jem moma Jon bə fèk.

3 Yi ànə ye də bùu Jus wèŋ kwa, fana yi ghaha wesə, nə ko Pità. Yè'sə ànə ye ghà nè wo à sə zu ŋkà'a brəd jì yis yà'a.

4 Mvè'nè Heròanə ko nà', fana wo kə gesə yi mɔ ndapndzəmè. Yi fihi sojà wèŋ kwè, kwè, sè

kè' kwè dè wo sè kùk nà'. Heròà sè duk dè wo nè sak nzak nà' mütsetsè'rè bwìj ghà nè ñkà'a Pasobà nè càa.

⁵ Pità à sè cu mü ndapndzèmè anè, fana bùu sè mü cos à sè lèj fa yì pìriyà bohòNwì bə nè zìnə àwo pwe'.

Pità Tesè Mü Ndapndzèmè

⁶ Nè ndzèmè nè Heròà sè duk dè tsok rɛj fana wo kə sak nzak Pità à ye, wo tsooɲ noɲsə nooɲ Pità nè bə kwanj ba. Yi sè nooɲ mütsetsè'rəe ɲgàa kùk ɲgàa ndapndzèm sè' ba. Mok à təeɲ lok ncùu ɲka' ndapndzèm sè sè'.

⁷ Anə geɲ, masinjà Tà Nwì və fo'. Mareɲ mòk rɛj mü ndapndzèmè anə. Masinjà Nwì nè kum tsè'rə Pità mü ɲkambəhə. Nà'a yəeɲ, fana yi tsok nà' duk dè nà'a lokok mütse jwè. Yi à duk vɛ'nə ntɛɲ, kwanj sè wo à tsòoɲ Pità bə zeɲ sè fiɲ.

⁸ Masinjà Nwì nè duk dè nà'a swi' tsè'rə korə nà' bə kùuɲgùp nà' bəboɲ. Pità ànə gɸ wes vɛ'nə, fana yi duk fe'lə fa nà' dè nà'a ni cək, nè mü ɲkwèɲ nè və bə nà'a lo.

⁹ Pità yuɲ nà', bə nà' tesə lo mü ndapndzèmè anə. Yi kà sè rɛeɲ dè yusè masinjà Nwì sə gù sə zìnə rɛeɲ. Yi à sè duk ye də, kàmòk yi sə yə ɲgwàaɲ lo.

¹⁰ Bə nà' à dzèɲ mvwe' ntòmbi ɲgàa kùk ɲgàa ndapndzèm, nè casə nà'nə, nè kə dzeɲ fe'lə mvwe' ntòmbi àwo nè ba. Wo à casə yà'sə, nè kə dzeɲ mvwe' ncùu ɲka' sè wo à gù yà' bə nteɲ, sè yà'a ɲgòni lòsə ntòlak. ɲka' sə à muhu bə bo

awo. Wo ca tesè lo. Wo à sè yù tsè lòmandzè mòk fo', fana masinjà Nwì nè me'rè Pità fo'.

11 Nà'a ghà nè Pità à rɛɛɛn bə bum yè'sə, nè duk də, <<Mù rì nè nga'a də yu yè'sə zìnə. Tà Nwì a tumsə masinjà ye, yi kə fis mɔ ndzə bohòHeròbè bùu Jus wèŋ. Mù swìrə yusè wo a sè duk də wo nè gɔ mɔ.>>

12 Yi à rì bum yè'sə vɛ'nə, fana yi ye'e lo nda'à ma Jon Mak nè liŋ nɔwà nè də Mèri. A ye nga bwiŋ à kə benə fo' wùriŋ, nè sè lɛŋ pìriyà.

13 Pità à kùm ncù ma sè mbiŋ, fana mɔwà'ngwèŋ mòk nè liŋ yee Rudà à dzəm, nè və. Mɔwà'ngwèŋ ènə fàkgè fo'.

14 Yi à yuk rì ngì Pità, nè kwa vɛ'ɛ nèbɔp. Yi kà ncùu sè mok mùk, nè caŋ bwi foho lo kə tsok fa bwiŋ duk də Pità tə sè mbiŋ.

15 Wo yak yi duk də nà' sè nɔnɔ àlɛ. Yi cep ghaha mali fo' də yusè yi duk sè zìnə. Fana wo duk də, kàmòk a ca masinjà Nwì nè yi kùkgè Pità nè.

16 Anə ye vɛ'nə Pità sè kum mali ncùu sè fo'. Anə geŋ wo kə muk yà'. Wo à yə yi, wo mərə nèbɔp.

17 Yi gɔ bo ye ngòtsè' wo duk də yà'wèŋ cum gəe'. Yi tsoho rɛŋsə fa yà'wèŋ mvəsè Tà fis yi mɔ ndapndzəmè anə. Yi duk də wo kə tsok fa Jem bə bùu mok sè wo à dzəm Jisòs sè pwe'. Yi duk wes vɛ'nə, yi ye'e lo mvwe' səmok.

18 Tsok à rɛŋ, ngàa kùk ngàa ndapndzəm sè wèŋ à jip nsàp nè wù kà fùk. Wo sè fe'rə ni' awo duk də, Pità nè yè'sə fò?

19 Heròà fa nɔnɔ də wo lap nà'. Wo lap, nè kà yi

yə. Yi to ngàa kùk ngàa ndapndzəm sə, nə fek wo bum yè'sə. Yi ànə fek wes yà'wèŋ, fana yi fa nàŋ də wo zə yà'wèŋ. Yà' à cǎa, fana Heròye'e me'rə Jùdiyà, nə tsoŋ lo kə cumtse' mok Sísàriyà.

HeròKpə

²⁰ Ntəm à sə jòk Heròbohòbùu Tayà bə Sidòŋ nèbɔp, fana wo benə mvwe' mò'fis, nə lo ngòkè yə Herònə. Wo à gù, nə ko to ntòŋkərə ŋwè nəmòk nè liŋ ye də Blatòs. Blatòs nə à ye ngà fàk nè ghaŋ mɔ nto' anə yi. Wo lo ngà'a bohòHerò, nə kə duk fa nà' də bə yà'wèŋ gɔ fifi. Wo à gù vɛ'nə bùusè zɔzɔ sè mvwe' lak awo à sə vè mègù mvwe' lak ŋkum ànə.

²¹ A kè dzèŋ nùmbu mòk nè wo à cok fis, fana Heròà ni cèək ŋkum ye, nə cum mɔnə kapràk ye, nə sə cep bohòbùu yè'sə wèŋ.

²² Wo à yuk, wo gurə duk də, <<Sə cep yè'sə nwì mòk, ka ŋwè yeŋ.>>

²³ Masinjà Tà Nwì ləp mak tsooŋ Herònə fo' ghà nə, bùusè wo à kùksə yi co Nwì, yi kà dzèèŋ. Ngìŋgòà lum yi tètè yi kpə ngà dzèŋ nùmbu tǎŋ.

²⁴ Ncèp nè Nwì nə à sə kùk lòmali mantombi.

²⁵ Bànabà bə Sol à mèsə fàak awo, nə me'rə Jòrosalèm, nə bwi foho lo fe'lə Antiyòk. Wo à lòbə ŋwè nəmòk nè wo to yi də Jon Mak wèŋ bəbɛ'.

13

*Cos Nə Tumsə LòBànabà Bə Sol NgòTsòhò
Lòo*

¹ Bwìṅ à ye mvwe' cos nè mvwe' lak Antiyòk sè wo à tse' fàak sè co ṅgàa tsòhòbum Tà Jisòs, bə cìcàa sè wo ṅgàa yə'rè bwìṅ ncèp Jisòs. Liṅ mok à ye Bà nabà bə Saimù. (Wo à sè to yi mok də, Najà.) Mòk à ye Lòsiyònè lak yee Sirinì, mòk ye Manàṅ nè yi à kuk ndzə bohòṅkum Herò, nè ye fe'lə Sol.

² Ghà nè wo à sè dzè zuzɔ ṅgòkùksə Tà, fana wo yuk ṅga Yòṅsè nè Rərəṅ nè duk fa wo duk də, <<Wèeṅ cok nonṣə fa mɔ Bà nabà bə Sol zok, bùusè mù a to wo, nè fa wo fàak mok sè wo nè fak fa mɔ.>>

³ Wo à dzè malì zuzɔ, nè sè ləṅ pìriyà fana, wo naaṅ fa wo bo, nè se wo də wo lo.

⁴ Mvè'nè Yòṅsè nè Rərəṅ nè à tumsə Bà nabà bə Sol fana wo tsoṅ lo sè Sèlusiyà, nè kə ni ṅwes, nè lo mvwe' nze Səprò.

⁵ Wo à nə kə dzeṅ mvwe' lak Sàlamì fana wo tsoho kə' ca ncèp Nwì fo' mənə ndaap pìriyàa bùu Jus wèṅ. Jon Mak à ye sè' bə yà'wèṅ ṅgòtesə wo.

⁶ Wo à gìhi lètètè wo kə dzeṅ Pafòs. Wo à kè tsèṅ ṅgà mfim mòk fo' nè liṅ yee də Bàjisòs. Nwè ènə à ye ṅwəθ Jus, yi sè bərə bwìṅ də yi ṅgà tsòhòbum Nwì.

⁷ ṅgà mfim nè à ye ṅwè govənònè yi à ye mvwe' lak yà'sə yi nə. Liṅ govənònè à ye də Sejìs Palìs. Yi tse' ṅkərè nèbɔp. Nwè nè ghaṅ ènə à dzəm ṅgòyuk ncèp Nwì fana, yi to Bà nabà bə Sol də wo və.

⁸ Wo à vəθ, fana ṅgà mfim nè kà ncèp nè Nwì nè dzəm, nè sè lap də Sejìs Palìs nè kà ncèp awo nè sè' dzəm. Wo togè Bàjisòs nè də Elemà (ṅgà

fe ngam) ve'nə bə ncèep bùu Gris.

⁹ A ye ve'nə, fana Sol nè liŋ ye mok də Pol, à kùk tse' nà' bə lis rap rap. Pol nə à rwiŋ bə Yòŋsè nè Rəreŋ.

¹⁰ Yi duk fa ngà gù bum mfirm nə də, <<Wù mo ze', yusè yà'a bəboŋ pwe' wu bènɣè yòyà' bènɣə. Vəəm yo yà'a rwiŋ cu gù ca nsàap ŋkərəə sè bup nə ye ŋkùl'. Wu lapgè bə nàan yo pwe' də wu gu gorə bupsə mandzè nè Tà nə.

¹¹ Bo Nwii nə jweŋ wu nga'a yè'sə. Lis nə loho wu, wù cumtse' nga wù sə kà mareŋ yə.>> Yi ànə cep wes ve'nə ntèn, Elemà ye nga yumok lok yi lis co mbàk ve'ε. Yi sə jam lap ke' ca fo' də ŋwè nəmòk ko yi bo.

¹² Mvəsè govə̀nònə à yə ve'nə fana yi dzəm bohòJisòs. Anə ye ve'nə yi mərə bə nsàap yusè wo à sə yə'rə fa bwìŋ bə liŋ Tà sə wùriŋ.

Yusè Yà' A Ye Antiyòk Nè Mvwe' Nzenɣòn Pìsidiyà

¹³ Pol bə bùu ye sə wèn à ye'e Pafòs anə, nə gi bə ngwes kə dzeŋ mvwe' lak Pegà, nè nà'a mvwe' nze Pàmfiliyà. Jon Mak à mè'rə wo fo', nə bwi foho lo Jòrosalèm.

¹⁴ Wo à càsə malì Pegà, nə kə dzeŋ Antiyòk nè mvwe' nzenɣòn Pìsidiyà. Numbu dzè à ye, wo lo kə ni cum mənə ndap pìriyà bùu Jus.

¹⁵ Ghà nè ŋwè nəmòk ànə taŋ wesə ŋwàk lùuk Musi, bə yusè ngàa tsòhòbum Nwi wèn à còm fana bùu sè mantombi mənə ndap pìriyà nè wèn à tum ŋwè duk də nà'a kə ye Bànabà bə Pol. Wo də yi kə duk fa yà'wèn duk də, yà' co bwema,

tse'-a ncèp mòk nè bèbon co wo tipsə bwìŋ bə zeŋ àlɛ', yà' və kə tsok fa wo.

16 Pol à lòkok mɔtsə, nè ɣu bo də wo cum ɣə', nè sə cep duk də, <<Wèeŋ yu'rə fa mu, bùu am bwe Izùre, nè ye wèŋ mok sè wèeŋ kùksəgè Nwì.

17 Nwì nè bùu Izùre yè'e kùksəgè yi, à cokfis tàcicii avès, nè ɣu yà'wèŋ yam maŋɣəŋgèŋ ghà nè wo ànə ye ŋkùŋ mvwe' nze Ijip. Nwì à jə fis wo mvwe' nzeŋgòŋ Ijip anə bə ŋaaŋ ye.

18 Mənə lùmŋgòŋ hum kwè, yi sə ye bə yà'wèŋ ŋgəà.

19 Yi à lèsə bù ŋkəŋkum sàmba bə lak awo mvwe' nze Kanà. Yi à ɣù bùu ye wèŋ tse' nze nè fo' mok wo. Bum yè'sə a jə co lùmŋgòŋ ŋkù kwè-bə-hum tàŋ.

20 Ghà ànə à càa, yi fa yà'wèŋ bùu sè ŋgòtəŋ mantombi wo tètè kə dzeŋ mvək nè ŋgà tsòhòbum Nwì nè liŋ ye Samwè à ye sè' ŋwè nè mantombi.

21 <<Anə ɣeŋ, wo fek Samwè nè duk də wo dzəm ŋkum, fana Nwì fa wo Sol də nà'a ye ŋkum nè nà'. Sol nè à ye ŋkum mənə lùmŋgòŋ hum kwè. Yi à ye mo Kis nè mvwe' bəp lak Benjamè.

22 Ghà nè Nwì ànə susə yi fana Nwì koksə bwi Devid ŋkum àwo. Nwì à cèp bə liŋ Devid sə duk də,

<Mù yə də Devid nè yi mo Jesi nsàp ŋwè nè mù dzəm nè.

Yi ŋwè nè yi nè sə ɣu yusə mu nè sə dzəm ŋgògù pwe'.>

23 Devid nè, Nwì à fis vè Jisòs ŋgà lùŋsə bùu Izùre wèŋ bohòŋgwì bù ye nè. Nwì ànə kak tes

vɛ'nə.

²⁴ Nkunj Jisòs sə və nga Jon à tsòho to fa bùu Izùre wèŋ pwe'fo' duk də yà'a kupsə, nə bwi fa bup awo ŋkwèŋ, nə baptesə.

²⁵ Jon à sə kəp ngòmèsə fàak ye sə fana, yi fek bùu sə wèŋ duk də, <Wèŋ sə tsəm də mu yè'sə ndà? Mù ka ŋwè nè wèŋ sə tək nə yeŋ. Yi sə və maŋkwèŋ. Mù ka kərə ngòfweŋ fa yi kùuŋgùup ye kərə.>

²⁶ <<Bwema am wèŋ sè wèŋ ŋgwì bùu Abrahàm bə wèŋ sè wèŋ ka bùu Jus yeŋ sè wèŋ kùksəgə Nwì. Ncèp lùŋ ènə sə və yè'sə bohòvesùwèŋ.

²⁷ Bùu sè wo à ye mvwe' lak Jòrosalèm bə ŋkwàha bù awo à ka riŋ də ŋwè ànə ngà tətəsə bwiŋ riŋ. Nùumbu dzə à sə ye pwe', wo sə taŋ ncèp nè ngàa tsòhòbum Nwì à còm bə liŋ ye, nə kà sè' sə rɛɛŋ. Anə ye-a sè' vɛ'nə fana wo à gù ncèp ngàa tsòhòbum Nwì sə wèŋ ye zìnə mvəsə wo à zə yi sə.

²⁸ Wo ànə ka njo nè co wo zə yi bə zeŋ sè' tse' fana, wo lɛŋ mali Palè ngòzə nà'.

²⁹ Wo à gù wes yusə ŋwàk Nwì à sə cèp bə liŋ ye pwe' fana, wo ki tsoŋ yi mu ntəŋ anə, nə tuuŋ yi.

³⁰ Anə geŋ, Nwì lokoksə yi mvwe' kpə.

³¹ Mənə nùumbu ŋkùuŋntèn yi à yəəŋ bohòbùu sè bə yà'wèŋ à gi yè jə mvwe' nzeŋgòn Galili nə kə dzeŋ Jòrosalèm. Nè nga'a nè'e, wo mok bùu sè wo sə tsoho fa bwiŋ yusə wàa yə.

³²⁻³³ <<Vèes ye' ngòtsè' fa weŋ Ntirè nè Bèbon nə də, yusə Nwì ànə kak fa tàcici avès duk də

yi nə ɣu sə, yi ɣu fa yà' bohòvesùwèŋ sè a ɳɣwì
 bù àwo. Yusè yi à ɣu sə də, yi a lòkoksə Jisòs.
 Yà' cu ndzənə ɳwàk Sàam mbùp ba ve'nə. A nja
 duk də,

<Wu mo àm, mɛ ntinə bohòwù Tè' yò.>

³⁴ Yusè Nwì ànə cɛp bə mvə'nə yi à lòkoksə nà'
 mvwe' kpɛ də nà'a nə kà mok bí yuk sə də,

<A zìnə də mɛ nə se li wu bə bum sè rərəŋ sè
 mù à kàk tè' yòDevid sə.>

³⁵ Mvəsè yi sə cɛp fe'lə mɛmvwe' nəmòk ndzənə
 ɳwàk Sam nə duk də,

<Kaco wu nə me'rə ɳgà fàk yònè yi yukgè duk
 yòbèboŋ də yi bi yeŋ.>

³⁶ A rì də Devid bə tu ye ànə fak bohòNwì mvəsè
 Nwì à dzəm njamòk anə, nə kpɛ, wo tuuŋ yi ɳɣu
 sèè tàcicii ye wèŋ fana ni' ye bi lo.

³⁷ Nə yeè nə duk də, ɳwè nè Nwì ànə lokoksə yi
 mvwe' kpɛ nə, a yi nə yi à ka ye bi.

³⁸⁻³⁹ <<Nə yeè nə duk də, wèŋ bwema am
 pwe'fo', wèŋ tse' ɳgòrì tse' pap də sèswifa nè wo
 sə tsoho nə, a bùu liŋ ye. Wèŋ rì sè' duk də ɳwè
 nè yi dzəm-a bohòyi, ye də yi swe'ɛ tesə bə bup
 ye laŋ. Yi swe'ɛ tesə nsàp nè kaco lùuk Musì fiŋ
 me'rə to yi ve'nə yeŋ.

⁴⁰ Wèŋ jəŋ ɳkərə ya yusè ɳgà tsòhòbum Nwì
 à cèep kà bohòwèŋ kə ye.

⁴¹ Də,

<Wèŋ yu'rə-a, wèŋ sè wèŋ sə ywì'lə yusè Nwì
 cèep.

Wèŋ mərə, nə kpɛ.

Busè nsàp fàk nè mù sə ɳu bə mvək nè wèŋ cu
 fo' nè'e,

A nsàp nè co wèŋ kà də a yusè zìnə dzəm.

A ye-a də ŋwè nəmòk à tsè' fa wèŋ mantombì, wèŋ kà sè' dzəm malì.> >>

⁴² Pol bə Bànabà à sə tesə mɯ ndap pìriyà nè də wo lo fana, bùu sə wèŋ duk fa wo duk də, nùmbu dzè mòk nè nà' tsə nà'a dzèeŋ, yà'wèŋ və kə tsoho fa wo bum yè'sə sèmok.

⁴³ Ghà nè bùu sə wèŋ à sam wes fana bùu Jus bə bùu sè wo bùuŋ bùu Jus wèŋ à yù Pol bə Bànabà ŋkùuŋntèŋ. Wo à cèp, nè tipsə yà'wèŋ duk də yà'a sə geŋ mantombì bə ntum nè də wo rì bòvəm nè Nwì.

⁴⁴ Nùmbu dzè mòk nè à dzèeŋ, à bwehe gù jo də bwìŋ à tesə mvwe' lak yà'sə pwe'fo' ŋgòkè yuk ncèp nè.

⁴⁵ Bùu Jus wèŋ à yə mvəsè bwìŋ à kə rwiŋ fana, ntum kà wo bò. Wo cèp də Pol sə cì' mvwès, nè yak nà'.

⁴⁶ Pol bə Bànabà cèp fis, nè kà wəp duk də, <<Anə boŋ tsoŋ duk də wèŋ yuk to ncèp nè Nwì nè wèŋ. Nə yeè nè də mvəsè wèŋ bèŋ ncèp nè, ye də wèŋ ləŋ kpɯ awèŋ wèŋ, də wèŋ ka kərə ŋgòkè tse' lùŋ nè nà'a nè kà mè nè. Mvè'nə yà'a vɛ'nə fana, vèes nè tsoho fa mok bohòbù lakmvum wèŋ.

⁴⁷ Ncèp nè Tà fa ves nè nè' də, <Mù a nəmsə wèŋ co mareŋ bohòbù lakmvum. Wèŋ nè ye co mandzè nè nzeŋgòŋ nè pwe' nè yuk ncèp lùŋ bohòwèŋ.> >>

⁴⁸ Bù lakmvum sə à yuk vɛ'nə, wo kwa, nè kwasə bə ncèp nè Tà nè. Bùu sè Nwì ànə cok fis də wo nè tse' lùŋ à bùuŋ mok Krètèŋ.

49 Ncèp nè Tà nè à yuhu mvwe' lak yà'sə pwe'fo'.

50 Fana bùu Jus wèŋ kə caŋsə ncəncàŋ bohòbù gugur sè mvwe' lak yà'sə bə bàa sè ghaŋ sè wo kùksəgè Nwì wèŋ. Wo ye ŋgòfa Pol bə Bànabà ŋgə' wùriŋ, nsàp nè wo à lògesə mvwe' lak yà'sə maràŋ.

51 Wo à kè'sə màk nòŋsə mfəmfəə kù awo fo', ŋgònì tsè' bə yusè yà' ànə ye fa'nə sə. Wo à gù wes ve'nə, wo bə' mandzè, nè lo mvwe' lak mok sè wo to yà' də Akonòm.

52 Bùu sè wo à sè yù mandzè Jisòs sè wo à ye mvwe' lak Antiyòk à rwiŋ bə kwəkwa nè ye bə Yòŋsè nè Rərəŋ nè.

14

Mvwe' Lak Akonòm

1 A kè dzèŋ mvwe' lak Akonòm anə fana Pol bə Bànabà à kə ni mənə ndap pìriyà bùu Jus wèŋ sè' mvè'nè wo gùgè səsə. Wo à tsòho mbwa ve'ε nsàp mòk fana bùu Jus bə bù lakmvum wèŋ à dzəm wùriŋ.

2 Fana bùu Jus sè wo à ka yàwo dzəm sè wèŋ à kə caŋsə fa bù lakmvum ncəncàŋ. Fana wo jok, nè beŋ bùu sè wo à dzəm Jisòs sə.

3 Pol bə Bànabà wèŋ à cu fa'nə səsap ntèŋ. Wo à sè tsòho liŋ Tà Jisòs, nè kà yumok wəp lok. Tà à sè fa yà'wèŋ ñàŋ ŋgògùhə bum sè maŋgəŋgèŋ ŋgònì tsè' də yusè yà' sə cèep sə kum bə bòvəm ye nè zìnə.

4 Bùu sè mvwe' lak yà'sə à gà'a bòp ba. Mok ye ma nè bùu Jus wèḡ fana, mok ye yàwo ma nè ḡàa ntum sə.

5 Bù lakmvum mok wèḡ à kè be'lə bə ḡkwàha bùu sè fo' sə, nə kiḡ cù duk də wo fa ḡàa ntum sə wèḡ ḡə', nə tərə yà' bə līs.

6 Nḡàa ntum sə wèḡ à yuk vɛ'nə fana, wo carə lo mvwe' lak Listà bə Debè sè yà'a mvwe' nze Likaonà.

7 Wo à ḡiḡi kɛ' cà mvwe' nze nà'nə nə sə tsoho Ntirè nè Bèboḡ nə fo'.

Mvwe' Lak Listà Bə Debè

8 Nḡwè nəmòk à ye mvwe' lak Listà anə nè kùu ye à kpɛ, yi kà sə ḡi. Mvè'nè wo à dzə yi dzə, yi à ka ḡi yuk.

9 Yi à cu fo', nə yuk yusè Pol sə cèep. Pol ye nà', nə riḡ duk də nà' tse' dzədzəm də aco yi ḡuḡsə nà', fana yi kək tse' nà' bə līs,

10 nə cep bə ḡḡi nè ḡhaḡ də, <<Lòkok təḡ mɛtsè bə kùu yo rərəḡ.>> Nḡà' nə à li lòkok mɛtsè, nə ye ḡḡòḡiḡi kɛ' cà fo'.

11 Kwe' bù nè à ye fo' nə à yə yusè Pol à ḡù sə fana, wo yeto ḡḡòkɛ'ḡḡùḡ bə ncèep lak Likaonà sə, nə sə duk də, <<Nwì wèḡ bùuḡ co bwìḡ, nə vèə nə ḡḡòkə kɛ' yə ves!>>

12 Wo to fa yà'wèḡ liḡ nwì awo mok. Sè Bànabà à ye də Zus, sè Pol ye də Hemès, bùusè yi ànə ye ḡwè nè yi cèp nə yi.*

* 14:12 14:12 Liḡ sè də Zus yè'sə à ye liḡ nwì mòk mvwe' nzeḡḡòGris wèḡ sə. Liḡ sè də Hemès à ye liḡ dòḡari nè bohònwi wèḡ nè wo tungè yi ntum.

13 Tàap nwì nè də Zus nè à tə kuəp ko' gù sè' n̄gɔ lak anə. Nwè nè yi fagè satikà' Zus nè à jə vè ndu mbòŋ bə mvùu n̄gaŋ mok mvwe' ncùu n̄ka' sə. Yi à jə vè yà' də wo gɔ satikà' bə zəŋ n̄gòkùksə n̄gàa ntum sə.

14 Pol bə Bànabà ànə yuk də yà' sə də yà'a gɔ vɛ'nə fana, wo soŋ sarə cəək awo, nè carə ni lo mʉtsətsə'rə bùu sə, nè sə kɛ'n̄gùŋ də,

15 <<Bùu yè'e, wèŋ sə gɔ yè'sə yà? Vèes bwìŋ. Vès mègù sè' bùu sè bwìŋ co wèŋ. Vès vè fɛɛŋ n̄gòtsə' fa wəŋ Ntirè nè Bəboŋ nè, ya wèŋ bùuŋ gɛsə mvwe' bum sè wà yè'sə, nè yuŋ Nwì nè yi cu n̄wəm. Nwì nè yi à gù ntòbu bə nzen̄gòŋ, nè ye ndzəp bə bum sè yà'a ca lòŋ fo'.

16 A ye taŋ fa', Nwì me'rə ndàaŋwè pwe' n̄gòyù mandzè nè n̄gəŋgàŋ dzəm.

17 Yi à mè'rə-a yà' sè' vɛ'nə, fana yi sə niŋ tsok fa mali bwìŋ də yi cu fo' bə nsàap bum sè bəboŋ sè yi gù fagè bwìŋ. Yi gùgè mbùŋ sə li tsoŋ mʉbu, nè sə gɔ bum zɔ awèŋ gɔŋ bə mvək nè bəboŋ. Yi fagè wəŋ zɔzɔ, nè sə gɔ ntuum awèŋ rwìŋ bə kwəkwa.>>

18 Ngàa ntum sə wèŋ à cèp-a sè' mʉmvək ènə, sə gɔŋ mali bohòbùu sə nè bɔp co wo tɛŋsə n̄gògù satikà' nè wo ànə dzəm n̄gògù fa wo nè.

19 A ka sap fana bùu Jus mok wèŋ à vè mvwe' lak Akonòm bə Antiyòk. Wo à vè, nè gɔ bùu sə pwe' kwəŋ wes lo ma n̄jàwo. Wo tərə Pol bə lɪs, nè soŋ fis gɛsə yi mʉ ntòlak anə, nè sə tsəm yàwo də nà' kpɔ laŋ.

20 Bùu sè wo à sə yù mandzè Jisòs à kè benə dzooŋ n̄gɔ ni'ì yi n̄gòkùk yi fana yi lokok. Yi à

lòkok, nè foho lo sè' mɔ ntòlak anə. Tsok à rɛŋ, bə Bànabà lo yu awo Debè.

*Pol Bə Bànabà
Bwì Foho LòAntiyòk*

²¹ Pol bə Bànabà à tsòho Ntirè nè Bèboŋ nè mɔwɛ' lak Debè, fana bwìŋ dzəm wùriŋ. Wo ye'e, nè bwì foho lo fe'lə Listà, nè lo Akonòm, nè lo Antiyòk.

²² Wo à gii, wo sə tip sə gũŋ sə tsə'rə bù ngàa yù mandzè Jisòs sə də, yà'wèŋ kotse' mali yusè yà' à dzəmtse' yà' bə liŋ Jisòs yà'a cùk. Wo à sə tsòho fa bwìŋ duk də, <<Vesùwèŋ tse' ngòyə ngə' wùriŋ ŋkuŋ a kə ni mɔwɛ' gaŋ ŋkum Nwì.>>

²³ Wo à coho nòŋ sə lòŋkwàha bwìŋ mɔnə coos sə lòŋ fo'. Wo lɛŋ pìriyà, nè dzə zɔzɔ, nè fa bùu sə bohòTà Jisòs, nè wo à fa ntəum awo bohònà' nè.

²⁴ Ghà nè wo à càsə nzeŋgòn Pìsidiyà fana wo və mɔwɛ' nzeŋgòn Pàmfiliyà.

²⁵ Wo à tsòho ncèp nè mɔwɛ' lak Pegà, nè ca tsoŋ lo sə mɔwɛ' sè wo togè fo' duk də Àtaliyà.

²⁶ Wo à mè'rə fo', nè ni ngwes, nè bwì foho lo Antiyòk. A sè' mɔwɛ' sè cos nè à fa wo bohòNwì ngòjə ŋkərə bohòwo bə fàak sè wo a gù wes yà' sə.

²⁷ A kè dzèŋ Antiyòk fana wo to benə bùu sè mɔ cos pwe' mɔwɛ' mò'fis, nè tsoho fa yà'wèŋ yusè Nwì a gù bohòwo. Wo tsok fa yà'wèŋ mɔvəsè Nwì a fa mandzè, bù lakmɔm wèŋ dzəm bohòJisòs yàwo sè'.

²⁸ Wo à cu mali fo' bə bùu sè wo à sə yù mandzè Jisòs sə wèŋ səsap ntèŋ.

15

Kwe' Nè Wo A Cu Nà' Jòrosalèm

¹ Bùu sëmok à tesè vè mvwe' nzenḡòḡ Jùdiyà, nè vè Antiyòk anə. Wo sè yə'rə fa bwema sè wo à dzəm Jisòs sè duk də, <<Kaco wènḡ tse' lùḡ nè nà'a nè kà mè nè yeḡ, tse'ḡga wo kom fa weḡ tu mbəmbam mvəsè Musi à duk.>>

² Pol bə Bànabà bə yà'wènḡ à fenə bə ncèp ènə nèbər. Wo à kè lèsè tes duk də Pol bə Bànabà nè ye bùu sëmok sè Antiyòk anə lo Jòrosalèm kə ye ḡgàa ntum bə ḡkwàha bwìḡ mɛ cos bùu ncèp ènə.

³ Bùu cos sè à tumsə wo. Mvè'nè wo à sè ca mvwe' nzenḡòḡ Fònisiyà bə Sàmàriyà fana wo tsok mvəsè bù lakmvum wènḡ bùuḡ vè ma nè Nwì. Bwema sè fo' à kwa bə ncèp ènə wùriḡ.

⁴ Wo à kè dzènḡ Jòrosalèm fana, bùu cos nè fo' nè duk fa wo də wo vè bèboḡ. Ngàa ntum bə bù ḡkwàha bwìḡ à duk fa wo sè' də wo vè bèboḡ, fana wo tsoho fa yà'wènḡ yusè Nwì a ḡù bohòwo.

⁵ Fana bùu mok sè wo à dzəm, sè wo yàwo ma bòp bùu Faràsi wènḡ à lòkok, nè cep duk də, <<Wo tse' ḡḡòkom fa ndàaḡwè nè yi ka ḡwè Jus yeḡ tu, nè tsok fa wo ḡḡòyù lùk Musi ḡkuḡ yi tse' lùḡ nè nà'a nè kà mè.>>

⁶ Ngàa ntum sè bə bù ḡkwàha bwìḡ wènḡ à kə be'lə mvwe' mò'fis ḡḡòtsərə bònḡsə bə ncèp ènə.

⁷ Wo ànə cep ncèp ènə tètè fana Pità lokok, nè duk də, <<Bwema am wènḡ, wènḡ rì sè' duk də mvè'nè yà' à yèto, Nwì à cokfis mɛ mɛtsətsə'rə wènḡ ḡḡòtsòho fa bù lakmvum wènḡ Ntirè nè Bèboḡ nè, də ya mɛ tsoho nà', wo yuk, nè dzəm.

⁸ Fana Nwì, yi nè yi rì ntuum bwìŋ pwe'fo' nè à nì tsè' dè yi jè bùu sè wo ka bùu Jus yeŋ sè sè'. Yi à nì tsè' bə mandzè nè dè yi à fa yà'wèŋ Yòŋsè nè Rəreŋ nè sè' mvəsè yi à fa vesùwèŋ.

⁹ Yi à ka zəzok mʉtsətsə'rə vesùwèŋ nè ye wo niŋ. Yi à reŋsə ntuum awo bùusè wo à dzəm bohòyi.

¹⁰ A ye-a ve'nə, nè ŋga'a nè'e wèŋ sə də wèeŋ mumsə Nwì yè'sə bùu yà? Wèŋ sə mumsə yi nè sə bək naaŋ fa bù ŋgàa yù mandzè Jisòs yè'sə bum mok mʉ tuhù bùu yà? Tàcicii avès nè ye vesùwèŋ à ka ŋgòbək to yà' wabə.

¹¹ Ka ve'nə bəboŋ yeŋ. Vesùwèŋ dzəm, nè tse' lùŋ bùu bònəm nè Tà Jisòs sè' mʉmvè'nè wo yàwo sə sè'.>>

¹² Mvè'nè wo à yuk ve'nə, wo cum gəe'. Pol bə Bànabà ye ŋgòtsòho fa yà'wèŋ nsàap maŋgəŋgèeŋ sè Nwì a fàk fa bù lakmvum wèŋ ndzə bohòwo.

¹³ Wo ànə cep wes fana, Jem cep fis ye sè' duk də, <<Bwema am, wèeŋ yu'rə a.

¹⁴ Saimù sə cèp reŋsə wes tsə gù mvək nè Nwì à yeto ŋgòjə bù lakmvum wèŋ co bwìŋ, nè sə cok fis bwìŋ mʉtsətsə'rə yà'wèŋ də yà'a ye bùu ye.

¹⁵ Yu yè'sə mègù yəyərè bə yusè ŋgàa tsòhòbum Nwì wèŋ à cèep. Nwàk Nwì sə cèp duk də,

¹⁶ <Anè kè ta, mʉ bwi və, dʉ' mʉu Tà.

Mʉ nè lokoksə ndap Devìd nè nà' à gbù nè sèmok.

Mʉ nè fəsə və fèəm lak sə, nè ci tsə'rə fe'lə yà' sèmok.

17 Fana bùu mok yà'a pwe'fo' nò lap mandzè Tà. Bù lakmvum sè mù à to wo ngòye bùu sè yàm yà'a.

18 A cèp yè'sə Tà nè yi à gù bwìŋ ngòrì yè'sə taan ntèn nə.> >>

19 Jem duk mali duk də, <<Bə vèəm yàm, bùu sè wo sə bùu vè bohòNwì nga wo bù lakmvum yè'sə, ka bəboŋ də a fa wo ngə' yeŋ.

20 Bòlɛ də, vesùwèeŋ com fa wo ŋwàk. A com megu fa wo də wo kà zuzu sè yà'a bup bùsè wo fa yà' bohòrùm zə. Wo kà sàhà kè nto sə ko, kà nduəm kè nàm nè yi kpə bə nduəm ye ndzə ni'ì zə.

21 Bùsè sàp wùriŋ mvəsè wo tagè lùuk Musi mùm vè'ànə mənə ndaap pìriyàa bùu Jus wèŋ nùumbu dzè lòoŋ, nə sə tsoho ncèp ye nə mvwe' buhu lak lòoŋ.>>

Nwàk Nè Wo A Fa Bù Lakmvum

22 Anə ye vɛ'nə fana, ngàa ntum sə bə bù ŋkwàha bwìŋ bə bùu cos nə pwe' à dzəm mvwe' mò'fis duk də wo cokfis bùu səmok mənə kwe' àwo, nə tum gesə lo wo Antiyòk anə bə Pol nə ye Bànabà wèŋ bəbɛ'. Wo a cok fis Judàs nè wo to yi mok də Bāsabà, bə Silàs. Bwema sə wèŋ à sə jə bùu yè'sə co bùu sè mantombi.

23 Wo à còm ŋwàk, nə tumsə wo bə zeŋ. Nwàk nə à sə cep də vɛ': <<Vès, ngàa ntum bə bù ŋkwàha bwìŋ sè vès bwema awèŋ, vès cèpsə vèsə wèŋ bəboŋni. Wèŋ sè wèŋ cu mvwe' lak Antiyòk bə Sìriyà nə ye Sìlisiyà, sè wèeŋ bù lakmvum lòoŋ.

24 Vès yuk duk dè bùu sèmok a tesè mungorè vès, nè kè fa wèŋ ngə', nè cèp bum mok sè yà' a gù ntuum awèŋ ngòtse' tsətsərè. Yusə duk dè vès a ka wo dè wo kè gu vè'nə tum.

25 Vès a kè cu bwì, nè dzəm sè' mvwe' mò'fis dè vès cok fis bùu mok, nè tum wo bohòwèŋ. Wo nè lo bə Pol nè ye Bànabà wèŋ sè vès dzəm wo nèbup.

26 A bə nà' nè à bwehe gu jo duk dè wo à kpə bùusè wo sè fàk bohòJisòs Krèst nè yi Tà àvès.

27 Bum sè vès sè com yè'sə, Judàs bə Silàs sè vès sè tumsə wo nè tsoho fa wèŋ yà' bə cù sè'.

28 Ves Yòŋsè nè Rərəŋ nè wèŋ a dzəm mvwe' mò'fis duk dè vès kà wèŋ ngə' mòk wà bək naaŋ fa, mègù dzədzəə sè yà' tse' ngòye vè'nə yè'e:

29 Kà zuzù sè wo fa yà' bohòrùm zù; kà nduəm zù; kà nàm nè yi kpə bə nduəm ye ndzə ni'ì yi zù; wèŋ kà sàhà kè nto sè ko. Wèŋ gu-a mvəsè vès duk yè'sə fana, ye dè wèŋ gù bəboŋ. Wèŋ cum bəboŋ.>>

30 Anə geŋ, wo tum bùu sè wo lo Antiyòk anə. A kè dzèŋ fo', wo to benə bùu sè wo à dzəm sè pwe' mvwe' mò'fis, nè fa yà'wèŋ ŋwàk nè.

31 Bùu sè à ta ŋwàk nè, nà' ni wo sè ntuum, nè gu wo kwa wù kà fàk.

32 Judàs bə Silàs à cèp bə bwema sè wèŋ mvək səsap ntèŋ. Wo à sè tip guŋsə yà' bəboŋ. Judàs bə Silàs à ye yàwo sè' ngàa tsòhòbum Nwì.

33 Wo à cu sàp fo' bəboŋ tè fana bwema sè wèŋ me'rə wo bəboŋ. Wo à bwìŋ foho lòsè' bohòbùu sè yà'wèŋ à tum wo sè. (

³⁴ Silàs à dzəm yi, nə kà ye sə bwìŋ lò.)

³⁵ Pol bə Bə̀nabà à cuuŋ Antiyòk anə bòn. Wo bə bùu mok wèŋ à sə yə'rə, nə sə tsoho fa bwìŋ ncèp Tà Jisòs.

Pol Bə̀ Bə̀nabà Gà'a

³⁶ Numbu nəmòk à kùrə, Pol duk fa Bə̀nabà duk də, <<Vesùu bwi foho lo ke'ca mvwe' lak sè vesù à tsòho ncèp nè Tà fo' yà'a pwe', ŋgòkè yə bwema sə wèŋ, nə ja'a də wo sə gù vale.>>

³⁷ Bə̀nabà à dzəm də bə Jon Mak wèeŋ lo bə̀bɛ'.

³⁸ Pol tsərə ye duk də ka ve'nə yəyərè yeŋ. Də bùusè nà' ànə me'rə wo mvwe' nzeŋgòn Pàmfiliyà, nə bwi lo yuye ŋga fàk ka ntòme.

³⁹ Bə̀ nà' à kùəm fo' tètè swɛ'lə lis fana, wo ga'a. Bə̀nabà à jə Mak, bə̀ nà' ni ŋgwes ŋgòlòmwe' lak Sə̀prò.

⁴⁰ Pol jəŋ ye Silàs, bə̀ nà' lo yàwo sè'. Bwema sə à fa yi bohòTà bə̀ bònəm ye ŋgòjə ŋkərə bohònà'.

⁴¹ Yi à lòmwe' nzeŋgòn Siriyà bə̀ Silisiyà nə sə tip gũsə bùu cos sè fo' sə.

16

Timatì Yù Pol Bə̀ Silàs

¹ Pol à sə lòmali, nə kə dzeŋ Debè bə̀ Listà. Nwè nəmòk nè yi à sə yùgè mandzè Jisòs à ye fo' nè wo togè yi də Timatì. Ma ye à ye ŋwà Jus nè yi à sə yù mandzè Jisòs sè'. Tè' ye à ye ŋwè Gris.

² Bwema sè mvwe' lak Listà bə̀ Akonòm pwe' à sə cèp duk də Timatì ŋwè nè bə̀bɛŋ.

³ Pol ànə dzəm də bə Timati lo fana yi kom fa nà' tu mbəmbam. Yi à gù vɛ'nə bùusè bùu Jus sè wo à ye mvwe' lak yà'sə pwe' à rì də tè'ε Timatii ηwè lakmvum.

⁴ Mvè'nə wo à sə lòo, wo dzèη mvwe' buk lak nè fòpwe', wo tsok fa yà'wèη bum sè ngàa ntum nə ye bù ηkwàha bwìη sè wo cu Jòrosalèm wèη à dzəm tes bə zeη mvwe' mò'fis sə. Wo tsoho fa bùu sə də yà'a noηsə dzədzəə yà'sə bèboη.

⁵ Fana bùu cos à gɹ ghaha lòmantombi bə bum sè wo à dzəm tse' yà', nə sə yam lo mantombi nùumbu pwe'.

⁶ Anə geη wo yuη ca mok mvwe' ndùrə ηgòoη Frijiyà bə Gàlesiyà bùusè Yòηsè nè Rərəη nə à ka wo mandzè co wo tsoho ncèp nə mvwe' nze Esiyà fa.

⁷ Wo à kè dzèη mvwe' ndùrə ηgòoη Misiyà fana wo lap mandzè duk də wo lo mvwe' nze Bitiniyà. Yòηsè Jisòs à ka wo mandzè nè ηgòlòma nà'nə fa.

⁸ Wo ga'a nə lo mok tètè nə ca mvwe' nzeηgòη Misiyà, nə tsoη lo sə Truwà.

⁹ Nùumbu ànə à ye, Pol ye nooη lo. Yi ye ηwè nəmòk nè mvwe' nzeηgòη Màsìdoniyà nga nà' tə, nə sə ləη yi duk də, <<Vè mvwe' nzeηgòη Màsìdoniyà, nə kə tesə ves!>>

¹⁰ Pol ànə ye nsàp lo ènə fana, ves fəhɹ ηgòye'e lo Màsìdoniyà anə.* A ye vɛ'nə bùusè

* **16:10 16:10** Nwè nè yi à còm ηwàk ènə yèto nga'a fəη ηgòduk də, <<vès>> bùusè yi à be'lə bə Pol mvwe' lak Truwà bə nà' sə gi mok mvwe' mò'fis.

vès à tsərə sə ntuu vès duk də Nwì to ves ngòkè
tsòho fa bùu sè fo' sə wèŋ Ntirè nè Bèboŋ nə.

Lidiyà Bə Bùu Mok Wèŋ

A Dzəm Jisòs

¹¹ Vès à mè'rə fo', nə ni ngwes, nə to yak lo
rərəŋ mvwe' lak Sàmòtirès. Tsok à rəŋ vès lo
mvwe' lak Nàpolis.

¹² Vès à mè'rə bwì fa'nə, nə lo mvwe' lak Filìpi.
Bùu Rumà wèŋ à sə cu mvwe' lak yà'sə wo.
Nà'nə ntəm lak nè nà'à yèto mvwe' nzeŋgòŋ
Màsìdoniyà yi. Vès à cu fo' nùumbu ŋkùuŋntèŋ.

¹³ Nùumbu dzè à dzèeŋ, vès tesə mɔ ntòlak anə,
nə lo mà ŋu ndzəp. Vès à sə tsərə də vès nə
ye mvwe' sè bùu Jus wèeŋ gùgè pìriyà fo'. Vès à
cu nze, nə sə taŋ ves bèba sè wo à kè benə fo'.

¹⁴ Nwà nəmòk nè yi à yuk yusè vès à sə cèp
sə à ye Lidiyà. Lak nwà ènə à ye Tiyatirà. Yi à
sə sèeŋ cèək sè nteŋ gugun, sè bèbaŋ zènə zènə
yà'a. Yi à ye nwà nəmòk nè yi kùksəgè Nwì. Tà
Nwì à mùk ntəm ye yi yu'rə yusè Pol à sə cèp
fana,

¹⁵ yi bàptesə bə bùu sè mɔ nda'à yi pwe'. Yi to
ves nə də a ye-a ŋga vès riŋ-a zìnə duk də yi a
dzəm bohòTà fana vès və, vesiwèŋ kə cum nda'à
yi. Yi à tà' tə mègù vè'nə tètè vès dzəm fa yi.

Mɔ Ndapndzəmè Mvwe' Lak Filìpi

¹⁶ Nùumbu nəmòk à ye ŋga vès sə lo mvwe' sè
wo gùgè pìriyà fana vès kərə bə mɔnwà nəmòk.
Mɔnwà nə ànə ye ŋkwèŋ. Yi à tse' yòŋsè nè bɔp
ndzə ni'ì yi. Yòŋsè nə sə gu yi, yi sə tsoho bum
sè yà' cu ntòmantombì. Yi à sə tsòho vè'nə, wo

sə lak yi mbàm. Yi à sə kap fa bùu sè wo à tse' yi sè wèŋ mbàm wùriŋ.

17 Yi à yù lòves Pol wèŋ. Yi sə gurə duk də, <<Bùu yè'e wèŋ ngàa fàak Nwì nè yi Nwì nè ghaŋ nə. Wo sə tsòho fa wèŋ mvè'nè aco wèŋ tse' lùŋ.>>

18 Yi à gùhu ve'nə mənə nùumbu ŋkùuŋntèŋ, tètè ntum à yaŋ Pol yi jok. Fana Pol bùuŋ cep bohòyònsè nə duk də, <<Mù sə cep mənə ŋaŋ liŋ Jisòs də wu tesə ndzə ni'ì yi anə.>> Yòŋsè nə à tesə ndzə ni'ì yi anə sè' ghà nà'nə.

19 Mvəsè bùu sè wo à tse' nà' sə à yə də mandzè mbàm àwo loho laŋ, fana wo tap ko Pol bə Silàs. Wo soŋ jəŋ lo yà'wèŋ mu nteèŋ mvwe' sè wo sakgè nzak.

20 Wo jəŋ və yà'wèŋ bohòbùu ngàa sak nzak bùu Rumà wèŋ. Wo tsok fa yà' duk də, <<Bùu yè'e, wo bùu Jus, nə sə fa ŋgə' mu ntòla'à vès.

21 Wo sə tsòho bum lak sè lùk avès sə kà ve'nə dzəm. Vèes bùu Rumà fana kaco vès dzəm yà' yeŋ.>>

22 Kwe' bù nè wo à ye fo' nə pwe' à be'lə ngòfa Pol bə Silàs ŋgə'. Ngàa sak nzak sə wèŋ à sàrə wes fa Pol bə Silàs cək mu ni'ì pwe', nə fa ŋəŋ duk də bwiiŋ ləp yà'wèŋ bə ŋkwès.

23 Wo ànə ləp jamsə wo bəboŋ fana, wo kə nisə wo ndapndzəm. Wo tsok fa ngà kùk ndapndzəm nə də nà'a lok yà' bəboŋ.

24 Mvè'nè ngà kùk ndapndzəm nə à yuk ncèp ènə fana yi gesə yà' bə rum nè mütsetsə'rè, nə so fa yà'wèŋ ruk.

25 A kè dzèŋ co nè ntəntum tsok fana, Pol bə

Silàs sè gù pìriyà, nè sè yəm fa Nwì ñkì. Bù ngàa ndapndzəm mok sè wèŋ sè yu'rə.

²⁶ Wo yuk-à, ndapndzəm nè tsoho bə kùum sè pwe'. Nà' tsoho nsàp nè bə jòn. Ncùu sè muhu ca sè' jwaŋ. Kwaŋ ngàa ndapndzəm sè pwe'fo' fweenj gbə sè nze.

²⁷ Ngà kùk ndapndzəm nè à yèəŋ lòkok, nè ye nga ncùu sè nòto. Yi tsəm duk də ngàa ndapndzəm sè wèŋ tesə lòwes laŋ. Fana yi soŋ cok fis fèk ye də yi zə ni' ye.†

²⁸ Pol gham nà' nsàp nè co ñgì loho yi, nè sè duk də, <<Kà ni' yòwà bəpsə, vès cu fənə lònŋ! >>

²⁹ Ngà kùk ndapndzəm nè à to də wo jəŋ və fa yi laàm. Yi caŋ ni mbwa, nè kə gbə noonj ñgə ni'i Pol bə Silàs sè nze, nè sə kaŋ jìkìjìkìk.

³⁰ Fana yi fis yà'wèŋ sè mbiŋ. Yi fek wo duk də, <<Tà wèŋ, aco mù gə yè'sə yà ñkuŋ ya mɔ tse' lùŋ ɛ?>>

³¹ Wo duk fa nà' də, <<Dzəm bohòTà Jisòs ya wu nè tse' lùŋ, wù bə ndap yòpwe'.>>

³² Wo tsoho fa nà' bə bùu sè mɔ nda'à yi pwe'fo' ncèp nè Tà nè.

³³ A ye sè' ghà nà'nə bə ndzəm nà'nə ngà kùk ndapndzəm nè à jə wo, nè kə cuk fa wo mwwe' awo sè làaŋ pwe'fo'. Yi bə ndap ye pwe' à bàptesə kè' mò'fis.

³⁴ Yi jəŋ lo Pol bə Silàs mɔ nda'à yi, nè fa yà'wèŋ beŋ də yà'a zɔ. Yi bə ndap ye nè pwe' à rwiŋ bə kwəkwa, bùusè wo a dzəm mok Nwì.

† 16:27 16:27 A sè ye nga ngàa ndapndzəm tesə bisə na wo nè zə ngà kù' ndapndzəm nè mandzè nè bə ñgə'.

³⁵ Tsok ànə rɛŋ, nè zəzòŋ fana ŋgàa sak nzak bũũ Rumà wèŋ tum vesə dògari. Wo fa yà'wèŋ ñàŋ duk də yà'a kə tsok də wo me'rə bũũ yà'sə wèŋ wo lo.

³⁶ Ngà kùk ndapndzəm nə à kè tsè' fa Pol duk də, <<Ngàa sak nzak sə wèŋ fa vèsə ñàŋ də wo me'rə wɛŋ Silàas lo. Aco wèŋ lo yu awèŋ bə ffi.>>

³⁷ Pol duk fa dògari sə wèŋ də, <<Wo a ka nzak àvès sè' sak lok fana wo ləp ves mʉtsətsə'rə bwɛŋ jì njo ŋga vès tse' ñàaŋ sè bũũ Rumà wèŋ tse'. Wo a nisə ves ndapndzəm, nə sə dzəm də wo me'rə swihi ves swihi. Kwe'fò, anə kà vɛ'nə fàk.‡ Ngàa sak nzak bũũ Rumà sə nə və tsooŋ fɛɛŋ bə tu awo, ŋkuŋ nə fis me'rə ves.>>

³⁸ Dògari sə wèŋ à foho lòo, nə kə tsok fa ŋgàa sak nzak sə cùu Pol sə. Wo ànə yuk duk də Pol bə Silàas bũũ Rumà fana wʉə ko wo.

³⁹ Wo lo, nə kə lɛŋ səsʉifa bohòyà'wèŋ. Wo fis yà'wèŋ mʉ ndapndzəmè anə, nə duk fa yà'wèŋ duk də aco yà' tesə mʉ ntòlak anə, nə lo.

⁴⁰ Pol bə Silàs à tesə mʉ ndapndzəmè anə, nə lo nda'à Lidiyà. A kè dzèŋ fo', wo tseŋ bwema sè wo à dzəm Jisòs. Wo tipsə gʉŋsə yà', nə lo.

17

Yusè Yà' A Ye Mvwe' Lak Tètàlonikà

‡ **16:37 16:37** A sə ye co ŋwè lak mòk nè zok bũũŋ ŋwəə Rumà. Wo à sə kà ŋwəə Rumà ndapndzəm nduk nisègè bwèrɛ ŋgà sa' nza' nə bəə fàak ye.

¹ Wo à cà mvwe' lak Amfipolis bə lak Apòlònìyà, nè dzen Tètàlonikà. Ndap pìriyà bùu Jus wèŋ à ye fo'.

² Sè' mɛ mvè'nè Pol gùhɛ ləəŋgè səsə sə fana, yi à lòmɛmvwe' ndap pìriyà nè. Yi à cu mvwe' lak yà'sə nteŋ tɛ'. Nùumbu dzè lònŋ, yi sə fenə bə bòp bù nè fo' bə bum sè yà'a ndzənə ŋwàk Nwì.

³ Yi à sə tsòho, nè sə ni tsok fa yà'wèŋ nja dək də, <<Ŋkum ŋgà gèm bwìŋ nè Nwì ànə dək də yi nè tum nè, à tse' ŋgòyə ŋgə' fana nè kpɛ, nè lɔŋ sèmok. Jisòs nè mù tsè' wèŋ liŋ ye nè'nə, yi Ŋkum ŋgà gèm bwìŋ nè.>>

⁴ Mok wèŋ à dzəm, nè be'lə lo mok ma nè Pol bə Silàs. Bòp bù nəmòk wùriŋ sè wo à ye bù lakmvum, nè sə kuksə Nwì, à dzəm sè'. Bèba mok wùriŋ sè wo mantombi à dzəm sè'.

⁵ Bùu Jus wèŋ à yè ŋgòwa də bwìŋ sə dzəm vɛ'nə bùu yà lɛ? Fana wo lo, nè kə to benə ŋgàa gha' ŋgòŋ sə mandzè mvwe' mò'fis. Nà' à ye kwe' nè ŋgògù lak sə curə nèbɛp. Wo kə ni lap ndap ŋwè nəmòk nè liŋ yee Jasòn. Wo à sə lap mandzè nè də wo ye Pol bə Silàs mbwa, nè jəŋ lo yà'wèŋ mvwe' kaŋsurù.

⁶ Wo à ka yà'wèŋ ye, fana wo soŋ jəŋ lo Jasòn nè bə bwema mok sè wo à dzəm Jisòs, nè kə fa bohòbùu ŋgàa sak nzak sə mvwe' ntum lak ànə. Wo gurə, nè sə dək də, <<Bùu yè'e wèŋ sə gù fana ŋgə' sə tesə ma nè fòlòŋ. Wo nè vè nè ŋga'a mvwe' lak yàvès sè'.

⁷ Jasòn ko noŋsə wo mɛ nda'à yi. Wo pwe', nè mò'fis kà lùuk ŋkum àvès nè ghaŋ nè mvwe' lak

Rumà sè nòṣègè. Wo sè cèp dè ṅkum mòk cu fe'lè nè liṅ yee dè Jisòs.>>

⁸ Wo ànè cèp nsàp ncèp ènè, fana kwe' bù nè wo sakgè kaṅsurù bə bùu mok sè pwe' à ṅàk kè'cà maṅgəṅgèṅ.

⁹ Bùu kaṅsurù sè wèṅ à gùu, fana Jasòṅ bə bùu ye wèṅ lak mbàm sè wo kogè ṅwè, yi lak yà' ṅkuṅ wo me'rə yi. Wo lak yà' fana wo me'rə yà'wèṅ lo.

Yusè Yà' A Ye Mvwe' Lak Berà

¹⁰ Ndzəm à sèṅ ntèn, bwema sè wo à dzəm sè wèṅ tumsə lo Pol bə Silàs mvwe' lak Berà. Wo à kè dzèṅ fo', wo sè lo mvwe' ndap piriya bùu Jus wèṅ.

¹¹ Bùu sè fo' à bònèm nè ghak bùu sè wo cu mvwe' lak Tètàlonikà wèṅ. Wo à yu'rə ncèp nè bə ntum nè kwəkwa wùriṅ. Wo à sè ta ṅwàk Nwì nè nùumbu pwe' dè ya ṅga wo riṅ-a yàwo sè' duk dè yusè Pol sè cèp sè vè'nè nè zìnè àlè?

¹² Bùu sè wo à dzəm à ye cèbùè. Bàa mok sè ghaṅ bə mbəmbam wèṅ à dzəm sè' ṅga wo à ye bù lakmvum

¹³ Bùu Jus sè mvwe' lak Tètàlonikà wèṅ ànè yuk duk dè Pol tsoho ncèp Nwì mvwe' lak Berà, fana wo və, nè ye ṅgòfəəpsə fa bùu sè fo' sè mbəəp nè bəp.

¹⁴ Anè ye vè'nè ntèn, bwema sè wo à dzəm sè wèṅ jəṅ lo Pol mà ṅgə ndzəp dè yi lo. Silàs bə Timati wèṅ à mam yàwo Berà anè.

¹⁵ Bùu sè wo à sè jə lèPol sè à lètètè kə dzeṅ mvwe' lak Atèn ṅkuṅ wo bwi foho və fe'lè Berà

anə. Pol à duk wo də yà'wèeŋ kə tsok Silàs bə Timatì də yà'wèeŋ yuŋ və yi nənək.

Yusè Yà' A Ye Mvwe' Lak Atèn

¹⁶ Mvè'nè Pol à sə cu mvwe' lak Atèn anə ngòtək Silàs bə Timatì, fana ntum ye kà sə kwa lok. Yi à sə kà kwəkwa tse' bùusè yi à sə yə nga tàap bumlak co rùm rwiŋ mvwe' ntum lak ànə vɛ'ɛ dak.

¹⁷ Yi à lòmumvwe' ndap piriya bùu Jus wèŋ, nə sə cep fenə cù mbwa bə bùu Jus, nə ye bùu sè wo kùksəgè Nwì nga wo bù lakmvum sè'. Yi sə fenə mu ntɛɛŋ sè' nùumbu pwe' bə bùu sè wo və-a fo' na.

¹⁸ Yi à sə fenə mok bə cicàa səmok sè wo to wo də Èpàkurà, bə mok də Sítóèk wèŋ sè'. Mok à sə duk də, <<Ngà bùp cùu sè wà ènə sə də yi cep yè'sə yà lɛ?>> Mok duk yàwo də, <<Yi sə gù co yi sə cep bə nsàap nwii səmok sè yà' ka fɛɛŋ yeŋ.>> Wo à duk vɛ'nə bùusè Pol à sə tsòho bə liŋ Jisòs, nə ye mvəsè ngòlòkok mvwe' kpə.

¹⁹ A ye vɛ'nə fana, wo to lo Pol mvwe' kwe' Aripagù wèŋ. A kè dzèŋ fo', wo duk fa nà' duk də, wo sə dzəm də wo rɛɛŋ bə nsàp yəyè'rè nè fi nè nà' sə cèp bə zeŋ nè'nə.

²⁰ Bum mok sè nà' sə tsòho sə nsàap bum sè wo ka yà' yàwo riŋ yuk, fana wo sə dzəm ngòrì də yà'a yà'sə da lɛ?

²¹ Wo sə duk vɛ'nə nga bwe nze Atèn, nə ye bə bùu sè wo à coho və fo' vəə wèŋ pwe' à sə dzəmgè ngòcuuŋ, nə sə yu'rə, nə sə tsoho nzu sè wo yu' tsə yà' ghà nə.

22 Pol à lòkok təŋ mʉtsə mʉwe' kwe' Aripagù wèŋ nə. Yi duk fa yà'wèŋ duk də, <<Wèŋ bùu Atèn, mù sə ye də wəŋ fa ntəm awèŋ bohònwii awèŋ wùriŋ.>>

23 Ye də mù sə tsə' ve'nə bùusə mù ànə sə gi ca, nə sə kək ja'a ke'ca bum sə wèŋ kùksəgè yà', fana mù ye kàm mòk nè wo còm mbwa duk də, <BohòNwì nè wo ka yi riŋ.> Mù sə tsə' reŋsə fa wəŋ yè'e yi nè wèŋ a sə kùksə yi ŋga wèŋ ka yi riŋ nə.

24 Nwì nè yi à gù nzeŋgòn, nə ye bə bum sə yà'a ca pwe', yi Tà nè mubu bə nè sə nze yi. Yi kà mənə ndap sə wo ci fa nwì wèŋ yà' bə bo cugè.

25 Ka də yi sə jamə yu səmok sə' də aco ŋwè gu fa yi sə' yeŋ. A ve'nə bùusə a yi nè yi fagè bwìŋ pwe'fo' yòŋsə, nə ye bə yà lòŋ sə bwìŋ dzəm yà'.

26 Yi à gù fis nsàap bùu sə wo zəzok sə wo cu mʉ nzeŋgòŋ fəŋ pwe' ndzənə ŋwè nè mò'fis. Yi à gəpsə ndərə ŋgòn sə də nsàp bù nè'e nə cum fəŋ bə fa' yi. Yi à fùhʉ fa bòp lak nè fòpwe' mʉvək nje ŋgòcu sə' yi.

27 Yi ànə gu yè'sə ve'nə ya bwìŋ lap yi. Də mʉvè'nè wo sə lap yi, kàmòk wo nə sə lap ghasə ke'cà yi, fana nə ye yi. Nwì ka ye səsap bohòvesùwèŋ le yeŋ.

28 ŋwè nəmòk à duk də, <A cugèə, nə sə cum ŋwəm, nə sə gihi ke' yè'sə bə ŋàaŋ sə ye.> Yà' mègù sə' mʉ mʉvè'nè ŋgàa còm ŋwàk awèŋ mok à còm duk də, <Vèes yàvès sə' bwe ye.>

29 Nə yeè nə duk də, mʉvè'nè vesùwèŋ bwe Nwì, a kà də vesùwèŋ tsərə də yi səsə co yumok

sè bwìŋ a jə ŋkərè àwo ŋgògù bə nteŋ kè līs àlɛ tsərè.

³⁰ Yusè bwìŋ à sə gù mantombì ŋga wo ka riŋ fana, Nwì a jə càsə yà'sə pwe' co yusè wà. Nè ŋga'a nè'e fana yi sə cèp bohòndaaŋwè nè yi fòpwe' ŋgòkupsə, nè bwi fa bup ye ŋkwèŋ.

³¹ Yè'sə vɛ'nə bùusè yi a fùhɯ nòŋsə nùmbu nè yi nè sak nzeŋgòn nè pwe'fo'. Səsak ènə nè ye bə zìnə. Yi nè sak bə cùu ŋwè nè yi a cok nòŋsə nà'. Yi a nìtsè' duk də yè'sə zìnə bə mandzè nè də yi a lòkoksə ŋwè ènə mvwe' kpɯ.>>

³² Pol ànə cep ncèp nè də ŋgòlòkok mvwe' kpɯ fana bùu sè wo à sə yu'rə sə ga'a bòp ba. Mok à sə ywì'lə yi co ləm, fana mok duk yàwo də, wo sə dzəm ŋgòyuk mali yà' sèmok.

³³ Fana Pol me'rə mvwe' kwe' nè.

³⁴ Bùu mok à be'lə ma nè nje, nè dzəm bohòjisòs. Mòk nè yi à ye mɯŋgorè bùu sè wo à dzəm sə wèŋ à ye Diyonisù, nè yi à ye ŋwèə kwe' Aripagù nè. Nwà mòk à ye sè' nè liŋ ye Dàmaris, nè ye bə mok wèŋ sè'.

18

Yusè Yà' A Ye Mvwe' Lak Korè

¹ Ghà nè Pol ànə cep mesə mɯ kwe' Aripagù anə, fana kà mok sàp yi yè'e nè lo mvwe' lak Korè.

² À kè dzèŋ fo', yi tseŋ ŋwè Jus mòk fo'. Liŋ ye à ye də Akwilà. Wo à dzə yi mvwe' lak Pòŋtòs. Nwè ènə bə ŋgwe ye Prìsiliyà à mè'rə nzeŋgòn Itali, nè və fa'nə sè' ghà anə, ŋga ka ntòsàp. Wo ànə yè'e və bùusè ŋkum Rumà nè wo à sə to yi

dùk dè ñkum Kladiyòs à dùk dè bùu Jus sè wo cu mvwe' lak Rumà pwe', wo lo. Pol ànè kè ye wo.

³ Bè yà'wèñ à sè cu mvwe' mò'fis bùusè wo à sè gù sè' nsàp fàk nè mò'fis. Bè yà'wèñ à sè gùhù sèen nsàap tàp mok, wo to yà' dè teèn, nè sè ko mbàm fo'.

⁴ Nùumbu dzè à sè ye pwe', Pol lo mənə ndap pìriyà bùu Jus wèñ. Yi sè lo mbwa ñgòkè fenə nè cep rɛɲsə bum bə bùu Jus nə ye bùu Gris wèñ dè yà'wèñ rìñ dè yusè yi sè cèep sè zìnə.

⁵ Ghà nè Silàs bə Timatì ànə me'rə və nzenɡòn Məsìdoniyà, nè kə tseñ Pol, fana yi me'rə bo fàak ye sə, nè sə tsoho megu ye mok ncèp nə. Yi sə tsoho fa bùu Jus wèñ dùk dè, Jisòs nə Ñkum ñgà gèm bwìñ nè Nwì à dùk dè yi nə tum nə.

⁶ Wo beñ yusè yi sè cèep sè, nè to kɛ'ca liñ ye bup, fana yi satop sè' nèbup, nè sè kɛ'sə mak mfəm fə sè ndzənə cèək ye. Yi sè cep bohòyà'wèñ dùk dè, <<Wèen bisə-a, wèñ beñ tu awèñ. Bo yàm ka ca yeñ. Ye jəñ nè ñga'a nè'e nè lo mantombì, mɛ nè sə tsoho fa ncèp nə mok bohòbù lakmvum.>>

⁷ Yi à ye'e, nè sè kə cum mənə ndap ñwè nəmòk nè liñ ye dè Titiyòs Jostòs. Ñwè ènə à ka ñwè Jus yeñ, nè sè kuksə Nwì. Ndap ye nə à tə kəp lògù ñgu ndap pìriyà bùu Jus wèñ vè'.

⁸ Ñwè nəmòk nè yi à ye ñwè nè mantombì mənə ndap pìriyà bùu Jus nə, nè liñ ye à ye Kripòs, à dzəm bohòTà Jisòs bə ndap ye pwe'. Bùu səmok sè' sè mvwe' lak Korè anə ñkùuñntèn à yuk ncèp nè Nwì nè sè', nè dzəm, fana nə baptesə.

⁹ A ye nùmbu mòk nè ndzəmè Pol ye lo, fana Tà Jisòs tsok fa yi ndzənə lo sə duk də, <<Kà də wu wəp duk. Sə tsoho mali, nə kà teŋsə.

¹⁰ Bəsè mü tə vesù. Nwè nəmòok nə kà mandzè nè ngògù wu bup tse'. A ve'nə bùusè bwiiŋ mvwe' ntəm lak ènə nkùuŋntèŋ sè wo bùu am.>>

¹¹ Anə ye ve'nə, Pol cum fo' nkà'ngòn mò'fis bə bwes. Yi sə yə'rə fa bùu sè fo' sə ncèp nè Nwì.

¹² Ghà nè wo ànə koksə Galiyòdè yi Govənòmvwe' nzeŋgòn Gris nə fana bùu Jus wèŋ kum ni', nə ko lo Pol mü kot bohòyi.

¹³ Wo duk də, Nwè nè'e yi sə ləp mandzè ngògù də bwiiŋ sə koksə Nwì nsàp mandzè nè lùk sə kà ve'nə duk.

¹⁴ Pol à sə də yi muk cù ngòcèep, fana Galiyòduk fa bùu Jus sə wèŋ duk də, <<Anə ye-a duk də nwè ènə fèŋ yumok bwèrɛ mü ko ntəm nə yu'rə fa wèŋ bəboŋ.

¹⁵ Fana wèŋ sə jə vè fa mü nzak ncèep cù, nə ye bə liŋ bum awèŋ sè wèŋ toho ke'càgè yà', nə ye fe'lə bə lùuk awèŋ wèŋ. Mü nə kà yàm yà'sə sak, wèŋ du, nə kə sak yà' sə wèŋ.>>

¹⁶ Yi bə' fis yà'wèŋ mü kot anə.

¹⁷ Wo pwe' à kè ko nwè nəmòk nè liŋ ye à ye də Sostinì. Yi à ye nwè nè mantombi mənə ndap pìriyà bùu Jus wèŋ nə yi. Wo à ləp yi sə ntombi kot nə. Galiyòkà mbeŋ nè mbeŋ kom lok.

Pol Bwì Foho LòMvwe' Lak Antiyòk

¹⁸ Pol à cu mali bə bwema sè wo à dzəm sə wèŋ mvwe' lak Korè anə mənə nùmbu nkùuŋntèŋ. Anə geŋ, yi bə Prìsiliyà nə ye Akwilà wèŋ me'rə

bwema sə, nə kə ni ɲgwes nè nà' à sə lòmvwe' nzenɲòn Sìriyà. A kə dzèn mvwe' lak Sèncerì yi su tu ɲgòkè nìɲ də yi rusə kəkàk ye nə laɲ.

¹⁹ Wo à kə dzèn mvwe' lak Efesò, fana Pol bə Prìsiliyà nə ye Akwilà wèn ga'a fo'. Yi lo ye sə mɛ ndap pìriyà bùu Jus wèn, nə sə kə ce'e fenə mbwa bə bùu Jus sə wèn.

²⁰ Wo à duk yi duk də bə yà'wèɲ cum fo' səsap ntèn, fana yi kà dzəm.

²¹ Mvè'nè yi à sə lòsə, yi duk fa bùu sə wèn duk də, <<A ye-a ɲga Nwì fa ɲàɲ, fana mù bwi və fe'lə sèmok, nə kə ye wèn.>> Yi à cèp wes vè'nə, fana yi ni ɲgwes, nə lo yuye.

²² Yi à kə wès mvwe' lak Sisàriyà, nə ca lo Jòrosalèm, nə kə cepsə bùu cos nè fo'. Yi à cepsə wes yà'wèn, fana yi ye'e lo mvwe' lak Antiyòk.

²³ Yi ànə cum fo' ghàr, fana yi lo nə ca mvwe' nzenɲòGàlesiyà bə Frijiyà, nə sə tipsə ɲɲsə lo bù ɲgàa yù mandzè Jisòs pwe'fo'.

ApolòTsòho Ntirè Nè Bèboɲ Nə Bə ɲàɲ

²⁴ ɲwè Jus mòk à ye, wo to yi də Apolò. Yi à vè, nə sə cum mvwe' lak Efesòɲga wo à dzə yi mvwe' lak Alèsandiriya. Yi à rì ɲgòcèp bònse cù, nə riɲ ɲwàk Nwì sè' nèbɛp.

²⁵ Yi à ye ɲwè nè wo à tsè' rɛɲsə fa yi mandzè nè Tà Jisòs. Yi à fa ntəm ye pwe' ɲgòsə cèp, nə sə yè'rə fa bwiɲ bum sè yà' sə kùm liɲ Jisòs pwe'fo' zìnə. Yumok ye lələ sè', nè duk də yi à rì mègù bàpte nè Jon.

²⁶ Yi à sə cèp mɛnə ndap pìriyà bùu Jus wèn, nə kà wəə koksè lok. Prìsiliyà bə Akwilà à yuk

mvəsè yi à sè cèp, fana wo to lo yi nda'à wo. A kè dzèṅ fo', wo tsoho rɛɲsə tsə'rə wesə fa nà' mandzè Nwì yəyərè.

²⁷ Anə geṅ, Apolònə duk də yi dzəm ṅgòlòmṽwe' nzeṅgòṅ Gris, fana bù ṅgàa yù mandzè Jisòs mṽwe' lak Efesòwèṅ tesə yi bə mandzè nè də wo à còm tipsə gèsə lòbwema sè mṽwe' nzeṅgòṅ Gris sə wèṅ ṅwàk duk də Apolòo kè dzèṅ, yà'wèṅ jəṅ nà' bəbɔṅ. Yi ànə kə dzeṅ, fana bum sè yi à sè cèp yà', à tesə bwema sə wèṅ wùriṅ. Wo ànə dzəm bùu bònəm nè Nwì nə.

²⁸ Mvè'nè yi à sè cèp bə ṅəṅ wùriṅ sə, fana bə bùu Jus wèṅ fenə, yi ghak yà'wèṅ mṽ lisè bwìṅ jəja. Yi sə taṅ fis ndzənə ṅwàk Nwì duk də Jisòos Nkum ṅgà gèm bwìṅ nè Nwì à duk də yi nè tum vèsə nə.

19

Pol Mṽwe' Lak Efesò

¹ Apolòànə ye mṽwe' lak Korè, fana Pol gi ca mṽwe' ntònzeṅgòànə, nè kə dzeṅ mṽwe' lak Efesò. A kè dzèṅ fo', yi ye bùu mok sè wo à sə yù mandzè Jisòs.

² Yi fek yà'wèṅ duk də, yà' ànə tse' Yòṅsè nè Rərəṅ nè ghà nè yà'wèṅ ànə dzəm Jisòs laṅ àlɛ? Wo duk fa yi duk də, <<Vès ka yàvès liṅ yumok duk də Yòṅsè nè Rərəṅ yuk yuk.>>

³ Pol fek fe'lə wo də, <<Anə geṅ wèṅ bàptesə nsàp bàpte yà?>> Wo də ànə ye bàpte Jon.

⁴ Yi tsok fe'lə fa yà'wèṅ duk də, <<Bàpte Jon ànə ye də a bàptesə bùu sè wo à kupsə ntum bə bup awo sè wo à sə gùu. Yi Jon nè à tsòho fa bùu

Izùre wèŋ də yà'wèŋ dzəm bohòŋwè nəmòk nè nà' sè vè maŋkwèeŋ yi. Nwè nè yi à sè duk də wo dzəm nà' nè à ye Jisòs.>>

⁵ Wo ànə geŋ də wo yuk ve'nə, fana wo bàptesè fe'lə sèmok mənə liŋ sè Tà Jisòs.

⁶ Pol naaŋ fa yà'wèŋ bo, fana Yòŋsè nè Røreŋ nè vè bohòwo. Wo sè cep ncèep lak mok sè bwìŋ ka yà' riŋ, nè sè tsoho bum mok sè Nwì à sè tsè' fa wo.

⁷ Wo à ye lòoŋ fo' co bwìŋ hum-ncòp-ba.

⁸ Pol à lòmumvwe' ndap pìriyà bùu Jus wèŋ. Mənə ŋwɔ tɛ', yi sè cep bə bùu sè wèŋ, nè kà wəp lok. Yi à fenə bə yà'wèŋ, nè sè lap mandzè ŋgògù də wo dzəm də yusè yi tsè' fa yà'wèŋ bə gaŋ ŋkum Nwii zìnə.

⁹ Fana mok wèŋ gɔŋ tu nè kà dzəm. Wo cep bum sè bɔp bə ma nè Tà Jisòs ŋga kwe' bwìŋ sè yuk pwe'. Pol jəŋ bùu sè wo à sè yù mandzè Jisòs sè bə yà'wèŋ lo. Nùumbu pwe' bə yà'wèŋ sè kə cep bum mùm vwe' ndap mòk nè ghaŋ nè Tìranù à tse' nà' yi.

¹⁰ Wo à sè gùu ve'nə tètè kə dzeŋ lùumŋgòn ba. Fana bùu sè wo à cu mvwe' nzeŋgòɛsiyà, bùu Jus bə sè wo bù lakmvum wèŋ pwe' à yuk ncèp nè Tà Jisòs.

Bwe Sivà

¹¹ Nwì à sè gù càsə nsàap maŋgəŋgèeŋ mok sè yà' à ka ve'nə ye yuk ndzə bohòPol.

¹² Nsàp nè co wo sè jəŋ megu mok gà cək nè yi yìsgè ndùrè bə zeŋ, nè kə jweŋ ŋgàa yiyaŋ bə zeŋ, fana wo gɔŋ. Yòŋsè sè bɔp sè tesə gesə

ndzè ni'i wo sè'. Wo à sè jè cèèk fàak ye sè yi à sè ni tse', nè sè gũ bə zɛŋ sè' vɛ'nə.

¹³ Bùu Jus mok à ye sè wo à sè gĩhi kɛ' cəa, nè sè bɛ' fis fa bwìŋ yòŋsəə sè bɔp sè'. Wo à yè ñgòmùmsə ja'a də wo sè bɛ' fis yà' bə lɪŋ Tà Jisòs. Wo duk fa yòŋsəə sè bɔp sə duk də, <<Mù cèp bə ñàaŋ Jisòs nè Pol sə tsòho nà'a.>>

¹⁴ Njwəə Jus nè ñgà fa satikà' mòk nè ghaŋ à ye nè lɪŋ yee Sivà. Yi à tse' bwe mbəmbam sàmba sè wo à sè gũhũ vɛ'nə.

¹⁵ Yòŋsə nè bɔp nè à cèp fəsə fa wo duk də, <<Mù rì Jisòs, nè rɪŋ Pol sè', a wèŋ ndà?>>

¹⁶ Njwə nè yi à tse' yòŋsə nè bɔp ndzè ni'i yi nè à ko wo nsàp ñgwap lù mok vɛ'ɛ, nè lɜ ghak wo. Wo à carə tesə mũ nda'à yi anə bə mvwe' bə mvwe'. Wo à ye sè' jì cèk ñga yà' sàha wes pwe'.

¹⁷ Bùu Jus nè ye sè wo bù lakmvum sè wo à sè cu mvwe' lak Efesòà yuk yu yè'sə pwe'. Wɔə à ko wo nèbɔp. Bwìŋ à kùksə nè sə wəp ghaha lo lɪŋ Tà Jisòs mantombì.

¹⁸ Bwìŋ wùrɪŋ sè wo à dzəm Jisòs wèŋ à tesə vè mvwe' bwìŋ, nè sə cɛp fis bɔp sè wo à gù jəja.

¹⁹ Bwìŋ ñkùũŋntɛŋ sè wo à sə fegə ñgam wèŋ à jə benə vè ñwàak ñgam awo mvwe' mò'fis, nè tɛŋ yà' ñga bwìŋ sə yə pwe'.* Wo à ta be'lə mbàam ñwàak sə pwe', yà' kə dzeŋ bàam mbàm ncùhù hum tɔŋ.

* **19:19 19:19** Ghà nè Pol ànə ye ànə fana bùu sè mvwe' lak yà'sə sè com nsàp ñgam njàwo nè ndzè ñwà'a. Yà'a nsàp ñwàak sè wo à benə, nè tɛŋ sə.

20 Njo bum sè yà' à sè gu wùriṅ yè'sə fana, ncèp nè Tà Jisòs nè à sè yuhu lòmantombi, nè sè yam guṅ ghaha ghaha.

Bùu EfesòWèṅ Jə Və Ngə'

21 Ghà nè bum yè'sə ànə ca wes me ve'nə pwe', fana Pol də yi nè lo gi. Yi duk də yi nè ca mvwe' nzenḡon Məsìdoniyà bə Gris, nè kə dzen Jòrosalèm. Yi duk sè' duk də yi kə cu fo', fana yi kə dzen mvwe' lak Rumà sè'.

22 Anə ye ve'nə, fana yi tumsə lo Timatì bə Èratòs mvwe' nzenḡon Məsìdoniyà. Bùu sè ba yè'sə à ye bùu sè wo à sè tesə ke'cà yi bə bum. Yà'wèṅ à lòo, yi sè cum mali ye sè mvwe' nzenḡòEsiyà ḡkuṅ.

23 Nè'e ḡga'a mvək nè ḡkəḡkes ḡḡə' mòk nè bup à tesə mvwe' lak Efesòanə njo mandzə ma nè Tà Jisòs.

24 Ngà tenlām nəmòk à ye nè liṅ ye à ye də Dìmàtiròs. Yi à sè tèṅ fù'rə bum mòk co ndap mòk nè ghaṅ nè nà' à ye ndap nwì nəmòk, nè wo togè nwì nè də Dìyanà. Yi à gù nà' bə nten nəmòk nè wo togè nà' də siva. Yúsə yi à gù sè à sè jə və fa bùu sè wo à sè fàak sè wèṅ swe' wùriṅ. 25 Anə geṅ, yi to benə yà'wèṅ pwe' mvwe' mò'fis. Yi to bə bùu sè mok sè nsàp fàak awo sè' co sè mok wèṅ sə. Yi duk fa yà'wèṅ duk də, <<Bùu am, wèṅ rì də vesùwèṅ tse' mègù mbàam yàvès bə nsàp fàk nè vesùwèṅ gùḡè nè'e.

26 Fana aco wèṅ yuk nè ye yà'wèṅ bə lis awèṅ sè' nsàp yu nè ḡḡà' nè wo to yi də Pol nè'e sè gùu. Yi sè tsòho ke' fa bwìṅ duk də, nwìi sè bwìṅ gù

yà' bə bo ka nwì yeŋ lok nè kè' mò'fis. Bwìŋ a bùuŋ, nə dzəm ncèp ye nə wùriŋ. Bùu sè wo dzəm ncèp ye nə, wo mvwe' lak Efesòfenə, nə ye bwì ma nè ghaŋ mvwe' nzeŋgòɛsiyà pwe'.

²⁷ Yusè mù sə yə, a də yà'a nə jəŋ və ŋgə'ə də fàak avès yè'sə nə tse' liŋ sè bəp. Nə sə yəəŋ nə sè' duk də ndap nwì avès nè ghaŋ Dìyanà nə kà fàk mok sè tse' fe'lè. Mvəsè wo jəgè yi co yu nè yum, yè'e nə bəp. Nga yi nwì nè bùu ɛsiyà pwe' nə ye bə nzeŋgònə pwe'fo' kùksə mègù yi.>>

²⁸ Mvə'nè kwe' bù nə à yuk ncèp ènə, fana ntum yaŋ wo. Wo jək, nə ye ŋgòfurə duk də, <<Dìyanà nè mvwe' lak Efesòo nwì nè ghaŋ.>>

²⁹ Mfuŋ à lòbə ntòlak nə pwe'. Bùu sə wèŋ tap ko bùu səmok ba sè wo à sə gìgè bə Pol, nə jəŋ lo wo mvwe' nzùè nè bù lak sè fo' sə kə benəgè fo'.† Bùu sè ba yè'sə, à ye Gayòs bə Aritakò. Wo à ye bwe lak mvwe' nze Màsìdoniyà.

³⁰ Pol à dzəm də yi lo ŋgòkè teŋsə bùu sə wèŋ bə tu ye, fana bù ŋgàa yù mandzè Jisòs wèŋ kà vɛ'nə dzəm.

³¹ Nge'e Pol mok sè wo à yə bùu sè ghaŋ mvwe' lak yà'sə wèŋ à tum fa yi ntirè. Wo à tirə fa nà' duk də, <<Kwək wè', kà si yo mvwe' nze ènə kè nì vèsè.>>

³² Bum yè'sə ànə ye co kwe' awo nə sə jam jamə vɛ'ɛ. Bòp bù mòk à sə fu sè' yusè zok, ma mòk sə fuŋ sè' yusè zok. Anə ye vɛ'nə bùusè bòp ma nè ghaŋ à ka yusè yà' à jə benə vè wo fo' sè' riŋ.

† 19:29 19:29 Nzùè nè wo kə benəgè fo' ènə wo à bom kò' fo' bə mbùk, bə mbùk. Wo à sə ŋàhagè nsàap jap fo' ŋkùuŋ.

33 Nwè nèmòk à ye fo' nè liṅ ye à ye dè Alèsandà, fana bùu Jus wèṅ tes yi mantombi dè nà'a cep fa wo. Alèsandà gù bo dè bwiiṅ teṅsè cù, ya yi taṅ njo mʉtsətsə'rə bwiiṅ.

34 Bùu sè wèṅ ànè ye riṅ dè nà'a ḡwèṅ Jus, fana wo pwe'fo' sè fuṅ benè megu mok yusè mò'fis. Wo à sè furə duk dè, <<Diyanà nè mvwe' lak Efesò nwi nè ghaṅ.>> Wo sè furə vɛ'nə tètè haṅ, nè kà nènàk teṅsè.

35 Anè geṅ, ḡgà còm bum nè mvwe' lak yà'sə à gù bùu sè wèṅ teṅsè cùu sè. Yi yeto ḡgòcèp duk dè, <<Wèṅ bùu Efesò, ndàaṅwè pwe' riṅ duk dè a nòṅsəgè ndap nè ghaṅ nè nwi Diyanà nè'e ntum lak Efesò, bə līs ye nè rərəṅ nè nà' à gbù tsə mubu.

36 Kaco ḡwè nèmòk duk dè yè'sə mvwès yeṅ. Bòco wèṅ ko tsoṅ ntum, nè kà yumok co bùu sè wo ka ḡkərə tse' gù.

37 Wèṅ jə vè bùu yè'e fɛɛṅ wèṅ, ḡga wo ka yumok mu nda'à nwi àvès yə fis. Wo ka liṅ ye sè' bupsə.

38 A ye-a dè Dimàtiròs bə ḡgà fàak ye wèṅ tse' nzak bə ḡwè nèmòk, fana kot cu yo bə ḡgà sak nzak sè sè'. Yà'a mvwe' sè co ḡwè tsok yusè yà' sə yaṅ yi bə mòk fo'.

39 Nə ye sè' duk dè ḡga wèṅ dzəm-a yumok sè zok, fana ye dè wo kə cep yà' mvwe' kwe' bù nè ghaṅ nè.

40 Bəsè yà'a nè bup bohòvesùwèṅ. Wo nè ta vesùwèṅ bèṅ bə nsàp gham cù nè ghaṅ nè nà' ye ntinè ènè. Kaco ḡwè nèmòk tsok njo mòk bəbon nè nsàp cù nè'e tesə bùu zeṅ yeṅ.>>

41 Yi ànə cep wes vɛ'nə, fana yi də wo sam.

20

Pol LòMàsìdoniyà Bə Gris

¹ Ghà nè wo ànə teɲsə ɲgògham cùu sə, fana Pol to benə bùu sè wo à sə yù mandzè Jisòs wèɲ mvwe' mò'fis. Yi à tipsə wo bəboɲ, nə cepsə wo də yi lòo, nə ye'e me'rə lo mvwe' nzeɲgòn Màsìdoniyà.

² Yi à cà mvwe' ɲgòoɲ yà'sə, nə sə tipsə bùu sə wèɲ bə ncèep cùu sè bəboɲ wùriɲ, fana nə ca lo və mvwe' nzeɲgòn Gris.

³ Yi à cu mvwe' lak yè'sə, ɲwə tɛ'. Yi ànə sə gũhũ də yi lo mvwe' nzeɲgòn Siriyà. A ye sè' ghà nà'nə nè yi à yuk duk də bùu Jus wèɲ sə lap mandzè ɲgòzə yi. Anə geɲ yi də bògha' də yi bwi foho ca mvwe' nzeɲgòn Màsìdoniyà sèmok.

⁴ Pol nə bə Sòpatà mo Piròs nè mvwe' lak Berà à lòbəbɛ'. Bùu mok sè bə yà'wèɲ à lòsè' à ye Aritakòbə Sèkudù sè lak àwo Tètalonikà. Gayòs nè lak yee Debè. Nə ye fe'lə Timati bə bùu Esiyà mok sè liɲ awo də Tìkikòs bə Tròfimù.

⁵ Wo à lòmantombi, nə kə tək ves mvwe' lak Truwà.

⁶ Vès à cu fo' nùumbu sàmba, ghà nè ɲkà'a zù brəd jì yis à càa, fana vès ni jəɲ ɲgwes mvwe' lak Filìpi. Vès à gì nùumbu tɔɲ, nə kə tseɲ wo mvwe' lak Truwà anə. Vès à cu fo' nteɲ mò'fis.

Pol Lùɲsə Nwè

⁷ Nùumbu nè tsok reɲgè ye Sondè à dzèen, fana vès benə və mvwe' mò'fis ɲgòkè zù Losopà. A

ye nè nconùm. Pol à cèp bohòbùu sè wèŋ, nè sè tsoho mali fo' tètè kə dzeŋ tsətsə'rè tsok ŋga yi sè tsòho mali. Anə ye ve'nə bùusè də tsok reŋ, yi me'rə yà'wèŋ, nè lo.

⁸ Laàm à ye mvwe' sè vès à cu kwe' sè wùriŋ. A ye mvwe' rum ndap nè ma mɔ tuhù.

⁹ Mɔwà'ŋwə nəmòk à ye fo' nè liŋ yee Iyutikù. Yi à cu ma mɔ wundù, nè sè yu'rə mvəsè Pol sè cèep sè. Mvəsè Pol à sè tsòho nè kà teŋsə tohò, fana lo ko Iyutikù nè. Lo sè sè ghaha ghaha tètè yi ànə dzəm lo sè, fana yi ye'e gbɔ tsoŋ mbwa. Yi à gbɔ tsoŋ tè bə rum nè tɛ' mɔbu kə dzeŋ sè nze. Wo à kè te' yi ŋga yi kpɔ laŋ.

¹⁰ Anə geŋ Pol suhu tsoŋ mbwa, nè kə gbɔ naaŋ nà' mɔ ni'ì. Yi firə bo, nè wumsə gesə nà' ndzə ŋgùu yi, nè duk də, <<Kà jik, yi cu ŋwəm.>>

¹¹ Fana yi bwi kok lo fe'lə mɔ mvwe' rum nè mɔ tuhù nè sèmok. Yi bək zɔ beŋ. Yi ànə cep bə yà'wèŋ səsap haŋ nùm kok, fana Pol be' mandzè nè lo.

¹² Wo à jə fəsə lòmɔwà'ŋwə nè lak ŋwəm. Wo à kwa wù kà fùk.

Pol LòMvwe' Lak Militù

¹³ Vès à ni ŋgwes, nè lo mantombi ŋgòlòmɔwə' lak Asòs. Yà'a mvwe' sè vès à ye ŋgòkə tsəŋ Pol, ya yi ni ŋgwes nè ye sè'. Yi ànə duk ve'nə bùusè də yi à sè gi lòye fo' sè kùhu.

¹⁴ Vesiwèŋ ànə kərə Asòs anə, fana vesiwèŋ ni ŋgwes mok bəbe', nè lo mvwe' lak Mitilù.

¹⁵ Vès à gi bə ŋgwes tètè tsok à reŋ, vès kə dzeŋ mvwe' lak Ciyòs. A cà gù nùmbu mò'fis,

vès lo mvwe' lak Samòs. Tsə' mok à rɛŋ bwi, vès kə dzeŋ Mìlitù anə.

¹⁶ Pol ànə dzəm də yi cà mvwe' lak Efesòsə ŋwesə ya yi kà mvək mvwe' nzeŋgòɛsiyà kə càsə. Yi à sə gù nənàk ya yi kə dzeŋ Jòrosalèm. Nə ye sə' də ŋga mandzə ye-a yo, yi kə ni kərə tsooŋ gu numbu nè bùu Jus wèŋ à sə bəŋsə bum.

Pol Cèpsə Nkwàha Bùu Efesò

¹⁷ Pol à cu mvwe' lak Mìlitù, nə tirə gesə lo ntirə mvwe' lak Efesòdə bù nkwàha bwìŋ mənə cos nè fo' kə tseŋ yi.

¹⁸ Wo ànə kə dzeŋ, fana yi duk fa yà'wèŋ duk də, <<Wèŋ rì nsàp ncu àm nè mù à sə cu ghà nè mù à ye vesùwèŋ. Ye jəŋ numbu nè mù à kə nè to kù mvwe' nzeŋgòɛsiyà.

¹⁹ Mù à sə gù fàak am co ŋgà fàk Tà Jisòs, nə kà ni' sə nè. Ghà nəmòk à sə ye, mù sə fàk bə ndzəp lis sə' ŋga bum sə gu bəp wùriŋ. Yè'sə ànə ye ve'nə bùusə bùu Jus wèŋ à sə ləp mandzə də wo nisə mù ŋgə'.

²⁰ Wèŋ rì tse' sè' duk də yusə ya' à ye co yà' tesə weŋ pwe', mù à sə kà nè mò'fis swìhìgè. Yè'sə à sə ye ve'nə ghà nè mù à sə tsòho fa weŋ, nə sə yə'rə weŋ mvwe' bwìŋ bə nda'à wèŋ mwè.

²¹ Mù à sə tsòho fa bùu Jus nə ye sə wo bù lakmvum sè'. Mù sə duk fa wo duk də wo jəŋ ŋkərə, nə bwi fa bəp awo ŋkwèŋ, nə bùuŋ və bohòNwì. Nə ye sè' duk də wo dzəm tse' bohòJisòs nè yi Tà àvès.

²² Nə ŋga'a nè'e, mù sə gù tsə mègù yusə Yòŋsə nè Rərəŋ sə cèep, fana mù nə sə lònə Jòrosalèm. Mù ka yusə yà'a nə kə gu mù fo' riŋ.

23 Nè mò'fis nè mù rii duk dè, Yònsè nè Rørenj nè tsè' fa mù duk dè ndapndzəm bə ngə' sə tək mù mvwe' ntəm lak nè fòpwe'.

24 Fana yusə duk dè mù ka yònsè àm co yumok sè yà' tse' fàk bohòmù mok jəŋ fe'lə. A ve'nə ya nga mù gũ wes fàak sè Tà Jisòs nè à fa mù dè mù gũ sè. Fàak sè, a ngòtsè' rəŋsə fa bwij Ntirè nè Bèboŋ nè nà'a bòvəm nè Nwì.

25 <<Mù a gihi ke' cà mʉtsətsə'rə wèŋ pwe', nè sə tsoho fa wəŋ mvè'nè gaŋ ŋkum Nwì cu. Mù sə duk dè ŋwè nəmòok mʉtsətsə'rə wèŋ nè yi nè ye fe'lə yuk si am bùè.

26 Fana mù sə tsè' rəŋsə fa wəŋ ntirè nè'e jəja paamm, dè a ye-a nga ŋwè nəmòok bisə mʉtsətsə'rə wèŋ fana bo am kà ca ye.

27 Mù ànə tsòho fa wəŋ yusè Nwì sə dzəm pwe'fo', nè kà mòk swihì.

28 Wèŋ jəŋ ŋkərè bə tu awèŋ, nè ye bə bùu sè Yònsè nè Rørenj nè a fa nòŋsə wo ndzə bohòwèŋ. Wèŋ ye co ganakù' bohòbùu cos Nwì. Cos nè yi à gù nà' bùuŋ nje bùu nduəm mo ye nè.

29 Mù rì dè ghà nè mù lo wes yàm, fana ngàa yə'rè fa bwij bum mvwèes nè və mʉtsətsə'rə wèŋ co nàam sè bup vè wo. Wo vè co nàam sè bup ve'nə, fana wo kà wèŋ sè wèŋ a yə'rə zìnə nè mè'rè.

30 Mvèək nè vè nè bòp bù àwèŋ mòok nè sə ci' mvwès, ngòbòrè lòbùu sè wo à sə yù mandzè Jisòs ma njàwo.

31 Wèŋ sə so, nè sə tsərə tse' sè' duk dè mù à yə ngə' ŋkùuŋntèn ngòyərè wəŋ. Mù à yə'rə wəŋ pwe' bə ntəm nè manziŋ wùriŋ ve'nə nùm

bə ndzəm mənə luumŋgòŋ tɛ'.

³² Nè ŋga'a nè'e, mɛ me'rə fa weŋ ndzə bohòNwì də yi sə jəŋ ŋkərə bohòwèŋ yi, nə niŋ fa weŋ bònəm ye. Yi tse' ŋàaŋ sè ŋgògù wèeŋ kuk lo mantombì, nə se weŋ bə ghàha ye sè yi a nònşə fa bohòbùu ye sè yi à cù' rɛŋsə wo.

³³ Mù ka yu ghàha ŋwə nəmòk co mbàm-è' kè cək-è' waŋ yuk.

³⁴ Wèŋ rì yàwèŋ sè' də ves ŋge' am wèŋ a sə tse' yusə vès dzəm pwe' ŋga bo am yè'e a fà' wo.

³⁵ Mù a niŋ tsə' fa weŋ bə nsàp mandzə nè fòpwe' laŋ duk də vès tse' ŋgòfàk bə ŋàŋ məm̀vè' ènə, ŋgòtɛsə ŋgàa jì ŋàŋ. Vèes tsərə tse'gè ncèp nè Tà Jisòs à cèp bə cùu ye də, <Kwəkwa gha' cà ŋgòfa nə nonşə ŋgòjəjə.> >>

³⁶ Pol ànə cèp wes, fana bə yà'wèŋ lònŋ təŋ sə nze bə tumfərə, nə gù pìriyà.

³⁷ Wo à sə warə pwe'fo' m̀vè'nè wo sə ko wumsə gèsə yi ndzə ŋgùu wo, nə sə cèpsə yi də nà'a geŋ bə̀boŋ.

³⁸ Ntəm à rwì' wesə wo bə ncèp nè yi à cèp duk də yà'a nə kà si ye mok yə yuk fe'lə nà'a. Fana bə yà'wèŋ à tsoŋ lo mà m̀vwe' ŋgwes nə bə̀bɛ'.

21

Gì Nè Pol A Lò M̀vwe' Lak Jòrosalèm

¹ Anə geŋ, vès cèpsə wo də wo cum bə̀boŋ, nə lo yu avès. Vès à to sənə ŋgwes, nə sə lo gu rərəŋ tè vès kə dzeŋ m̀vwe' lak Kos. Tsok à rɛŋ,

vès kə dzeŋ mʋwe' lak Rodès. Vès à càsə fa'nə, nə lo mʋwe' lak Pàtarà.

² A kə dzeŋ fo', vès ye ŋgwes mòk nè nà' à sə lòmʋwe' nzeŋgòŋ Fònisiyà. Vès à ni nà', nə lo.

³ Vès à kə dzèŋ mʋwe' sè co vès ye gesə lo lak Səpròfana vès bùuŋ lo ma zɛ mʋwe' nzeŋgòŋ Sìriyà. Vès à tesə sənə ŋgwes nə mʋwe' lak Tayà. Yè'e sè' mʋmʋwe' nè ŋgwes nə à lònḡòkə fis bum sè yi à bək vè sə sè' fo'.

⁴ Vès à tsèŋ bùu səmək sè wo à sə yù mandzè Jisòs sè' fo'. Vesiwèŋ à cu nteŋ mò'fis. Wo à tsè' fa Pol bə ñàaŋ Yòŋsè Nwì nè duk də nà'a kà Jòrosalèm anə lò.

⁵ Mvək nè njàvès ŋgòcu venəwèŋ à mée, fana vès ca bɛ' mandzè, nə lo yu avès. Wo à tesə vesiwèŋ mɛ ntòlak anə pwe'fo', wo bə yep awo nə ye bwe awo sè', vesiwèŋ pwe' à kə təəŋ bə tumfərə ŋgɛ ndzəp anə mʋwe' ŋgwansa, nə gɛ pìriyà.

⁶ Fana vès cepsə ndàaŋwè pwe' də a nè yenə. Vès ni yàvès ŋgwes. Wo bwi lo yàwo lak.

⁷ Vès à mè'rə lak Tayà, fana gi àvès sə lo mali mantombi tè vès kə dzeŋ mʋwe' lak Tolemès. Vès à cepsə bwema sè wo cu fa'nə, nə cum vesiwèŋ nùmbu mò'fis.

⁸ Tsok à rɛŋ, vès yè'e sè' ŋkuŋ nə kə dzeŋ mʋwe' lak Sisàriyà. A kə dzeŋ fo', vès lo mʋwe' ndap Filip nè yi à ye fàŋgəri. Vès à nòoŋ vesiwèŋ. Yi à ye sè' mòk mʋtsətsə'rə bùu sè sàmba sè wo à cokfis wo mʋwe' lak Jòrosalèm sə.

⁹ Yi à tse' bwe wàhaŋgwèŋ kwè sè wo pwe'fo' à ka ndum tse'. Wo à sə tsòho bum sè Nwì à sə

tsè' fa wo yi.

¹⁰ Vès ànə cum fo' nùumbu ηkùuηntèn, fana ηgà tsòhòbum Nwì mòk nè liη yee Agabòs və ye sè'. Yi à ye'e vè mvwe' nzenḡòn Jùdiyà.

¹¹ Yi à kè yə ves, nə jəη korə Pol, nə swi' kùu ye bə bo ye bə zeη. Yi cep duk də, <<Yè'e yusè Yòηsè nè Rəreη nə cèp duk də, <Bùu Jus sè wo cu Jòrosalèem nə swi' ηwè nè yi tse' korə nè'e mɔ mvək nè'e. Wo swi' wes mè yi, fana wo jəη yi, nə fa bohòbù lakmvum.>>

¹² Vès ànə yuk yu yè'sə, fana vès nə ye bə bùu mok sè fo' leη Pol vɛ'ɛ də yi kà Jòrosalèm anə mok gè.

¹³ Yi cep fəsə ye duk də, <<Háva', wèη sə gù yè'sə yà vɛ'nə? Wèη sə wa, nə sə gesə fa mɔ wɔ sə ntuù bùu yà? Mɔ kəkùrè co wo kə kiη mɔ Jòrosalèm anə. A dzəm mɔ kpɔ bùu liη Tà Jisòs, yumok kà bɔp.>>

¹⁴ Mandzè nè co vès gu yi dzəm cùu avès à ye bùè, fana vès me'rə yi. Vès duk megu mok duk də, <<Bum pwe' ndzə bohòNwì.>>

¹⁵ Vès ànə casə mɔmvək mòk fo', fana vès te'e benə bum avès, nə ye'e ηgòlòJòrosalèm anə.

¹⁶ A lòbe'lə vès ηgàa yù mandzè Jisòs mok sè mvwe' nzenḡòn Sìsàriyà. Wo à jə lòves mvwe' ndap ηwè nè vès ànə ye ηgòcu nda'à yi. Liη yee Nasòη. Liη lak yee Səprò. Yi à dzəm bohòJisòs haη mantombi ntèn.

*Wo Fek Pol
Bə Nzak Lùuk Musi*

¹⁷ Vès à kè dzèη Jòrosalèm, bwema sè fo' sə wèη à cèpsə ves bèboη wùriη.

18 Tsok à rɛŋ, vès Pol wèŋ à lòŋgòkè yə Jem. Bùu ŋkwàha bùu sè mɛ cos sə pwe' à ye fo' sə nze.

19 Pol à cèpsə wo, nə tsoho fa yà'wèŋ yusè Nwì a gù yà' bə fàak sè yi à sə gùu pwe'fo'. Yusè yi à tsòho sə à ye bum sè Nwì à gù bohòbù lakmvum wèŋ.

20 Wo ànə yuk wes me, fana wo pwe' kuksə Nwì. Fana wo duk fa Pol duk də, <<Moma àvès, aco wù ye yòsè' bə lis yo. Bùu Jus lòmənə ncùhù wùriŋ sè wo à dzəm bohòJisòs, nə sə nonşə lùk Musi sè' pap.

21 Bwìŋ à tsòho fa wo yumok bə liŋ yo laŋ. Wo à tsè' wo duk də wù sə yə'rə fa bùu Jus sè wo cu lakmvum də wo me'rə mak lùk Musi. Wo duk də wù sə tsòho fa yà'wèŋ də wo kà bwìŋ tu mbəmbam sə kom fa, nə kà bum lak bùu Jus wèŋ sè' gù.

22 Wo nə yuk tsoŋ li duk də wù vè laŋ. Aco a gu yè'sə va?

23 Vès tsok fa wu yusè vès tsəm də aco wù gu. Bùu mook fɛŋ bwìŋ kwè sè wo a kàk Nwì.

24 Aco wù yuŋ lo wo nə kə gu sè' mvè'nè wo sə kè gù bum sè ya wo ye rərəŋ mɛ lisè Nwì sə. A gèə, wù lak lok yusè wo tse' ŋgòlà'a sə pwe' sə bàa wù, ya ŋga wo nə tse' mandzè nè ŋgòkè sù tu awo sə. Wu gu-a vè'nə, fana ndàanwè pwe' nə riŋ duk də yusè wo à yuk bə liŋ yòsə ka zìnə yeŋ. Wo nə duk də wù sə yù yòsè' lùk Musi sə.

25 Nə ye də vès à còm fa bù lakmvum sè wo à dzəm Jisòs yà'a ŋwàk. Vès à còm tsè' mègù fa wo nja duk də vès a dzəm mvwe' mò'fis də wo kà bum rùm zɛ. Nə kà ndɛəm kè nàm nè nà'

kpɔ̀ bə nduəm ye ndzə ni'ì yi sè' zɔ̀. Nə ye sè' dɛ wo kà sàhà kè nto àlɛ' ko.>>

²⁶ Pol à dzəm, nə jəŋ bɛ̀ sɛ wɛ̀ŋ. Tsok à rɛŋ bə yà'wɛ̀ŋ gɔ̀ bum sɛ ya wo ye rərəŋ mɔ̀ lisè Nwì sɛ, nə lo mɔ̀ ndap Nwì nè ghaŋ nə. Yi à lòmɔ̀wa ŋgòkè tsè' nòŋsɛ nùumbu sɛ yà'a nə ca ŋkuŋ nùumbu nè wo nə fa fəfa mənə tu bɛ̀ yè'sə kə dzeŋ.

Wo Ko Pol

²⁷ Nùumbu sɛ sàmba sɛ à dɛ a me, fana bɛ̀ Jus mòk tesə vɛ̀ mvwe' nze Ɛsiyà, nə kə ye Pol mɔ̀ ndap Nwì nè ghaŋ nə. Bɛ̀ yè'sə caŋsə fa bɛ̀ sɛ fo' sɛ pwe' ncəncàŋ wo ko Pol.

²⁸ Wo sɛ fuŋ duk dɛ, <<Bɛ̀ Izùɛ, wɛ̀ŋ vɛ̀ kə tesə ves. Nè'e ŋwè nè yi gihì kɛ'gè ma nè fòpwe', nə sɛ yə'rə fa bwìŋ duk dɛ, bɛ̀ Izùɛ bə lùuk Musì, nə ye ndap Nwì nè ghaŋ nə ka yumok yeŋ nə. Yi jə vɛ̀ bə lakmvum, nə kə nisè nə yà' mɔ̀ ndap Nwì nè ghaŋ nə. Mvəsè yi gù vɛ'nə, ye dɛ yi gù bɔ̀psə mvwe' sɛ yà'a rərəŋ sɛ yè'sə laŋ.>>

²⁹ Wo à duk vɛ'nə bɛ̀usè wo à yə nà' bə mɔ̀ŋwè Ɛfesòmòk mɔ̀ ntòlak anə. Wo tsəm ŋgwàaŋ dɛ yi kè nisè nà' mɔ̀ mbwa anə laŋ. Liŋ ŋwè ànə à ye dɛ Tròfimù.

³⁰ Lak sɛ pwe' à curə wək. Bwìŋ kə caŋ baŋ mvwe' mò'fis. Wo ko Pol, nə soŋ fis yi mɔ̀ ndap Nwì nè ghaŋ nə, nə lok ncùu ndap nə.

³¹ Bɛ̀ sɛ wɛ̀ŋ à sɛ làp mandzè dɛ wo zə Pol.

Sè ghà nà'nə, ntirè lo bohòŋkum sojà bɛ̀ Rumà wɛ̀ŋ duk dɛ cəcuŋ ni mɔ̀ ntòl'à Jòrosalèm pwe' laŋ.

³² Nkum sojà nè lokok gu kè' mò'fis. Yi to jəŋ bùu sè mantombi nè ye sojàa mok wèŋ bə yà'wèŋ tsooŋ lo mvwe' sè bùu sə wèŋ cu sə. Bùu sə ànə ye yi bə sojàa sə, fana wo kà Pol mok ləp fe'lè.

³³ Nkum sojà nè à gè mvwe' sè Pol à ye sə, nè ko nà'. Yi fa ɲəŋ duk də wo tasə Pol nè bə kwan ba. Fana yi fek bùu sə də, <<Nwè ènə ndà lɛ?>> Nə fek sè' də, <<Nà' gù bəpsə yà lɛ?>>

³⁴ Fana bùu mok sè mənə ɲo bùu sə wèŋ sə cep furə yusè zok, bəp ma mòk sə fuŋ yàwo sè' yusè zok. Jijipsè à ye fo' vɛ'ɛ wùriŋ. Bum à jip nsəp nè nkum sojà nè kà yusè yà'a nè ye sə pap rì tse'. Anə ye vɛ'nə, nkum sojà nè duk bùu ye wèŋ də yà'a jəŋ lo Pol mvwe' ɲəŋap ndap mòk nè wo à ci tes fa sojà wèŋ.

³⁵ Wo à jə kok lògù Pol moòm ghək vɛ'ɛ, nè dzeŋ mvwe' mbùhu kùu sè wo à bom ɲòkok lòmɔ nda'à anə, fana wo le' bək yi mɔ ɲkambəək, bùusè bùu sè fo' sə à sə cəp ntum nèbɔp.

³⁶ Wo à sə ywè' vè mənkwèŋ duk də, <<A zə yi, a zə yi!>>

Pol Kəa Njo Ye

³⁷ Mvəsè sojàa sə ànə sə duk wo nisə gesə Pol mɔmvwe' ɲəŋap ndap nè, fana Pol fek nkum sojà nè duk də aco yi cep yumok bohònà' àlɛ? Nkum sojà nè də, <<Kàmfirə wù cəp rigè ncèep lak bùu Gris.

³⁸ Ye də wù ka ɲwèə Ijip nè mù sə tsəm də wu zeŋ nè yeŋ à? Bəsè yi ànə və ghà nəmòk

fεεη, nə ye ndàη bə gomè nè fεn. Yi bək jəη lo màkizaà ηgəà bwìη ncùhù kwè.>>

³⁹ Pol à duk fa yi duk də, <<Mɯ ηwəə Jus. Wo à dzə mɯ mvwe' lak Tasònè mvwe' Silisiyà. Lak sə bwìη rì yà' pwe'fo'.>> Fana yi lεη ηkum sojà nə duk də, <<Kwəkwe', fa mɯ-a mandzè mɯ cep-a bohòbùu yè'sə-è.>>

⁴⁰ Nkum sojà nə à fa yi mandzè də nà'a cep. Pol à lòkok təəη mvwe' yunηkuu sè wo à bom ηgòkok lòmɯ nda'à sə, nə sə gɯ bo ye də bwìiη tεjsə cù. Bùu sə à tεjsə, fana Pol cep bohòwo bə ncèep bùu Jus wèη.

22

¹ Pol à yèto duk də, <<Bwe tè' am nə ye tè' am wèη, wèηη yu'rə fa mɯ mvəsè mù sə fi'lə ncùu am bohòwèη.>>

² Mvəsè wo à yuk ηga yi sə cep bohòwo bə ncèep bùu Jus fana ηwə nè mò'fis kà mok kwis fe'lə. Pol sə cep lo mantombi.

³ Yi sə duk də, <<Mɯ yè'e ηwəə Jus. Wo à dzə mɯ mvwe' lak Tasònè mvwe' nze Silisiyà. Mù kuk Jòrosalèm fεn. Gàmaliyà à yə'rə mɯ yi. Wo à yə'rə fa mɯ lùuk tàcicii avès vε'ε làaη. Mù à fa ni' àm ηgòfàk bohòNwì sè' mvè'nè wèη sè wèηη fεεη ntinə yè'e a fa ni' awèη.

⁴ Fana mù à yeηsə bùu sè wo à sə yù mandzè Jisòs ènə ηgə' sè' wùriη. Mù à tàksə zə mok sè' njo mandzè ènə. Mù à ko nisə mbəmbam bə bèba wèη ndapndzəm sè' bùu zεη.

⁵ Nkum Ngàa fa satikà' bə kaηsurù pwe' rì də yusè mù sə cèp yè'sə zìnə. Mù ànə fek wo,

fana wo à còm fa bwe tè' avès bùu Jus sè wo cu Dàmaskù ñwàk, nè fa mu. Mù lo mbwa ñgòkè ko bùu sè wo à sè yù mandzè ènè. Mù à sè lònḡòkè tsòon wo bə kwan, nè jəŋ və wo Jòrosalèm feŋ ñgòyeŋsə wo ñgə'.

*Pol Tsə' Mvə'nə
Yi A Dzəm Jisòs*

⁶ <<Mvəsə mù à kəp lòDàmaskù anə, nga nùum co marəŋ, mù ye nga mareŋ mòk rɛɛŋ tsə mabu vɛ'ɛ bùəmm. Nà' rɛɛŋ dzoon mvwe' sè mù à təəŋ sə pwe'.

⁷ Mù coho gbə sə nze nè yuk nga ñgì ñwə nəmòk sə cèep. Ñgì ñgəŋgəŋ sə duk də, <Sol, Sol, wù sə fa mu ñgə' vɛ'nə bùu yà?>

⁸ Mù fek gesə yàm sè' duk də, <A wùu ndà Tà?> Yi cɛp fəsə fa mu də, <A mùu Jisòs nè mvwe' lak Nazàre nè wù sə yeŋsə yi ñgə' nè.>

⁹ Bùu sè vesi wèŋ à ye fo' sə, à yə mareŋ nè sè', nè kà ñgì ñwə nè nà' à sə cɛp bohòmù nè yuk.

¹⁰ Mù fek fe'lə sèmok duk də, <Tà, mu gu va?> Fana Tà nè duk fa mu duk də, <Lòkok mɛtsə, nè ni lo mvwe' lak Dàmaskù. Wu kə dzèŋ fo', fana wo nè tsoho fa wu bum pwe' sè Nwì a fùhu nòŋsə də wu gu.>

¹¹ Lis à loho mu njo mareŋ nè nà' à rɛŋ nè. Bùu sè vesi wèŋ à ye fo' sə wèŋ à dàsə lòmù mu ntòlak Dàmaskù anə mòk dàsə.

¹² <<Ñwə nəmòk ànə ye, liŋ yee duk də Anàniyàs. Yi à sə wəpgə Nwì, nè sə nòŋsə lùuk avès bəboŋ. Bùu Jus sè mvwe' lak Dàmaskù pwe' à sə jəgə yi co ñwə nè zìnə wù kà fùk.

13 Yi à vè kè tsɛŋ mu. Yi tɔɛŋ kok ŋɔu ni'ì mù, nè duk fa mu duk də, <Mo tè' am Sol, ye fe'lə bum sòmok.> Yi ànə sə duk wesə ve'nə ntɛŋ, fana lis am sə muhu. Mù ye bum sòmok, nè kək yi.

14 Yi duk fe'lə fa mu duk də, <Nwì tàcici avès à cokfis wu də ya wu riŋ yusè yà' cu sə vèə yi ŋgògùu. Yi cokfis wu sè' də ya wu ye ja'a Jisòs, ŋgà fàk ye nè rərəŋ bə lis, nè yuk ŋgì ye mvəsè yi sə cèep bə cùu ye.>

15 Búsè a nè ye wù nè ŋgòtsòho fa bwìŋ pwe' yusè wù a yə nè yuk sə kum liŋ ye.

16 Nə yeè nè duk də cu fe'lə yè'sə yà sòmok ɛ? Lòkok ya wo baptesə wu, nè to liŋ Tà Jisòs, ya Nwìi cuk mak gesə bəp yo.>

Pol Də Yi Nə Tsòho Fa Bù Lakmvum Nzak Nwì

17 <<Anə geŋ, mù bwì foho lo yu am Jòrosalèm. Ghà nè mù ànə sə gu pìriyà mənə ndap Nwì nè ghaŋ nè, fana mù ye yumok co lo ve'ɛ.>

18 Mù ye ndzə loðanə ŋga Tà Jisòs sə duk fa mu duk də, <Gùu nè tesə lo gesə mvwe' lak Jòrosalèm feŋ nè nènək, bùsè bùu sə feŋ nè kà yusè wu nè tsok fa wo bə liŋ am dzəm.>

19 Mù cep fəsə fa yi yàm sè' duk də, <Tà, wo riŋ ve'ɛ bəboŋni duk də mù à sə lògè mənə ndap pìriyàa bùu Jus wèŋ, nè sə ko ləp bùu sè wo dzəm wu.>

20 Nə ye sè' də ghà nè wo à zə Stefè nè yi à sə tsòho bum sè yi à yə bə liŋ yò, mù à ye sè' fo'. Mù à sə dzəm sè' də a bəboŋ ŋgòzə yi ve'nə. Mù à sə kək fa bùu sè wo à sə zə yi sə lis bə cèək awo mù.>

21 Mù ànə duk wes ve'nə, fana Tà nə duk mụ də, <Gèŋ ntèn, bùusè mụ nə tumsə lo wu mvwe' səsap, də yi bohòbù lakmvum wèŋ.> >>

22 Bùu sə wèŋ à sə yu'rə gù sè' gəe'. Pol ànə cep nə duk də yi sə lo bohòbù lakmvum, fana bùu sə wèŋ ke' ɲgùŋ nsàp nə co ntu' loho bwìŋ. Wo sə duk də, <<Wèeŋ zə gesə lo yi fo', wèeŋ zə yi zə, yi ka tse' ɲgòcu ɲwəm.>>

23 Wo à sə torə, nə sə wəŋsə ke' cəək awo mʉtsə, nə sə ɲwe' sesə gesə mfəmfe mʉbu nduk.

24 ɲkum sojà bùu Rumà wèŋ nə à tsè' fa bùu ye wèŋ də yà'a lok swihi Pol mʉmvwe' ndap nə wo lokgè bwìŋ mbwa nə. Yi à duk yà' sè' də yà'a ləp nà' bə ɲkwès ya nà'a tsok njo nə bwìŋ sə torə nà' lələ nə.

25 Wo ànə kiŋ wes yi də ya wo ləp, fana Pol cep yumok bohòŋkwà' ɲwè sojà nə yi tə fo' nə. Yi à fek nà' duk də, <<Lùk sə duk də aco wu ləp ɲwè nə yi mègù yəyerè co mo lak Rumà ɲga wo ka nzak ye də yi gbù nzak àɛ ntòsak à?>>

26 ɲkwà' ɲwè nə à yuk ve'nə, fana yi bwi foho lo bohòŋkum sojà nə. A kè dzèeŋ, yi fek nà' duk də, <<Wù sə də wu gʉ yè'e yà? ɲwè ènə yi ɲwèè Rumà.>>

27 Fana ɲkum sojà nə lo bohòPol, nə fek nà' də, <<Tsok fa mʉ-a zìnə yo, wu ɲwèè Rumà à?>> Pol dzəm də, <<ɲ.>>

28 ɲkum sojà nə duk fa Pol də, <<Mʉ yè'e sè' mòk. Mù à lək mbàm wùriŋ ɲkuŋ nə ye mòk.>> Pol duk fa nà' də yi ye mòk bùusè wo à dzə yi, yi ye mo lak fo'.

29 Bùu sè wo à yè ɲgòfehe Pol bum səmok ànə

yuk ve'nə ntɛŋ, wo bwi foho lo maŋkwɛŋ nyaap. Wuə à ko ŋkum sojà nə mvəsə yi à tsòŋ nə' bə kwanŋ ŋga nə' mègù sè' yəyərə bə mo lak Rumà.

Pol Tə Mɛ Kaŋsurù Bùu Jus Wèŋ

³⁰ Ŋkum sojà nə à sə dzəm tsə mali də yi riŋ tsoŋ njo nə bùu Jus wèŋ anə sə beŋ Pol bùu zeŋ nə ŋkuŋ. Fana tsok à rɛŋ, yi fweŋ fis fa Pol kwanŋ sə. Yi to benə ŋgàa fa satikà' sè ghaŋ wèŋ bə ŋgàa sak kaŋsurù pwe' mvwe' mò'fis. Anə geŋ, yi fis tes Pol kù mantombii yà'wèŋ.

23

¹ Pol sə kək tse' bùu sè mɛ kaŋsurù sə bə lis, nə cep fa yà'wèŋ yumok. Yi à duk də, <<Bwema am wèŋ, mù ka məmərə sə ntùù mù bə ncu àm mantombii Nwì tse' lok, kə dzeŋ nə mù tə ŋga'a nè'e.>>

² Yi ànə cep ve'nə, fana ŋkum ŋgàa fa satikà' nè liŋ yee Anàniyàs à duk fa bùu sè wo à təŋ kok ŋgɛ ni'ì Pol nə də yà'a sam gesə fa nə' bo mɛ cùhù.

³ Pol duk fa nə' duk də, <<Nwii nə ləp li wu, wù fop co mbàndap nə wo yok basə nə' bə bwèŋ wà. Wù cu yà'sə co ŋwè nə yi tse' ŋgòsak mɛ mvəsə lùk sə duk, fana wù sə gu bupsə fe'lə lùk sə sè' wù. Wù sə gu bupsə yà' bə mandzə nə wù fa ŋaŋ də wo ləp mɛ.>>

⁴ Bùu sè wo à tə kok ŋgɛ ni'ì Pol sə fek yi duk də, <<Wù sə yàk ŋkum ŋgàa fa satikà' nə yi ŋwəə Nwì à?>>

⁵ Pol duk fa yà'wèŋ duk də, <<Bwema am wèŋ na, mù anə ka riŋ də yi ŋkum ŋgàa fa satikà' yi

riŋ. Nwàk Nwi sə cep sè' duk də, kà də ɲwèe to liŋ ɲwè nè yi tse' bwìŋ yi bɔp duk.>>

⁶ Pol à yə də bùu mok mu kaŋsuru anə à ye bùu Farasi, mok bùu Sadusi fana yi fuŋ fis də, <<Bwema am wèŋ, mu yè'e ɲwəə Farasi, nə ye sè' mo ɲwəə Farasi. Mù cu yè' mənə dzè' nzak də bùusè mù tsè' də bwìŋ nè lòkok mvwe' kpɔ sèmok.>>

⁷ Yi ànə cep wes ve'nə ntèn, fana bùu Sadusi bə bùu Farasi sə wèŋ yeto ɲkùəm, kwe' awo nə à gà'a mok ba.

⁸ Anə ye ve'nə bùusè bùu Sadusi wèŋ à sə duk yàwo duk də ɲwèe nè kà mvwe' kpɔ lòkok yuk. Wo sə duk mok sè' də, masinjaa Nwi, nə ye bùu sè wo mègù yàwo yòŋsè ka yeŋ. Bùu Farasi wèŋ à ye yàwo bɔp bù nè wo à dzəm də bum sè te' yè'sə lòoŋfo' yo.

⁹ Cùu sè wo à sə gham fo' sə à yam ghaha lòmantombi. Ngàa yè'rè bwìŋ lùuk mok à lòkok, nə cep ve'ε guguŋ. Wo à duk də, <<Vès ka fèn nè ɲwè ènə gùu ye. Kàmòk yòŋsè nəmòk kè masinjà Nwi-è', a tsè' yi yumok laŋ zinə.>> Ngàa yè'rè bwìŋ lùk sè wo à cèp yè'sə à ye yàwo ma bɔp nè bùu Farasi wèŋ.

¹⁰ ɲkùəm nə à kè curə ve'ε wuk. ɲkum sojà nə wəp duk də aco yà' ɲwe' ci'lə Pol bə bo, fana yi duk fa sojàa ye wèŋ də yà'a tsoŋ geŋ ca mvwe' sè bùu sə tə sə, nə ko lo Pol kə lok swihi mvwe' ɲəŋap ndap sojà wèŋ nə.

¹¹ Á ye nòoŋ nùmbu ànə nè ndzəmè fana Tà Jisòs à kè təəŋ kok ɲɔ ni'i Pol, nə duk fa nà' duk də, <<Ko ntum. Mvəsè wù a tsè' fa bwìŋ liŋ

am Jòrosalèm fεεη, wu nε kε tsok tsoη fa bùu sè m̀vwe' lak Rumà sè' m̀m̀v̀èk ànə.>>

Wo Làp Mandzè NgòZè Pol

¹² Tsok à rεη, fana bùu Jus mok wèη kε be'lə, nε swi' cù m̀paanη. Wo à kèη duk dε wo nε kà yumok kè cùhu wo gesə tse'ηga wo zə Pol.

¹³ Wo à ye co bwiη hum kwè sè wo à swi' cù m̀vwe' mò'fis sə.

¹⁴ Anə geη, wo lo, nε kε ye ηgàa fa satikà' sè ghaη bε bù ηkwàha bwiη wèη. Wo tsok fa yà'wèη duk dε, <<Vès kèη vε'ε nε zìnə m̀vwe' mò'fis dε vès nε kà yumok kè cùhu gèsə lok tè vès zə Pol.

¹⁵ Yusə ηga'a duk dε wèη kaηsurù wèη tirə gesə fa lo ηkum sojà bùu Rumà wèη dε yi jəη tsoη və Pol. Tsòk basə fa yi dε wèη dzəm ηgòyuk yamsə boηsə yumok m̀ cùhu Pol anə. Vès nε fùhu yàvès ηgòzə yi ηga yi ka fεεη ntøkə dzeη.>>

¹⁶ Mo n̄jè'ε Pol mòk nè ηwèmbam à yuk bum sè wo à sə duk dε wo gə sə. Yi lo, nε kε ni m̀m̀v̀we' ndap nè wo lok tes Pol mbwa nə, nε tsok fa nà'.

¹⁷ Pol ànə yuk vε'nə, yi to ηkwà' ηwè sojà nəmòk, nε duk nà' dε, <<Jəη m̀wà'ηwè nè'e, nε jə lo fa yi bohòηkum sojà. Yi tse' yusəmok sè yi nε tsok fa nà'.>>

¹⁸ Nkwà' ηwè sojà nε ànə jə lo nà' bohòηkum sojà nə. Nkwà' ηwè sojà nε duk fa ηkum sojà nε duk dε, <<Ngà ndapndzəm nè liη yee Pol nà'a duk m̀ yi dε m̀ jəη və fa wu m̀wà'ηwè nè'e. Yi dε nà' tse' yusəmok ηgòtsè' fa wu.>>

19 Nkum sojà nè ko jəŋ mɔwà'ŋwè nè bə bo, bə nà' sooŋ təəŋ lo mok wo ba-nə-ba. Yi fek nà' də, <<Yusè wù də wu tsok fa mɔ sə yà?>>

20 Fana yi tsok nà' də, <<Bùu Jus sè ghan wèn kì cù də a ye zòŋ wo duk wu də wu jəŋ və Pol mɔ kaŋsurù. Wo də kaŋsurù nè dzəm ŋgòyuk yamsə bum mok bə liŋ Pol nè.

21 A gèə wù kà dzəm, bùusè bùu sè wo nè sə noon swihi ŋgòsòyi wo cà bwìŋ hum kwè. Bùu yè'sə kèn duk də wo nè kà yumok kè cùhu wo gesə lok tè tse'ŋga wo zə Pol. Wo sə tək mэгù mok yusè wu nè cep bùusè wo fùhu cu gu yàwo ŋga'a vɛ'nə.>>

22 Nkum sojà nè à duk fa mɔwà'ŋwè nè də nà'a lo, nè duk də nà'a kà ŋwè nəmòk də nà'a kè tsè' fa yi yu yè'sə laŋ tsè' fa swì.

Wo Jə LòPol Mvwe' Lak Sisariyà

23 Anə geŋ nkum sojà nè to ŋgàa fàak ye bwìŋ ba. Yi duk fa yà'wèn duk də, <<Wèeŋ lo kə jəŋ sojà ŋkù ba ya wenə wèeŋ fùhu ŋgòlòm vwe' nzeŋgòŋ Sisariyà. Wèeŋ jəŋ sojàa sè ŋgàa nàambà'rè hum sàmba bə sè ŋgàa kòŋ ŋkù ba sè'. Wèeŋ fùhu də wèeŋ nè lo noon ntinə ndzəmè. Wèeŋ nè ye'e co ghà nè bwìŋ sə nòŋ tsə nze vɛ'ɛ.

24 Làp fa Pol nàambà'rèə mok, ya wèeŋ jəŋ lo yi gəe' kə fa bohòGovənòFelis.>>

25 Nkum sojà nè à còm ŋwàk mòk mɔ mvèk nè'e də,

26 <<Sə còm mù nè liŋ am Kladiyòs Lìsiyàs. Mù sə còm fa govənòFelìs. Tà mayumòk, mù cèpsə wu bəboŋ.

27 Bùu Jus wèŋ a ko ŋà' nè'e, nə də wo zə nà'. Ves sojàa am wèŋ lo, nə kə ko yi də wo kà yi zə, ŋga mù yuk duk də yi ŋwəə Rumà.

28 Mù a dzəm ŋgòkə rì tse' yusə yi a gù ŋkuŋ yà' yaan wo, fana mù jə lo yi sə kaŋsurù àwo.

29 Mù lap ca, nə ye duk də yi ka yumok sè co wo zə yi kè wo nisə yi ndapndzəm bùu zeŋ gə. Yusə wo a duk də yi a gùu sə, a bum mok sè bə ma nè lùuk awo.

30 Mù ànə yuk də bùu Jus mok wèŋ sə ləp mandzə də wo zə yi, fana mù də yi lo kə ye wu. Mù a tsə' fa bùu sè wo sə ləp yi bə nzak sə duk də wo kə cep yusə yà' sə yaan wo bohònà' sə mantombii wù.>>

31 Sojàa sə à gù gù sè' mvəsə ŋkum àwo duk wo sə. Wo à jə lònòŋ Pol nùmbu ànə haŋ mvwe' lak səmok sè wo to fo' də Antipatrì.

32 Tsok à reŋ, sojàa sè wo à sə gì yàwo sə kùhu sə foho və. Wo me'rə ŋgà nàambà'rè sə ŋgòlòmali bə Pol nə wèŋ.

33 Wo à jə lòyi mvwe' nzeŋgòŋ Sisàriyà anə, nə fa ŋwàk nə bohògovənòFelìs nə. Wo fa Pol mok sè' ndzə bohòyi.

34 GovənòFelìs à ta ŋwàk nə, nə fek Pol lak nà'. Fana Pol tsok yi də a mvwe' nzeŋgòŋ Sìlisiyà.

35 Yi duk fa Pol nə duk də, <<Mù nə yuk nzak yònə ghà nè ŋgàa nzak yo sə wèŋ kə dzèeŋ.>> Fana yi fa ŋàŋ duk də wo jəŋ lo Pol mvwe' nto' Herò, nə sə kək nà' kù'u.

24

Yusè Wo A Tsè' Mantombii Govènò Felis Bè Tu Pol

¹ A cà nùumbu tàŋ, fana Anàniyàs ŋkum ngàa fa satikà' nè bə ŋkwàha bùu mok wèŋ lo mvwe' lak Sìsàriyà anə. Ngà sa'nzak mòk nè liŋ yee Tətalòà lòsə' bə yà'wèŋ. Wo à kè dzèŋ bohòFelis, nè tsok yusè yà' sə yaan wo bohòPol sə.

² Ghà nè wo ànə jə və Pol, fana Tətalòsə tsoho yusè də Pol a gù bupsə sə məm̀vək nè'e vɛ'ɛ. Yi də, <<Mbè, fifi nè vès tse' nà' səsap nè'e, a bùusè wù a kotse' ves bə ŋkərè. Bum sə kupsə mvwe' lak yè'e wùriŋ ngògù də lak sə boŋ.

³ Ghà nè fòlòoŋ vèes dzəmgè nsàp ènə wùriŋ, nè sə kwasə wu vɛ'ɛ wù kà fùk.

⁴ Mù ka dzəm də m̀ casə wes wu mvək yòdzəm, fana yu'rə fa-a ves m̀ncèp nè vès tse' ngòtsə' wu nè fùè.

⁵ Vès a yə də ngà' nè'e nsàp bəbup ŋwè nəmòk vɛ'ɛ nè co ŋwè kà cèp. Mvwe' sè bùu Jus cu sənə nzeŋgònè'e pwe', yi kè dzèŋ fo', yi g̀ ya yà'wèeŋ yeto ngòkùèm. A sè' yi nè yi ŋwè nè mantombi bə kwe' bùu Nazàrin wèŋ.

⁶ Yi a làp mandzè də yi g̀ bupsə ndap Nwì nè ghaŋ nè, fana vès ko yi. (Vès a duk də vèes nè sak yi mvəsè lùuk avès sə duk.

⁷ Megu duk də ŋkum sojà Lìsiyàs à vè vɛ'ɛ, nè kə fep fis lo nà' bohòvès anə bə ŋaŋ.

⁸ Lìsiyàs nè duk fe'lə sè' duk də ŋwè nè yumok sə yaan nà' bə ngà' ènə pwe' àlɛ, nà'a və kə ye wu.) A ye-a ŋa wù fek-a ngà' ènə, wu nè yuk

yòsè' bə ntu'u yo də yusè vès sə cèp yà' bə liŋ ye yè'sə zìnə.>>

⁹ Yi ànə duk ve'nə, bùu Jus sə pwe' à dzəm mvwe' mò'fis də yusè nà' cèp sə zìnə.

Pol Sə Fi'lə Ncù BohòFelis

¹⁰ Anə geŋ GovənòFelis nə niŋ fa Pol bə bo də nà'a cep. Pol sə cep də, <<Mù rì tse' duk də wu a sak lak yè'e lùumŋgòŋ ŋkùuŋntèn. Mù kwa wùriŋ ŋgòkè fi'lə ncùu am kè mantombii wù.

¹¹ Ngòcèp yusè wu fe'rə-a wù ye zìnə nə də, ka nùumbu hum-ncòp-ba casə mvək nè mù à kok lòmù Jòrosalèm ŋgòkè kùksə Nwì mbwa.

¹² Bùu Jus sə à ka mù ŋga mù sə fi'duk ves ŋwè nèmòk mù ndap Nwì nè ghaŋ nə ye yuk. Ka sè' də wo à yə mù ŋga mù sə yaŋsə bwìŋ ntəm mù ndap pìriyàa bùu Jus wèŋ sè' yeŋ. Mù a ka ve'nə məm̀vwe' nèmòk mù ntòlak anə sè' gù lok.

¹³ Yusè co wo niŋ fa wu də bum sè wo tsè' wu bə liŋ am fεεŋ sə zìnə, sè' bùè.

¹⁴ Ncèp nè mù nə kà nà' bèn də, mù yùgè yàm mandzè mòk nè wo sə duk də nà'a mvwès nà'nə, nə sə kùksə Nwì tàcicii avès bə zeŋ. Bum sè wo à còm yà' ndzənə ŋwàk lùuk Musi bə ŋwàak ŋgàa tsòhòbum Nwì pwe', mù dzəmgè yà' də yà'a zìnə.

¹⁵ Yusè mù sə naàŋ tu bə zeŋ ma nè Nwì, mègù sè' mvəsè bùu yè'e wèŋ sə naaŋ tu. Naàŋtu nə duk də, ŋwè nè yi gùgè bèboŋ bə nè yi gùgè bap pwe' nè kè lòkok mvwe' kpù sè̀mòk.

¹⁶ Fana nà'a njo nè mù sə jìhi nzòŋ ŋgògù də ntəm àam ye rərəŋ mantombii Nwì nə ye mantombii bwìŋ.

17 <<Yu səmook yè' də, à cà ñkàhanğòñ wùrìñ ñga mù ka mvwe' lak Jòrosalèm kə dzen yuk. Mù a lòmbwa ñgòfa lòbù ñgàa jìñ wèñ mok mbàm, nə ye ñgòfa satikà' njàm sè'.

18 Yà'a yusè mù ànə sə gu ñkuñ wo kə tseñ mu mu ndap Nwì nè ghan nə sə. Anə ye ghà nè mù ànə gu wes bum sè ñgògù yà' ya wu ye mu lisè Nwì rərəñ. Mù à ka fo' ves bwìñ co cù tesə sè' yeñ.

19 A ye mègù fo' bùu Jus mok sè wo à tesə mvwe' nzenğòɛsiyà. Anə ye-a duk də wo tse' yumok sè yà' sə yaan wo bohòmù, də wo vè wo ñgòkè tsè' fa wu.

20 Bùu yè'e tsok-a nsàp bup nè kanşurù a duk də mù a gù ghà nè mù à sə fi'lə ncù am mbwa nə-é.

21 Ka casə ncèp nè mò'fis nè mù a duk fis duk də, <Wèñ sə sak mu yè'e də bùusè mù a cèp də bwìñ nè lòkok mvwe' kpu sèmok.> >>

22 GovənoFelis à ye ñwè nəmòk nè yi ànə rɛɛñ bə nzak mandzè Jisòs làan, fana yi duk də yi lok nzak nə lan. <<Ghà nè ñkum sojà Lisiyàs kə dzèñ ñkuñ, fana mù tsok wèñ ñwè nè yi gbù nzak bə nè yi ka gbù.>>

23 Yi duk fa ñgà fàk nè yi kùkgè Pol də nà'a sə kùk Pol nə kù'ɛ. Nə duk fa nà' sè' də, nà'a kà Pol cùk cùk sə kotse'. Nge' ye wèen dzəm-a ñgòtesə yi bə yumok sè yi dzəm yà', fana nà' me'rə wo ntèñ.

24 Nùumbu mok ànə ca, fana Felis nə vè bə ñgwe ye Dròsilà. Ngwe ye nə à ye ñwà Jus. Yi à duk də wo jəñ vè Pol. Wo ànə jəñ vè nà', fana

yi sè yu'rè mvèsè Pol nè sè tsòho mvèsè ngòtse' dzədzəm bohòJisòs Krest cu.

²⁵ Nà' à sè cèp mvèsè ngòye ñwè nè bəboŋ, ngòkotse' ni' yònə ye bə nùmbu nè Nwii nè kè sak bwìŋ. Fana wuə ko yi. Yi duk fa Pol nè duk də aco nà' lo ntèn. Yi duk nà' də yi nè to fe'lə nà' sèmok ghà nè yi tse' mvək.

²⁶ Yi ànə sè tsərə sè' də kàmòk Pool nè fa yi mbàam mok àlɛ'. Nà'a njo nè yi à sè toho nà' ghà yà lònŋ, nè sè taan bə nà' sè.

²⁷ Anə ca lùumngòŋ ba, fana ñwè nəmòk nè liŋ yee Posòs Fetòs kok dzə' govənòFelis nè mok yi. Felis ànə sè dzəm də bùu Jus wèenŋ kwa bohòyi fana, yi me'rə nonŋsə Pol nè mɔ ndapndzəmè.

25

Pol Də Wo Kə Sak Nzak Ye Mvwe' Lak Rumà

¹ Anə ca gu nùumbu tɛ' mvèsè govənòFetòs à kè cu mvwe' nze nè, fana yi ye'e Sisàriyà, nè lo mɔ Jòrosalèm.

² À kè dzènŋ fo', ñkum ngàa fa satikà' bə bùu Jus sè mantombi wènŋ kə tsoho bum sè yà' sè yaan wo bohòPol. Wo lenŋ ñkum Fetòs,

³ də nà'a gu wo bəboŋ bə ngòtum vèsə Pol Jòrosalèm. Wo à duk ve'nə bùusè wo a kì cù ngòzə nà' mandzə.

⁴ Fetòs nè də, <<Pol cu ngà ndapndzəm mvwe' lak Sisàriyà. Mvək momjo, mɔ nè sè bwi lo fo'.

⁵ A ye-a də yi a gù bupsə yumok, wèenŋ duk bùu awènŋ sè mantombi də vesiwènŋ lo Sisàriyà

anə, ya wo kə cep yusə yà' sə yaan wo bə ɲà' ànə.>>

⁶ Fetòs à cu fe'lə bə yà'wèŋ co nùumbu fwame' kè hum àlɛ' ɲkuŋ nə yè'e tsoon lo yuye sə Sìsàriyà. Tsok ànə rɛŋ, fana yi kə ni cum məmɔwə' ndap nè yi sakgè nzak mbwa nə, nə fa ɲaŋ duk də wo jəŋ nisə və Pol mbwa sè'.

⁷ Mvək nè Pol ànə kə dzeŋ, fana bùu Jus mok wèŋ sè wo à vè Jòrosalèm lokok təəŋ dzoon yi ghùr. Wo ye ɲgòcèp bum səmok ɲkùuŋntèŋ sè yà' gù wù kà fùk, də Pol a gù yà' yi. Yusəmok sè co yà' niŋ tsok də bum sè wo cèp sə zìnə kà sè' ye.

⁸ Pol fi'lə ncùu ye fo' sè' mvèsè. Yi duk də, <<Mù ka yàm-e yumok bə lùuk bùu Jus gù bupsə. Mù ka yumok bə ndap Nwì nè ghaŋ nə sè' bupsə, nə kà yumok sè ɲkum bùu Rumà ka dzəm sè' gù.>>

⁹ Fetòs fek Pol nə duk də, <<Wu nə dzəm ɲgòkə lòJòrosalèm ya mə kə sak wu bə bum sè wo cèp yè'sə fo' à?>> Yi à fek nà' ve'nə də ya bùu Jus wèeŋ kwa bohòyi anə.

¹⁰ Pol cep fəsə fa nà' duk də, <<Mù tə yàm ma dzè' nzak ɲkum bùu Rumà wèŋ. Mù dzəm yàm də wo sak nzak àm fɛn. Mù a ka bùu Jus wèŋ yumok sè co ntəm yaan wo gù. Wù bə tu yòwù riŋ yo sè' ve'nə bèboŋni.

¹¹ A ye-a də mə a fèŋ lùk, nə gù bupsə yumok sè wo tse' ɲgòzə mə, fana mù sə kà yè'sə mandzè də mə caŋ ya wo kà mə zə ləp. A ye-a də zìnə ka sənə bum sè wo sə cèp bə liŋ am yè'sə yeŋ, fana mandzè nè co ɲwè jəŋ mə, nə fa wo

ye bùè. Mù dzəm də nzak àm nə lo mantombi bohònkum bùu Rumà wèŋ.>>

¹² Anə geŋ, Fetòs lam və to ntòbə bùu ye sè wo tipsəgè yi, fana yi foho və, nə kə duk fa Pol nə duk də, <<Wù də nzak yòo lo mantombi bohònkum bùu Rumà wèŋ. Mù dzəm fa wu sè' laŋ. Wu nə lo bohòyi anə.>>

FestòJə Və Nzak Pol Bohòŋkum Agripà

¹³ Nteŋ mòk à cà, fana nkum Agripà bə njè' ye nè liŋ yee Benis à lòŋgòkè cèpsə govənòFetòs. Wo à kè cèpsə nà' mvwe' lak Sisàriyà.

¹⁴ Wo à cu fo' mənə nùumbu səmok. Fetòs tsoho fa nkum Agripà nə nzak nə Pol nə. Yi tsoho fa nà' duk də, <<Ŋwə nəmòok fεεŋ nè govənòFelis à nisə nònşə lònà' ndapndzəm.

¹⁵ Mù ànə lo Jòrosalèm, fana ngàa fa satikà' sè ghaŋ bə bù nkwaaha bùu Jus wèŋ tsoho fa mu bum sè wo də yi à gù bəpsə. Wo duk mu də mu duk də nà' gbù nzak laŋ.

¹⁶ Mù tsok fa wo də, bùu Rumà wèŋ yəgè yàwo də nga wo jə və-a ŋwè bə nzak, fana yi sak tsoŋ bə ŋwè nè nà' jə vè yi nə si bə si nkun. Ya yi cep fis yusè sə vəə yi ye sè'. Mù tsok wo də ka mandzè bùu Rumà wèŋ ŋgòduk də ŋwèe bəp nga wo ka yè'sə ntògu yeŋ.

¹⁷ Wo ànə və fεnə mù gu yàm sè' nènàk. Busè tsok à reŋ ntèn, mù kə cum mvwe' dzè' nè mu sakgè nzak mbwa, nə də wo jəŋ nisə və yi.

¹⁸ Bùu sè wo à jə vè yi sə wèŋ lokok təəŋ mutsə wùrr, nə sə ye ŋgòcèep. Mù sə duk yàm də wo nə tsok nsàp yumòk nè yi a gù bəpsə nè nà' gu

wùriŋ. Fana wo kà nsàp yumòk nè yi a gù bupsə sè' tsè'.

¹⁹ Bwe bum sè wo à cèp sə à ye ke'cà bwe mfi' mok bə mandzè nè wo yùgè Nwì awo wàwawà. Wo sə cep nè sə to liŋ ñwè nəmòk də Jisòs nè yi à kpɛ lòlaŋ. Pol sə dɛk ye də nà' cu fe'lə ñwəm səmok.

²⁰ Bum yè'sə jipsə tes mɛ, mù kà rɛɛŋ lok. Fana mù fek Pol nè də yi dzəm də yi lo Jòrosalèm ya wo kə sak bum yè'sə fo' àlɛ?

²¹ Pol dɛk ye də yi dzəm də nzak ye nè lo mantombì. Yi də ñkum bùu Rumà nè kə sak tiŋ nzak ye nè nà'. Fana mù də wo sə kɛk yi co ñgà ndapndzəm tè mù kə tumsə fa lo yi bohòŋkum bùu Rumà nè.>>

²² Ñkum Agripà nè dɛk fa Fetòs də, yi dzəm ñgòkè yuk yusè ñwè ànə sə cèp sə bə ntu'u ye sè'. Fetòs də, <<Wu nè yuk yi zòŋ.>>

²³ Tsok ànə rɛŋ ñkum Agripà bə Benìs və kə ni kok bə fòvɛ'ɛ wùriŋ. Wo à vè bə ñkum sojà, nè ye bə bùu sè ghaŋ sè wo fis tu mvwe' ntum lak ànə wèŋ. Fetòs də wo jəŋ nisə kok və Pol mɛ nda'à.

²⁴ Fetòs cep də, <<Ñkum Agripà nè ye ndàaŋwè pwe' nè yi cu fɛɛŋ, vesiwèeŋ yu'rə. Ñwè nè wèŋ sə yə yi nè'e bùu Jus pwe' wa dɛk ye, bùu Jus sè fɛɛŋ bə sè wo cu Jòrosalèm sè'. Wo pwe' sə warə vèə də nè'e ka ñwè nè co wo me'rə yi cum ñwəm yeŋ.

²⁵ Mù kɛk ja'a sə tsətsə'rè anə, nè kà yusəmok sè yi gù sè co wo zə yi bùu zeŋ yə. Yi a dɛk də nzak ye lo mantombì bohòŋkum bùu Rumà. Mù də yi geŋ sè' ntèn.

26 Bohòmù yàm, mù ka yusəmok vε'ε pap co mù com fa gesə lo nkum bùu Rumà bə liŋ ɲwè nè'e tse'. Nà'a njo nè mù jə vè yi mantombii wèŋ nə ye lε mantombii nkum Agripà də yi cep bə cùu ye. Ya wèŋ kək ja'a wes nzak nə, kàmòk mù tse' yumok sè mɛ com.

27 Bùsə anə sə yəəŋ co mɛ ləm ɲgòtumsə lònŋà ndapndzəm ɲga mù ka yusə co mù tsok də yi gù bɛpsə sə jəja kwaranŋaŋ riŋ na.>>

26

Pol Fì'lə Ncù Bohòŋkum Agripà

1 Fana Agripà duk fa Pol də nà'a cep yusə nà' tse' ɲgòcèep. Pol sə niŋ bo, nə sə fì'lə ncù də,

2 <<Mbè nkum Agripà, a bohòmù ntinə yè'sə rɛŋsi ɲgòkə təəŋ mantombii wù ɲgòfì'lə ncùu am bə bum sè bùu Jus wèŋ də mù gù yè'sə pwe'fo'.

3 Yè'sə zìnə bə nè zìnə bùusə wù rì tse' mvəsə bùu Jus wèŋ cu, nə riŋ bum sè wo kà bə zɛŋ cù mò'fis yegè bèboŋni. Fana mù sə lɛŋ wu də wu yu'rə fa mɛ yusə mù tse' ɲgòcèep sə fùè.

4 Bùu Jus wèŋ pwe' riŋ tse' mvəsə mù à sə cu ɲga mù cu ntòmɔwà'ɲwè. Mvəsə à yèto, wo riŋ tse' mvə'nè mù à kùk la'à mù, nə ye Jòrosalèm sè'.

5 Wo riŋ tse' mɛ bèboŋni, a ye-a də wo dzəm ɲgòcèep fis zìnə nə na. Mù ànə ye mòk mɛŋgorè bùu Farasi wèŋ sè wo sə duk də wo nònɲsəgè lùuk avès nə ghak ndaanwè pwe'.

6 Mù cu yè' bə nzak bùusè də mù sə naaŋ tu am də Nwii nè gù yusè yi à kàk fa bohòtácici avès wèŋ sə.

7 Gù sè' kəka' nè mò'fis ènə nè bòop bùu avès sè hum-ncòp-ba pwe' sə naaŋ tu də wo nə kə tse'. Wo tsəragè ve'nə mvə'nə wo kùksəgè Nwì nùm bə ndzəm. Mbè, bùu Jus wèŋ sə də wo kə'ə mù yè'e bùu tsətsərə ènə.

8 Mù fek tsoŋ na weŋ bùu Jus nè'e ŋkuŋ-è. Yà'a bohòwèŋ gəgəŋ bùu yà, ŋgòdzəm də aco Nwì lokoksə to ŋwè mvwe' kpə è?

9 Mù bə tu am à sə tsəragè də mù gə bəpsə liŋ Jisòs nè mvwe' lak Nazàre ènə bə nsàp mandzè nè co mù rì ŋgògù to pwe'.

10 Yà'a yusè mù à gù mvwe' lak Jòrosalèm. Mù à lòbohòŋkum ŋgàa fa satikà' wèŋ, wo com ŋwàk ŋgòfa mù nàŋ də mù nisə bùu Nwì wèŋ ndapndzəm wùriŋ. Wo à sə zə mok wèŋ, mù yàm sè', mù sə dzəm də a ve'nə bèboŋ.

11 A kè' ŋkùuŋntèŋ sè mù à gù wo ŋgə' məm mvwe' ndap pìriyàa bùu Jus wèŋ. Mù lap mandzè nè co mù gə wo ya wo duk də wo kà Jisòs mok dzəm fe'lə. Mù à sə jamsəgè wo ve'e nsàp nè mù ye'e nə lo mvwe' lak sè zok ŋgòyeŋsə wo ŋgə' fo'.

*Pol Sə Tsòho Mvəsè
Yi À Bùuŋ Ngà Yù LòJisòs*

12 <<Nà'a sè' njo nè mù à ye'e lo mvwe' lak Dàmaskù bə ŋwàk nè də mù tse' nàaŋ sè ànə fa mù yà' ŋgàa fa satikà'a' sè ghaŋ wèŋ.

13 Mbè, mù ànə kə dzeŋ mandzè nga nùum marəŋ sak sak, mù ye nsàp mareŋ mòk nè nà' à tsə mabu, nà' rɛɛŋ dzooŋ mə. Nà' rɛŋ vɛ'ɛ nə casə nùm, nə rɛɛŋ dzooŋ bùu sè vesi wèŋ à sə gii sə sè'.

14 Vès pwe'fo' coho gbù sə nze. Fana mù yuk nga ŋi ŋwè nəmòk sə to də, <Sol, Sol, wù sə fa mə ŋə' bùu yà? Wù sə yaŋsə mègù yà'sə ni' yòco mbòŋ nè yi sə tɛ'lə tɛ nè wo tsòŋ yi fo'.> Ŋi ŋwè ènə à sə cèp bə ncèep lak bùu Jus wèŋ.

15 Mù fek də, <A wùu ndà, Tà?> Yi də, <A mùu Jisòs. Wù sə yeŋsə ŋə' yà'sə mù.>

16 Yi duk fe'lə sè' də, <Lòkok təŋ mɛtsè. Mù yəŋ bohòwù ŋgòjə wu co ŋgà fàk àm. Wu nə tsoho fa fe'lə wo bum sè wù yə yà' bohòmù ntinə yè'e nə ye sè yà' cu mantombi sè mə nə niŋ fa wu.

17 Mə nə tumsə lo wu bohòbùu Izùre nə ye sè wo bù lakmum sè'. Mvəsè wù sə tsòho fa wo bum yè'sə, mə nə sə kək wu ya wo kà wu bəp gù.

18 Wu nə muk fa wo lis awo. Wu nə bwi fis və wo mvwe' mandzəm, nə jəŋ və wo mvwe' mareŋ, nə bwi fis wo mvwe' ñàaŋ Satà, nə jəŋ və wo mvwe' ñàaŋ sè Nwì. Ya wo fa ntəm awo bohòmù, nga Nwii swifa wo bəp awo, wo tse' mvwe' ncum awo mɛŋgorè bùu Nwì sè yi à cùk rɛŋsə nònjə.>

Pol Tsè' Nsàp Fàk Ye

19 <<Fana yà'a yusè yà' ànə ye vɛ'nə mbè. Mù ànə geŋ, mù kà cùu ŋwè nè mù à yə nga yi tsə mabu ènə bèŋ.

20 Mù à tsòho duk də bwiiṅ nə kupsə, nə bwi fa tsoṅ bap awo ṅkwèṅ, nə və ma nè Nwì. Wo nə gu bum sè yà' sə niṅ tsè' də wo a kupsə laṅ. Mù à tsòho yèto mùm̀vèk ènə mvwe' lak Dàmaskù bə Jòrosalèm, nə tsoho mvwe' nzenḡòJùdiyà pwe'fo', bə mənḡorè b̀ lakm̀vum sè'.

21 B̀ Jus wèṅ à kè ko m̀ ṅga m̀ m̀nda' à Nwì, nə lap mandzè də wo zə m̀ njo ènə.

22 Haan kə wes ntinə Nwì a tesə m̀. Fana yà'a yusè mù tə fəṅ ṅḡòtsè' zìnə àm bohòbwiṅ pwe', ṅkwà'ṅwè bə mwenke' pwe' yəyərè. Yusè mù cèep mèḡù sè' yusè ṅgàa tsòhòbum Nwì bə Musi wèṅ ànə duk də yà'a nè kè ye vè'nə.

23 Duk də ṅkum ṅgà gè̀m bwiṅ nè Nwì à duk də yi nè tum vèsə nə, nə yə tsə ṅḡə', fana yi ye ṅwè nè yi nè lokok to mvwe' kḡ mantombi yi. Ya ṅga yi niṅ tsok fa b̀ Jus, nə ye b̀ lakm̀vum wèṅ mareṅ Nwì nə, də aco wo tse' lùṅ.>>

24 Pol ànə fi'lə ncù mùm̀vè' ènə, fana Fetòs jwa yi. Yi duk də, <<Pol, wù ṅa laṅ! ṅkərè ṅwàk yònè wù tse' wùriṅ ànə sə ṅaṅsə wu!>>

25 Pol cep fəsə fa nà' duk də, <<Mbè, mù sə kà ṅa. Yusè mù cèp yà'a zìnə, nə ye bə ṅkərè sè'.

26 Aco mù cep bohòṅkum Agripà nə kà wəp, b̀sè yi ri bum yè'sə ye sè'. M̀ ri tse' pap də wù riṅ bum yè'sə làaṅ b̀sè wo ànə sə kà yà' mvwe' sèswihì ḡ.

27 ṅkum Agripà, mù ri duk də wu dzəḡḡè də bum sè ṅgàa tsòhòbum Nwì à còom zìnə. Kè ka vè'nə yeṅ nɛ?>>

28 Agripà nə fek bwi Pol duk də, <<Wù tsəm də aco wù ḡ m̀ ḡhàr vè'nə mù b̀ṅ krètèṅ à?>>

²⁹ Pol də, <<Oho', a dzəm ye mvək ləm bə səsap lònɔŋ, bohòmù yàm mù sə lɛŋ Nwì də wènɔ pwe' sè wènɔ sə yu'rə bum sè mù sə cèp ntinə yè'e, wèenɔ nə kə bùuŋ ntsə'mòk nsàp ɲwè nè co mù. Megu də kwan yè'e kà bohòwènɔ sè' kè ye.>>

³⁰ Fana ɲkum nə bə govənònə, nə ye Benis bə bùu mok sə pwe' lokok mɔtsə.

³¹ Wo ànə sə lo, fana wo cɛp kɛ'cà duk də, <<Nɔgà' ènə ka yu səmok sè co wo zə yi kè nisə yi ndapndzəm àlɛ' gɔ bùpsə.>>

³² Fana Agripà duk fa Fetòs duk də, <<Nɔgà' nè'e à ka-a də yi fek də nzak ye nə lo mantombi bohòŋkum Rumà yeŋ, də wo me'rə yi lo yuye.>>

27

Wo Gèsə Pol Sə Ngwesə NgòLòMvwe' Lak Rumà

¹ Ghà nè yà' à təəŋ mè mok də vès ni ɲgwes, nə lo mvwe' nzenɔŋòŋ Itali, fana wo jəŋ Pol bə ɲgàa ndapndzəm wènɔ wùrinɔ, nə fa ndzə bohòŋkum sojà mòk nè liŋ yee Julòs. Yi à ye bə bòp sojàa sè tse' wo ɲkum nè mvwe' lak Rumà nə. ² Vès à ni yè jə ɲgwes mvwe' lak Andàramitùm. Ngwes ènə à sə lònɔgòcàha mvwe' bù'rəə sè ɲgwes bùu sè mvwe' nze Èsiyà wèenɔ kə təəŋgè fo' pwe'. Fana vès yuŋ lo nà'. Aritakòà ye sè' vesiwènɔ bəbɛ'. Yi ɲwəə Màsidoniyà, wo to mvwe' buk lak nje nə də Tètàlonikà.

³ Tsok à rɛŋ, vès kə dzen mvwe' lak Sidòn. Julòs gɔ Pol bèbɔŋ, nə me'rə nà' də nà'a kɛ' ye

ngɛ' nà' wɛ̃ŋ, ya nga nà'a dzəm-a yumok àlɛ',
ngɛ' nà' sɛ fa nà'.

⁴ Vès à mè'rə fa'nə, nə sɛ lo mantombi. Fəfə à sɛ ci vè ma nè vès à sɛ dzəm ɲgòlònə, fana vès ga'a yuŋ lo ma nè fəfə sɛ kà fo' ci vè. Yè'sə ànə ye mvwe' məbuk lak mòk nè ndzɛp à dzòoŋ nà' pwe', wo to fo' də Sɛprò.

⁵ Vès à to ndzɛp nə, nə kə casə nzenɡòn Siliyà bə Pàmfiliyà pwe' maŋkwèŋ, nə kə dzen mvwe' lak Mirà sè yà'a mvwe' nze Lisiyà.

⁶ A kè dzɛŋ fa'nə, sojà nə ye ɲgwes mòk nga nà' sɛ lo mvwe' nzenɡòn Itali, fana yi gesə ves ca. ɲgwes ènə à vè mvwe' lak Alèsandəriyà.

⁷ Vès à sɛ gi gù mɛ ndzɛpə anə vɛ'ɛ fùè. Vès gi vɛ'nə mənə nùumbu ɲkùuŋtɛŋ. Vès ye ɲgə' vɛ'ɛ maŋgəŋgèŋ tɛ vès kə dzen mvwe' lak Nidus. Mandzè kà co vès lo mali mantombi ma nà'nə ye njo fəfə. Fana vès ga'a lo mok ma nè ɲgɛ lak Krit būsə fəfə sɛ kà fo' ɲkùuŋ cà. Vès à sɛ cà mvwe' lak səmok sè wo togè yà' də Sàmonì.

⁸ ɲgwes àvès nə sɛ gi mɛ ndzɛpə anə mok ndzə ɲgɛuŋ. Vès ye ɲgə' vɛ'ɛ tètè kə dzen məmvwe' nəmòk nè bəboŋ ɲgòtes ɲgwes fo'. Wu ye fo', lak Làsiyà ye mok jəjo.

⁹ Mvək à cà wes ves fo' tètè kə dzen mvək nè co ɲwè kà gi ɲgwes mok mùmsə fe'lè. Numbu nè bùu Jus wèŋ gùgè satikà' nè ɲgòtse' səsɛwifa bə bɛp nà'a ànə ca laŋ. Fana Pol fa yà'wèŋ ntíp duk də,

¹⁰ <<Bù am wèŋ, mù yə də ɲgògi fe'lè fɛɛŋ də a sɛ lòmantombii bɛp. Būsə bum nə bɛp wùriŋ.>>

11 Nkum sojà nè à dzəm ye yusè ñkwà' ñwè nè yi fagè ñàñ mənə ñgwes bə ñgà tse' ñgwes nè à ceep. Yi à ka yusè Pol à cèp ye dzəm.

12 Mvwe' nè wo à kè tes ñgwes nè fo' à ka bèboñ co wo me'rə tes ñgwes fo' mvèk mbàñ yeñ. Fana bwìñ ma nè ghañ a dzəm gha' də wo lo gu lòo. Wo də wo ni ñgwes, nè lap mandzè ñgòkè dzèñ mvwe' lak Fonis ñga ye-a də aco wo lo na. Yè'sə mvwe' sè ñgwes kə təəngè fo'. Məmvwe' nè'nə, bo ma ñkwìp bə ma zə pwe' nèəñ nòjəja.

Fəfə Nəbɔp Mɛ Ndzəpə

13 Mufəfə mòk ye ñgòvè mañkwìp nconùm fùè fùè, fana bəu sə wèñ kwa də, <<Ñhì, bum nè boñ.>> Wo fiñ me'rə yu nè nà'a kotse'gè ñgwes nè, nè sə gi mɛ ndzəpə anə ndzə ñgɔwèñ mvwe' lak Krit anə.

14 Ghàr məmvèk nè'e fəfə nè bɔp və ma mvwe' lak Krit anə. Fəfə nè à sə vè mègù mətsətsə'rəə bo mañkwìp nè ye ma ntonùm.

15 Fəfə nè kə bwi' ñgwes nè. Mandzè nè co vès gu ñgwes nè sə lo ma nè fəfə nè sə vè sə kà ye lok, fana vès me'rə, nè sə kək mok bə lis. Fəfə nè sə bək lo nà' mok ma nè yi dzəm.

16 Yà'à fihì tsə ñga ves tsə lòbo ma zəu ma ntonùm. Yè'sə ànə ye sè' mvwe' məlak mòk sè mɛ ndzəpə anə wo to fo' də Kàwudà. Yà'a mvwe' sè vès à swi' bònjsə mɛñgwes nè wo tsòonjè nà' mañkwèəñ nè ghañ nè fo'. Vès gu yè'sə sè' bə ñgə' wùriñ.

17 Wo soñ nisə mɛñgwes nè mənə nè ghañ nè, ya nà'a kà bɔp. Wo kiñ dzòonjè nè ghañ nè bə kə.

Wuə à sə ko wo də aco wo nə kə ni ɲgwansaa sè mvwe' ɲɠu ndzəp nè mvwe' nzenɠoŋ Libiyà, fana wo fəsə tsoŋ cəək sè ma mu tuhù ɲgwes pwe'fo' sə nze. A cəək sè yà'a gùgè nà' sə gi. Fèfè nè sə bək lo ɲgwes nə mok yi.

¹⁸ Fèfè nè bəp nə sə bwilə maligə ɲgwes nə ve'nə. Tsok ànə reŋ, fana wo ye ɲgòfis mà'rə gèsə lòbum sè mu ɲgwesè sə sə ndzəpè.

¹⁹ Tsə' mòk ànə reŋ sèmok, wo fis mà'rə lo bum sè wo gùgè ɲgwes nə bə zeŋ ma mòk mu ndzəpè bə bo awo.

²⁰ Vès kà nùm kè ɲkəŋkəŋ nè mò'fis bə lis yə yuk mənə nùumbu ɲkəŋntèŋ. Fèfè nè sə lo gu mantombi bə ɲàŋ. Anə ye ve'nə, vès duk mok də kpə vè laŋ.

²¹ Ghà nè bwìŋ à cu ɲjè mənə nùumbu sèmok, fana Pol lokok, nə duk də, <<Bùu am, ànə ye co wèŋ yuk duk àm, vesùwèŋ cum mali mvwe' lak Krit anə. A nə cum-a ve'nə, də bum sè yà' sə bəp mok bisə yè'e kà ve'nə ye.

²² Mù leŋ weŋ nè ɲga'a nè'e də wèŋ kà sə wəp! ɲwè nè mò'fis nə kà mvwe' yè'e kpə. ɲgwes nè'e nə bisə megu yi.

²³ Busè a ye nòoŋ ɲkwis nè ɲga'atsok, masinjà Nwì a vè bohòmù. Yi a ye masinjà Nwì àm nè mu kùksəgè yi, nè mu ɲwè ye.

²⁴ Yi tsok mu duk də, <Pol, kà də wu wəp duk. Wu nə kə təŋ tsoŋ mantombi ɲkum bùu Rumà wèŋ anə. Nwì gù wu bəboŋ, bùusè bùu sè wenə wèŋ yè'e, nè mò'fis nə kà kpə.>

²⁵ Ye də bùu am, wèŋ ko ntum. Busè mù naaŋ tu am bohòNwì də bum pwe' nə ye megu mvəsè

yi a tsè' mɔ sə.

²⁶ Vesùwèeŋ nə kə tesə li mɔwe' mɔlak mòk mɔ ndzəpə fɛeŋ anə, megu də ŋwes nə, nə voho mɔ ndzəpə ŋga nà' taha.>>

²⁷ Nà'nə ànə ye ndzəm nə hum-ncòp-kwè ŋga fəfə nèbɔp sə bwì' kɛ' ves mɔmɔwe' ndzəp Mèditèrinìyà. Anə dzeŋ co tsətsə'rè tsok, fana bùu sè wo fàkgè sənə ŋwes nə wèŋ tsərə də kàmòk vès kɔəp lòŋgɔ ndzəp laŋ.

²⁸ Wo mak gesə tsoŋ kù mòk nə ma tu nə rərwi' sə ndzəpə anə. Wo ye duk də ndzəp nə ca cəco kwiŋ hum ba. Wo à lòfe'lə ghàr, wo mak gesə lo nà' ca sèmok. Nà' niŋ də ndzəp nə ca kwiŋ hum-ncòp-tàŋ.

²⁹ Wɔə ko wo də aco ŋwes nə kə taha mɔmɔwe' lis. Wo fiŋ me'rə tsoŋ yunŋkuu sè yà'a tesgə ŋwes nə mɔwe' mò'fis kwè. Yà' ànə ye ma maŋkwèeŋ ŋwes nə. Wo leŋ Nwì də tsok reŋ.

³⁰ Bùu sè wo à sə bwì' ŋwes nə wèŋ lap mandzè də wo caŋ tesə sənə ŋwes nə. Wo fis gesə mɔŋwes nə jo nə mɔ ndzəpə, nə sə lim ŋkup də wo sə fis yunŋku mòk kə tu ŋwes nə, nə nà'a kotse'gè ŋwes nə.

³¹ Fana Pol tsok fa ŋkwà' ŋwə sojà nə bə sojàa sə də, <<Bùu yè'e kà-a mɔ ŋwesə fɛeŋ cu, wèŋ kà lù.>>

³² Fana sojàa sə wèŋ sɔə tiŋ mak kùu sè yà'a kotse'gè ŋwes nə jo nə, nà' ki lo.

³³ Tsok ànə sə kɔəp ŋgòreŋ, fana Pol leŋ wo pwe' də yà'a zu gesə yumok sə vəə. <<Kə dzeŋ ntinə nùumbu hum-ncòp-kwè ŋga mənə

nùumbu yè'sə lònɔ, wèŋ ɣurə cu, nə kà yumok mɔ cùhù gèsə lok.

³⁴ Mù sə lɛŋ wɛŋ wùriŋ də wèŋ zɔ yumok. Wèŋ tse' ŋgòzɔ yusəmok ya wèŋ kà kɔɔ. Nùəmtu ŋwè nè mò'fis nə kà bisè.>>

³⁵ Pol ànə cep wes vɛ'nə, fana yi jəŋ bɛŋ mok, nə kwasə Nwì mantombii yà'wèŋ. Yi à kwasə wes Nwì bə zɛŋ, fana yi yeto ŋgòbək zɔ yà'.

³⁶ Fana wo ko ntəm. Ndàaŋwè pwe' à zɔ yumok sè'.

³⁷ Vès à ye sənə ŋgwes nə tu avès lònɔ bwìŋ ŋkù ba bə bwìŋ hum sàmba-ncòp-ntùŋfu.

³⁸ Ndàaŋwè pwe' ànə zɔ ze', fana wo fis mak nzaŋ sè yà' ànə ye sə ŋgwesə anə sə ndzəpə. Wo à fis màk yà' vɛ'nə də ya ŋgwes nə ye fəfup.

Ngwes Nə Bwi'i Gbùu

³⁹ Tsok ànə rɛŋ, bùu sə wèŋ ye ŋɔ ndzəp, nə kà mvwe' sə rì. Wo à yə mvwe' səmok sè nze gorə co yi kə ci' tse' ndzəp nə mʉtsətsə'rè vɛ'ɛ. Wo à yə mok ŋgwansa ŋɔ ndzəp anə, à ye fo' jì ŋkəŋkè'. Wo duk də ŋga mandzè ye-a yo, wo jəŋ lo ŋgwes nə mʉmfèŋ mvwe' yà'sə.

⁴⁰ Fana wo sʉə ci' mak gesə lo yusə yà'a gùgè ŋgwes nə ŋgòtəŋ sə sə ndzəpə. Wo firə fis kùu sè yà' à sə kì tse'gè yu nè wo bwi' bùsəgè ŋgwes nə bə zɛŋ sə sè' mvək nà'nə. Wo ɣɔ fis gesə lo cəək sè fəfə kə tahagè mbwa, nə sə bwi' lo ŋgwes nə sə mʉtsə. Sè wo à fis kok sə à ye sè ma kù ntombi. Wo fis yà' vɛ'nə də ya fəfəə bək lo ŋgwes nə mantombi ndzə ŋɔ ndzəp anə.

⁴¹ Ngwes nè kə ta mvwe' sè ngwansaa ju təəŋgə sə ntòndzəp anə, nè təəŋ mam fo', nè kà mok tsòhòlok. Nà' a mam ve'nə, fana fəfə sə bək və ndzəp nè sə ləp sa'rə ma mbwèŋ nè bə zəŋ zok, zok.

⁴² Sojàa sə wèŋ də wo nè zə ngàa ndapndzəm sə pwe'. Ya kà də mòok yok ndzəp, nè kə tesə caŋ duk.

⁴³ Nkwà' n̄wè sojà nè à dzəm ye də Pool kà kp̄, fana yi duk fa sojàa mok sə də yà'a kà n̄wè nəmòk zə. Yi duk bwi mok də bùu sè yà' rì ngòyok ndzəp pwe' li tesə lo to sə ndzəpə anə, nè yok tesə lo.

⁴⁴ Bwees bùu sè wo à bwehe cu pwe' ànə ye ngòkohotse' b̄es t̄ kè titiŋ ngwes nè, nè sə yok yuŋ lo mok sə sè'. Yà'a mvəsè vès pwe' à tesə lòm̄nkà'à. N̄wè nè mò'fis kà kp̄ sə.

28

Yusè Yà' A Ye Mvwe' Lak Maltà

¹ Vès ànə tesə wes lo m̄mfèŋ pwe'fo' b̄əboŋ, fana vès yuk də liŋ lak yà'sə fo' də Maltà.

² Bùu lak sè fo' sə à ko ves n̄ge' wùriŋ. Wo à fim b̄aŋsə fa ves mis, nè sə duk fa ves duk də, <<Vè b̄əboŋ, vè b̄əboŋ.>> Anə ye yè'sə n̄ga mb̄uŋ yeto ngòli, fana mb̄uəp sə ko ves sè'.

³ Pol te' kà' ntsoŋ, nè teŋ gesə lo m̄u vòho anə. Anə curə fana no mok tesə n̄ja nè lum kə'ə Pol ndzə bohò.

⁴ Ngàa lak sè fo' sə ànə ye mvəsè no nè k̄uè Pol ndzə bohò, fana wo d̄uh̄ m̄utsətsə'rə wo anə də,

<<Nwè nè'e gù tse gù ngà zə bwìŋ. Yi swìrə vè-a sə ndzəpè sə laŋ, Nwii nə kà yi mè'rè.>>

⁵ Pol kɛ'sə mak gesə no nə mə vòho. No nə à ka yi yumok gɹ lok.

⁶ Wo à sə kək yàwo də bo nə kok Pol, kè də nà'a nə gbɹ kpɹ tsoŋ fo' àlɛ. Wo ànə geŋ də wo kək tètè mvək sap, yumok sè zok kà yi sè' gù, fana wo cep mok yusè zok. Wo à duk də, <<Yi nwì nəmòk.>>

⁷ Mvwe' nze ŋkwà' ŋwè lak nè fo' à ka fa'nə mvwe' sèsap mok yeŋ fe'lə. Yi à jə ves bəboŋni, fana vès cum venəwèŋ nùumbu tɛ'. Liŋ ŋwè ènə à ye də Pùpliyùs.

⁸ Tè'ɛ Pùpliyùs nə à sə nòoŋ mə kèhè ŋga yiyaŋ sə ya yi, yi à sə nì nduəm sè'. Pol ni lo mvwe' mbwè ndap ye nə, nə kə beŋ naaŋ fa nà' bo, nə gɹ pìriyà, fana yiya ngà' nə me.

⁹ Yè'sə ànə ye vɛ'nə, fana bù ngàa yiyaŋ sè mvwe' lak yà'sə pwe' à vèə, fana Pol gɹŋsə wo.

¹⁰ Wo à fa ves bum vɛ'ɛ wùriŋ. Vès à cu ngòlòbə ŋgwes, fana wo fa ves bum pwe' sè vès nə sə dzəm yà' ŋga vès sə lò-a na.

Gì Nè NgòLò Mvwe' Lak Rumà

¹¹ A cà ŋwɹ tɛ', vès ni jəŋ ŋgwes nè nà' à vè mvwe' lak Alèsandìriyà. Wo à fàhɹ tes nwii mok sè wo bwe fɛs mə tu ŋgwes nə. ŋgwes ènə ànə cum mvwe' lak yà'sə bə ŋwɹ mbùŋ yà'a, ŋwɹ sè fəfəə càgə ŋkùuŋ yà'a.

¹² Vès à kè dzəŋ mvwe' ntəm lak Sìrakù, nə cum fo' nùumbu tɛ'.

13 Vès à yè'e fa'nə, fana vès lo sè' bə ɲgwes nə, nə kə dzeɲ mvwe' lak Rijòm. Tsok à rɛɲ, fəfə mòk yeto ɲgòvə bo maɲkwiip nconùm. Vès jəɲ nùumbu ba, nə dzeɲ mvwe' lak Pùtiyòli.

14 Vès à yə bùu mok sè wo à dzəm bohòJisòs fo'. Wo lɛɲ ves də vesiwèeɲ cum nteɲ mò'fis. Yà'a mvè'nə vès à kə dzèɲ mvwe' lak Rumà.

15 Bwema sè mvwe' lak Rumà à yuk də vès sə vèə. Wo yuɲ və mandzè tètè kə dzeɲ mvwe' nteɲ Apiyòs. Mok kə dzeɲ yàwo Tiri Tavèn ɲgòkè tsèɲ ves. Pol ànə ye yà'wèɲ, fana yi kwasə Nwì, nə ko ntəm.

Yusè Yà' A Ye Mvwe' Lak Rumà

16 Vès ànə kə wes Rumà anə, fana wo me'rə Pol də yi sə cum kə' bə tu ye mvwe' sè yi dzəm. Megu də wo à nònɲsə sojà mòk də nà'a sə kək də yi kà ca bisè.

17 Nùumbu tɛ' à càa, fana Pol to benə bùu Jus sè wo mantombi bohòbùu awo sè wo cu mvwe' lak yà'sə, də bə yà'wèeɲ cum kwe'. Wo ànə baɲ və me, fana yi sə tsoho fa yà'wèɲ duk də, <<Bwema am wèɲ, mù a ka bùu lak avès yumook awo gu bupsə fa. Bum lak avès sè tàcici avès à fa vesùwèɲ pwe', mù a ka nè mò'fis sə fɛɲ. Wo à bùsə mu ɲgà ndapndzəm mvwe' lak Jòrosalèm, nə jəɲ mu fa bùu Rumà ɲga mù ka yumok bupsə.

18 Bùu Rumà à fek mu bum mok, nə dzəm də wo me'rə mu, bùusè wo a ka yusəmok sè mù a gu bupsə sè co wo zə mu bùu zeɲ ye.

19 Bùu Jus wèɲ kà dzəm də wo me'rə mu dzəm. Anə ye vɛ'nə, fana mù yam bùè, nə duk də

nzak àm nò lo mantombi bohònkum bùu Rumà. Bohòmù yàm, mù ka yusəmok sè bup ηgòcèp bə liη bù am tse'.

²⁰ Yà'a yusè mù də mɛ to wɛη, nò tsok fa wɛη bum yè'sə. Bə nè zìnə, kwəη sè mù nisə tse' yè'e mэгù bùu njo ηwè nè bùu Izùrɛ pwe' tse' naàn tu bohòyi nà'a.>>

²¹ Yi ànə duk wes vɛ'nə, fana wo cɛp bwi yàwo duk də, <<Vès a ka ηwàk mòk nè nà' vè bohòvès mvwe' nzenğòn Jùdiyà bə liη yo tse'. Moma àvès mòk mò'fis nè də yi a vè ηgwàaη bə ntirè mok è', kè nè də ηgòcèp yusəmok bup bə liη yoo sè' bùè.

²² Vès nə dzəm ηgòyuk yusè wù sə tsəm sə ntuù wù sè'. Vès duk vɛ'nə bùusè bwìη ma nè fòpwe' cèpgè bup bə bòp bù nè wu wenə wèη ànə.>>

²³ Anə geη bə Pol wèη fəhɛ nonşə nùmbu mòk də wo nə kə kərə sè' ηkuη.

Nùmbu ànə à kè dzèeη, bùu sə wèη və mok ηkùuηntèn ηgòkè yuk yusè Pol sə cèep. A yè jə nè zəzòn yi cɛp tè nùm kə ca co pìip ndzəm seη nga yi sə cèp malì fo'. Yi à tsòho fa wo mvè'nè gaη ηkum Nwì cu, nə sə rɛɛŋsə fa yà'wèη. Yi lap mandzè nè ηgògù wo də ya wo dzəm də yusè yi sə cèp də Jisòos ηgà gèm bwìη nè wo sə tək nə sə zìnə. Yi à sə ləp mandzè ènə nga yi à sə cèp bə bum sè yà'a ndzenə ηwàak lùuk Musi bə sè ηgàa tsòhòbum Nwì wèη.

²⁴ Bòp bù ma mòk à dzəm yusè yi à cèp sə, mok kà dzəm.

²⁵ Wo à gà'a sam fo' cù zəzok nga Pol à cèp

fa wo ncèp mòk. Ncèp nè yi à cèp nè à ye duk dè, <<Ye na mvəsè Yònsè nè Røreŋ nè à gù Izayà ngà tsòhòbum Nwi ngòcèp yusè yà'a zìnə bohòtácicii awèŋ nɛ.

²⁶ Yi cèp duk dè,

<Dù, nè kə cep bohòbùu yè'e wèŋ də,
Wèeŋ nè yu'rə nè yu'rə kè' ba wèŋ kà rɛɛŋ.
Wèeŋ nè kək, nè kək fe'lə sòmok, nè kà yə.

²⁷ A vɛ'nə bùusè ntuum bùu yè'e gu wùriŋ.

Wo à loho ntu', bə lis awo laŋ.

Ka-a vɛ'nə ye də lis awo nè ye, fana

ntu'u awo yuk, fana ŋkərè awo rɛɛŋ sè'.

Ye də wo bùuŋ və bohòmùu Nwi nè mù sə cèp ènə,

mù luŋsə wo.>>

²⁸ Pol à mèsə ncèp ye, nè duk dè, <<Ye də ncèp nè Nwi a tsè' bə mvəsè yi nè luŋsə bwìŋ bə zɛŋ nè, wèeŋ riŋ də nà'a lòmok bohòbù lakmvum.

Wo nè yu'rə nà' bəboŋ.>> [

²⁹ Yi ànə cep wes vɛ'nə, fana bùu Jus wèŋ sə sam, nè lo yu awo, nè sə kəəm jwa lo bə yusè Pol cèp sə.]

³⁰ Pol à cu mam məm̀vwe' ànə lùumŋgòn ba. Yi à sə cu mvwe' sè yi à làk fo' bə mbàam ye. Yi à sə ywìhi bə ndàaŋwè pwe' nè nà' vè ngòkè kè' yə yi.

³¹ Yi à sə tsòho fa bwìŋ mvəsè gaŋ ŋkum Nwi cu. Yi sə yə'rə fa bwìŋ bə liŋ Tà Jisòs Krest. Yi à sə cep, nè kà wəp, ŋwè nəmòk kà yi də yi kà cèp sè' duk.

CXXX

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

c475d5b3-da44-51cf-93ca-f255b72fe481